

15/81
15/61
15/II
**М. А. Ҳошимов
В. И. Кучерявих**

ТАБИАТНИНГ нодир сайргоҳлари

ББК 75.81
Х 71

Тақризчилар: география фанлари номзоди, доцент
X. Сиддиқов,

тарих фанлари номзоди, доцент
K. F. Faniев

Муҳаррир *A. Зиёдов*

Ҳошимов М. А., Кучерявиҳ В. И.
Х 71 Табиатнинг нодир сайргоҳлари.—Т.: Меҳнат,
 1991.—112 б.

Китобда Жанубий Ўзбекистоннинг хушманзара жойлари тасвирланади. У ерлардан саёҳат мақсадларида фойдаланиши, шунингдек бу зонадаги йирик горлар ҳақида ҳикоя қилинади ва уларга саёҳат маршрутлари ташкил этиш йўллари кўрсатилган. Китоб ўқувчиларни она табиатга нисбатан ғамхўрлик қилишга, уни асрар-авайлашга, халқ хўжалигига ҳар қулоч ердан оқилона фойдаланишга чақиради. Китоб рангли расмларга бой.

Кенг китобхонлар оммаси учун мўлжалланган.

Хашимов М. А., Кучерявиҳ В. И. Заповедные тропы природы.

ББК 75.81

X 4205000000 - 33
M359(04) - 91 80 - 91

© «Меҳнат» нашриёти, 1991

ISBN 5-8244-0513-1



КИРИШ

Пойтахтимиз Тошкент аэропортидан осмонга кўтарилиган самолёт қисқагина, атиги 40 минутлик парвоздан кейин феруза гумбазли Самарқанд шаҳри аэропортига қўнади. Шоирлар тилида достон, меҳмонлар дилида армон — тарихий шаҳар Самарқанд фақатгина Ватанимизнинг ҳамма бурчакларидан келувчи сайёҳларнигина эмас, ер куррасининг барча давлатларидан келаётган кўп сонли сайёҳ меҳмонларни ҳам кутиб олади. Қелаётган меҳмонлар учун шаҳарда ҳамма нарса муҳайё. Жумҳуриятимизнинг биринчи пойтахти бўлган Самарқанд меҳмонларни инқилобнинг дастлабки вақтларида бошидан кечирган тарихий жойлари, ўрта асрларда Темур ва унинг авлодлари томонидан қурилиб, осмонга бўй чўзган тарихий миноралари-ю ложувард гумбазлари гўзаллиги билан лол этади. Тарихга қизиқувчи меҳмонлар шаҳарнинг ўртасидаги «Ибтидоий одам макони» жойи билан танишиши мумкин. Лекин сайёҳлар учун Самарқанднинг гўзаллиги фақат шаҳар билан чегараланмайди. Шаҳар чеккасига чиққан сайёҳларни Самарқанд вилояти майдонида жойлашган табиатнинг сўлим оромгоҳлари кутмоқда.

Зарафшон дарёсининг ўрта оқимида жойлашган Самарқанд атрофида бири-биридан гўзал кичик шаҳар ва посёлкалар, тоф ва текислик қишлоқлари, табиатнинг

нодир сайргоҳлари мавжуд. Лекин бу жойдаги экспедицион маршрутлар фақат вилоят майдони билан тугамайды. Сайёхлар Самарқанд шаҳрини марказ қилиб, бу жойдан Зарафшон дарёсининг юқори оқимига, қардош Тоҷикистон майдонига жойлашган афсонавий гўзал тоғли Кўҳистонга, дарёнинг ўнг қирғоги бўйлаб қўши Сангзор дарёси водийсига ёки дарёнинг қуёйи оқимига тушиб, чексиз Қизилқум саҳросининг табиатини ва ундаги тарихий ва табиатининг хилма-хиллиги билан ажralиб турган жойларни томоша қилишлари мумкин.

Табиатнинг нозик ва салобатли меъморлик иши-улкан фояларни ҳамда уларнинг хилма-хил гўзал безакларини кўрмоқчи бўлган форшунослар учун Самарқанд шаҳридан жанубдаги Тахтақорача довонидан ошиб ўтиш кифоя. Бу довондан тушган жойдан бошлаб, Қашқадарё ва Сурхондарё вилоятларида жойлашган Зарафшон ва Ҳисор тоғларининг кўпчилик қисмини эрувчан төғ жинслари эгаллаганининг гувоҳи бўласиз. Бу тоғлар бағрида улкан горлар пайдо бўлган, уларда ер ости дарёлари салобат билан оқади, горлар шифтида табиат яратган нодир безаклар жилва қиласди.

Лекин она табиат қўйнига шўнғишдан олдин шуни эътиборга олишимиз керакки, унинг имконияти чексиз эмас. Агар табиат бойликларидан фойдаланишда эҳтиёт чораларини кўриб, ундан оқилона фойдаланмасак, у ҳолда билган-бilmagan ёки онгли-онгсиз ҳолда унга зарар етказамиз. Ҳар йили сизнинг, бизнинг, умуман инсониятнинг лоқайдлиги натижасида табиатнинг кўп нодир мўъжизалари вайрон қилинмоқда, ўнлаб ўсимлик ва ёввойи ҳайвон турлари йўқолмоқда. Бу ишда табиийки, экология муаммоларидан, табиатни муҳофаза қилиш ишларидан бехабар сайёхнинг сафарга чиқиши, гўё дарахт шохига ўтириб олиб, унга болта урувчи нодоннинг ишига ўхшайди. Фарқи шундаки, нодон ўтинчи йиқи-либ ўзини майиб қилса, нодон сайёҳ ўзига, авлодига ва бутун инсониятга керак бўлган табиатга зиён етка-

зади. Агар биз яқин орада табиат манбаларидан тұғри фойдаланишни ўргана олмасақ, улар биз күтган вақтдан ҳам олдин хароб бўлиб, қайта тикланмайди. Чунки тайёр ўрмонни қирқиши уни ўстиришга нисбатан, кўллар ва дарёларни ифлослантириш эса уни тозалашга нисбатан осондир.

Ҳозирги пайтда инсоннинг она табиатга кўр-кўронга хуружи туфайли ер юзининг учдан бири чўлу биёбонга айланди. Дов-дараҳтлар беаёв кесиб ташланаётгани учун йилига олти миллион гектар майдонни қум босмоқда. Табиат инъомларининг совурилиши, ҳаво ва сувнинг булғатилиши одамлар ҳаётини катта ҳавф остида қолдираётир. Жаҳон олимларининг фикрига кўра, бу ҳавф яқин ўн йиллар ичida тузатиб бўлмас жароҳатга айланиши мумкин. Оташин публицист Юлиус Фучик барҳаёт бўлганида балки ҳайқиради: «Одамлар ҳушёр бўлинглар! Мен она табиатни севаман!»

Табиатнинг олтин фонди шунчалик тез камбағаллашяптики, агар жараён шу тарзда давом этса, бизнинг XXII асрдаги авлодларимиз табиатниң биз ҳозир кўриб турган қисмининг 15 фоизига эга бўлишади. Экологларнинг фикрига кўра бу 15 фоиз ҳам миллион йиллар давомида табиат ўзгаришларига чидаб, унга иммунитет ҳосил қилган «бирламчи жондорлар» — қўнғизлар, ўргимчаклар, чаёнлар бўлади. Демак, табиат қўйнига шўнғицдан олдин, биз табиатга бўлган муносабатимизни ўйлаб кўришимиз, уни ўзимиз кўриб турган ҳолда келажак авлодга етказишимиз керак. Бунинг учун, аввало, табиатни билишимиз, тушунишимиз ва севишимиз, авайлаб, асрашимиз керак. Табиатни севган сайёҳлар учун унинг ҳамма бурчаклари очиқдир. Табиатга зарар етказувчилар учун эса шундай шароит яратишимиз керакки, улар ҳар бир қадами ҳақиқий табиатшунослар назари остида эканини ва ҳар бир келтирган зарари учун жамият олдида жавоб бериши кераклигини ҳис этсинлар.

ОЛТИН ВОДИЙ САЙРГОҲЛАРИ

Зарафшон водийси «олтин водий» деб аталади. Уни тилга олганда фақатгина дарё ёқасидаги қадим вақтлардан буён фойдаланилаётган олтин конларинигина эмас, балки дарё сувининг шарофати билан водий ёнбағирларида гуркираб ўсаётган боғу роғларни, хушманзара жойларда жойлашган кўркам қишлоғу шаҳарларни, гавжум бозорларида сайёҳ эътиборини ўзига тортган заъфарон узум-у ёқутранг анорни, олтиндек товланган анжир-у оқ биллuri шафтолини тушунишган. Зарафшон ва Туркистон тоғлари орасига жойлашган бу олтин водий дарёси баланд чўққилардан — 2.795 метр баландликдан бошланади. Кўхистон деб аталган бу тоғли ўлкада тор даралару баланд чўққилар мавжуд бўлиб, улар ёнида дарё шаршаралар ҳосил қилиб оқади. Шу сабабли дунёning кўпгина бурчакларидан келган сайдёхлар водийдаги бетакрор тоғ кўли Искандаркўл ва тик қояларни, қуюқ арчазорлар-у тоғ музликларини завқ билан томоша қилишади. Олгин водий ғарбга томон аста-секин пасайиб, Қизилқум саҳросига туташниб кетади ва бу жойда дарё икки ирмоқ — Гуджайли ҳамда Тайкирга бўлиниб, саҳрога сингиб кетади.

Бу гўзал водийда сайдёхларни гўзал тоғ ва текислик қишлоқлари, кичик шаҳарлар, табиятнинг нодир сайдироҳлари кутади. Азалдан шарқ ва ғарб ўртасида жойлашган водий бой қадими тарихга эга. Бундаги


ҳар бир шаҳар ва қишлоқ асрлар ҳақида ҳикоя қиласиди. Водий сүғдлар элининг гуркираши, Искандар Зулқарнайн бочқинчилари зулми, араблар истилоси, Чингизхон босқини, Темур ҳукмронлигини бошидан кечирди. Қисқа масофада баланд тоғлар ўлкасидан саҳро зонасигача тушувчи дарё ёқасидаги қишлоқлар ҳар хил географик зоналарда жойлашгани учун, бир фаслнинг ўзида турли либосда бўлади.

Бу ердан сиз дарё юқорисига — тоғли Қўҳистонга саёҳат қилишингиз мумкин. Саёҳатингиз шаҳар ёнидаги қадимий Чўпонота тепалигидан бошланади. Юқорига борган сари Оҳалик, Омонқўтон қишлоқларини, Ургут каби чиройли шаҳарни, Қирқтоғ ясси тоғини томоша қилиб, тоғлар ўлкаси Қўҳистонга ўтасиз. Қўҳистонда сизни Тоғлар қабристони, Фан тоғлари, Тоғ кўллари ва олтин узук кўзидағи марварид — Искандаркўл кутади. Бу табиат мўъжизаларини томоша қилиб бўлгандан кейин Шаҳристон довонидан қўшни Сангзор водийсига тушиб, у жойдаги Уч ўчақ, Бахмал, Ойқор сингари сайргоҳларда бўласиз. Бу жойлардан текислик йўллари билан Самарқандга кайтиб лам олгандан кейин, янги маршрутга чиқиб, қуруқликдаги оров Миёнқолни, тоғлардаги мўъжиза Кўксаройни, саҳро медальони Қарнобни ва текислик қишлоғи Тимни томоша қилишингиз мумкин.

ЕТИИ ТЕПАЛИК УСТИДА

Сержилва Самарқанд шаҳрининг шимоли-ғарбий қисмida тик қирғоқли Сиёб ариғидан кейин ўсимликлардан ҳоли тепаликлар бошланади. Темурийлар даврида бу жой Кўҳак тепалиги деб аталган.

«Кимда-ким гўзал Самарқандни бир назар билан кўрмоқчи бўлса, уни енгил амалга ошириш учун Кўҳакка чиқиши керак», деб ёзганди XIV асрда бу жойни келиб кўрган араб сайёҳи Ибн Батута.



Икки аср ўтгандан кейин бу жой Чўпонота деб — шу ерда ўрта асрларда қурилган мачит номи билан атала бошлади. XIX аср охирларида тузилган рус харитаラрида бу тепаликларга қатъий қилиб «Чўпонота баландлиги» деб ном қўйилди.

Ҳозир Чўпонота Самарқанд шаҳри майдонига кириб кетган. Асримиз охирларига бориб, у тўлиқ ўзлаштирилиб, шаҳарнинг аҳоли яшовчи районига айлантирилиши керак.

Денгиз тўлқинланган жойда

Чўпонота тепаликлари ўзининг геологик келиб чиқиши билан ҳам бошқа майдонлардан ажralиб туради. Қадим вақтларда тектоник ҳаракатлар Зарафшон ҳавзаси тагидаги палеозой даврида пайдо бўлган кристаллик пойдевордан метаморфик йўл билан, яъни катта босим ва ҳарорат таъсирида ишланио, пайдо бўлган сланец ва қизил қумтошларни юзага сиқиб чиқарди. Уларнинг ичига эса бирмунча кейин пайдо бўлган чўкинди жинслар—палеоген даври оҳактошлари ва гипсари, неоген қумтошлари ва конгламератлари аралашиб кетди. Бу ёш қатламлар қадимий жинслар устига Чўпонотанинг бир қисми бўлган Лайлакхона тепалигига ер юзига чиқиб қолган ва ҳозир бу жойда шаҳарнинг янги «СССР 60 йиллиги» парки барпо қилинаяпти.

Агар Зарафшон дарёси водийсининг ўртасида мана шу қояли тепалик бўлмаганда эди, унда бу қуруқлик ўртасидаги ҳосилдор Миёнқол оролини, Афросиёбнинг соз тупроқли тепаликларини, Сиёбнинг гўзал водийсиги кўриш мумкин бўлмас эди.

Чўпонота тепаликларининг пайдо бўлиш тарихи ҳали тўлиқ ўрганиб чиқилгани йўқ, лекин унинг умумий ривожланиш йўналишини айтиб бериш мумкин.

Урта палеозой даврида ҳозирги тепаликлар ўрнида денгиз кўрфази бўлган. У шарқдан текислик билан че-

гарапаниб, бу текисликда иссиқ ва нам тропик иқлим мавжуд бўлган. Секин оқувчи дарёлар кўрфазга лой ва қумларни оқизиб келиб йиғган ва улар маълум вақт ўтгандан кейин сланец ва қумтош қатламларига айланган. Кейинги геологик даврларда бу жой бир неча марта кўтарилиган ва чўккан. 10—20 миллион йиллар олдин эса, бу жойда тепалик пайдо бўлган ва аста-секин ясси тоққа айланган. Зарафшон суви, нураш жараёни ва бошқа омиллар бу ясси тогни аста-секин нуратиб, ҳозирги ҳолига олиб қелсан.

Чўпонотанинг мачит ва ретранслятор жойлашган юқори нуқтаси, Самарқанднинг ўртача баландлигидан атиги 100 метр юқоридир. Лекин бу арзимас кўринган фарқ шаҳар ва воҳа тарихида катта роль ўйнайди. Бу юқори нуқта кўп асрлар давомида душман келаётганини кузатувчи жой бўлган. Тепалик устида гулхан ёқиладиган жой ва навкарлар учун қоровулхона қурилиб, агар хавф-хатар пайдо бўлса, масалан, Самарқанд тарихида кўп бўлган кўчманчи қабилаларнинг шаҳар томон ҳаракати сезилса, навкарлар гулханга ўт қўйишган ва тутун шаҳар аҳолисини фафлатда қолмасликка унданган. Чўпонота ҳамма томонидан сув билан ўралганилиги ва ўтиш қийин бўлганлиги сабабли душман йўлига табиий тўсиқ сифатида фойдаланилган. Шунинг учун унинг стратегик аҳамияти жуда юқори бўлган. Айниқса, унинг қиялиги катта бўлиб, шарқий томони душман ишғол қилиши учун қийин жойга айлантирилган ва унинг тагида худди атайнин қурилган сувли хандақдек Қора-сув дарёchasи жойлашган.

Қадимий Чўпонота тепалиги 3000 йил ичидаги Самарқанд воҳасининг бошидан ўтган кўп тарихий воқеаларга гувоҳ бўлди. Бу жойдан Александр Македонский лашкарлари ўтган. Турклар, араблар, Чингизхон, Темур, Шайбонийхон аскарлари бу жойда тўхтаб дам олган. Бир сўз билан айтганда Чўпонота тарихи Самарқанд тарихининг бир бўлагидир.

Чўпонота тепалигидаги мачитнинг қурилиши билан боғлиқ бир афсона мавжуд. Бу афсонада кекса чўпоннинг ватанпарварлиги ҳикоя қилинади. Айтишларича номаълум сабабларга кўра навбатчи аскарлар душман келганини билмай қолишган ва ҳалок бўлишган. Душман отлиқлари шаҳар дарвозасига яқинлашиб қолганда улар олдидан чўпон чиқиб қолади. Кекса чўпон шаҳарга душман хавф колаётганини кўриб, подасини душман устига ҳайдайди. Пода билан ўёли тўсилиб қолган душман шовқин билан ўзини билдириб қўяди ва шаҳар ҳимоячилари томонидан даф қилинади. Гўё шу вақтдан бошлаб, чўпоннинг бу жасорати учун тепаликнинг энг баланд жойига мачит қурилиб, у Чўпонота мачити деб атала бошланади. Унинг қурилишининг бошланиши XIV асрга тўғри келади дейилади. Лекин китобларда бу мачит ҳақидаги тарихий маълумотларнинг XVI аср-гача бўлган даври учрамайди.

Хазина ғаладони

Чўпонота тоғлари бир хил тоғ жинсларидан ташкил топганига қарамасдан, фойдали маъданларга бой бўлиб, улар жуда қадим замонлардан буён ишлатилади.

Агар Омонқўтон тоғларида истиқомат қилган неандерталъ одамлар ўзларига керакли тош қуролларни яшаган жойларидан топишган бўлса, юқори палеолит даврида Самарқанд шаҳри ўрнида яшаган одамлар (уларнинг истиқомат ўрни шаҳар марказидаги парк-кўлдан топилган) ўзларига тош қуролларни Зарафшон дарёси бурилишларида ёки Чўпонота тепаликларида топишган. Одам яшаган, ёши 30 минг йилдан кам бўлмаган бу жойдан чақмоқтош ва қизил охра топилган. Бу қизил охра кони Лайлакхона тепалигига, кремнийли чақмоқтошлар эса бутун Чўпонота тепаликларида учрайди. Лекин улар қазиб олинган жой эҳтимол Қирча деб номланган жойда бўлса керак. Бу жой Сиёб ариғи соҳилида бўлиб,

кристалл төр жинслари ер юзинга яқин чиққан ва атрофида сув ҳамда ов күп бўлган.

Юқорида таърифланган Лайлакхона тепалиги ўзининг тузилиши билан ҳам Чўпонота тепаликларининг қиммат баҳо «Галадонидир». Бу жойда палеоген даврида пайдо бўлган оҳактош ва гипслар, неоген даври кварцитлари, кулолчилик тупроғи ва конгломератлар бор. Бу материалларнинг бари ўтмишда қурилиш материаллари бўлиб хизмат қилган.

Соз тупроқ асосан кулолчиликда ишлатилиб, чинни ишлаб чиқаришда ҳам қўшилган. Қалинлиги 30—40 метрга етувчи соз тупроқдан фишт ва пахса деворлар яратилган. Гипсни эса ганчга айлантирганлар. Тоза кварцли қум эса шиша ишлаб чиқаришда қўлланилган. Бу қумларни асримизнинг 30-йилларигача ковлаб олинган, унинг изи — ғорлар ҳозиргacha сақланиб қолган.

Тепанинг шарқий қисмida очилиб қолган оҳактошлар оҳак олишда ишлатилган. Эҳтимол бу очиқ кон узоқ ўтмишда Самарқанд учун катта аҳамиятга эга бўлгандир. Шаҳарнинг бошқа томонидаги Оҳалик конидаги оҳак олувчи печлар X—XI асрларда қурилиб, асосан, икки асрлар кейин Самарқандда кенг қурилиш авж олганда тўлиқ қувват билан фойдаланилган. Чўпонотадаги печлар эса асримизнинг эллигинчи йилларигача ишлаб турган. Шу кунларда Чўпонотада қумтош ва сланец ковлаб олувчи бир неча очиқ конлар бор. Олинган маҳсулотлар қурилишда кенг қўлланилади.

Чўпонота Самарқандга келган барча олимларни қизиқтирган. Бу ерда биринчи илмий изланишлар 1869 йили А. П. Федченко томонидан ўтказилган. Кейинчалик бу ерда машҳур рус олимлари П. П. Семенов — Тянь Шанский, Н. М. Пржевальский, И. В. Обручев ва бошқалар бўлишган. Бу олимлар томонидан ўша даврдаёқ Чўпонота тепаликлари бағрида марганец, темир, қалай ва бошқа нодир маъданлар белгилари борлиги айтиб берилган.

Яшил тасма

Чўпонота атрофи ўтмиш даврлардаёқ дам олиш зона-сига айлантирилган. Бу жойлар фақат ҳозирги сайёхларнигина ўзига жалб этмаган. Ўтмишдаги кўплаб сайёхлар, ўша давр аслзодаларининг кўплаб боғлари Чўпонота тепаликларида жойлашганлигини ёзишади. Масалан, Бобур ўзининг хотираларида ёзади: «Самарқанд атрофларида чиройли майдонлар жойлашган. Улардан машҳурларидан бири — Конигил бўлиб, у Самарқанддан шарққа қараб чўзилади. Ариқча Конигилнинг ўртасидан оқади. Самарқанд сultonлари бу жойни қўриқхона, деб эълон қилишган ва ҳар йили улар бу майдонга бир ёки икки ой чиқиб, шу жойда яшашади. . .»

Бу ер ҳозир Чўпонота тепалигининг жанубий қисмida жойлашиб, Сиёбнинг бутун водийсини эгаллаган. Темур ва Улуғбек даврларида бутун Конигилдан хиёбон ўтиб, унинг икки тарафида дарахтлар ўтқазилган, пиёдалар юрувчи йўлкалар атрофига каналлар ва ҳовузлар қазилган. Бу хушманзара хиёбон ҳозирги Тайлоқ посёлкасигача чўзилган. Бу жойда кўп чойхоналар жойлашган ва сайиллар ўтқазилган. Навбатдаги ҳарбий юришдан қайтаётган Темур бу жойда бир неча кун тўхтаб ўтган.

Чўпонота атрофларида XIV—XVI асрларда амирларнинг кўплаб ёзги оромгоҳлари қурилди. Бу оромгоҳлар тўғрисида Темурийлар замондошлари Шарафиддин, Ҳофизи Абру, ибн Арабшоҳ, Бобурлар хабар беради. Буларнинг ичига энг гўзали Боғибаланд бўлиб, у Чўпонотадан ғарбда — Сиёбнинг ўнг қирғоғида жойлашган. Ундан бир мунча шарқроқда Боғимайдон жойлашиб, унинг чеккасида ёзлик қаср Чулустун ва кичик боф «Боғча» жойлашган. Кейнроқ Боғибаланд олдида дарвеш Муҳаммад Тархон боғи пайдо бўлган.

Мутахассислар фикрига кўра ўша даврлардаги шаҳар ташқарисидаги боғлар ўйлаб қурилган ва тартибли

бўлған. Уларни жойлаштиришда режалаштириш мавжуд бўлиб, ҳовузлар ва бинолар маълум қонуният асосида қурилган. Буларнинг ҳаммаси ўша даврдаги боғбонларнинг улкан ҳаётий тажрибасидан далолат беради.

Қайта тиклананаётган тепаликлар

Ҳозирги вақтларда Конигил хиёбонларининг шоншуҳрати қайта тикланмоқда. Оби-раҳмат арифининг икки тарафида дам олиш зонаси, профилакторий ва катта боғ барпо этилган. Чўпонота тепаликларининг бошқа қисмларини ободонлаштириш давом эттирилмоқда.

Чўпонота тепаликлари яшил бойлигини тиклаш бўйича биринчи изланишлар 1927 йилдан бошланган. Шу даврдаги ўлкашунослар фикрига кўра, бу тепаликлarda қурғоқчиликка чидамли дарахтлар экиш мумкин экан. Лекин ёш Совет давлати учун оғир йилларда табиийки, ўрмонни қайта тиклаш учун маблағ етишмасди. Биринчи тажриба дарахтлар ўтказиш қирқинчи йилларда тепаликлар шарқий ёнбағрида ўтказилди. Бу кўчатлар ичida айниқса, акация ва айланта дарахт кўчатлари тезда шароитга мослашиб кўкариб кетди.

Ҳозир Чўпонота ёнбағирлари яйдоқ ерларини кўкаламзорлаштириш ишлари кетмоқда. Бу жойларда яна қайнин дарахтлари тез шароитга мослашиб, ўрмон хўжалиги посёлкасиний иссиқ ва чангдан яхши ҳимоя қилмоқда. Лайлакхона тепалиги ёнбағри ва Оби-раҳмат ариғи ёнбағирлари яшил тўн билан қопланди. Бу тепаликлар ёнбағрида жойлашган 8-автоколонна майдонига экилган мевали дарахтлар ҳосилга кирганига ўн йилдан ошди. Чўпонота тепалигининг ғарбий ва шимолий ёнбағрига экилган кўчатлар кўкка бўй чўзди.

Ерларни сугоришнинг илғор усусларини қўллаш асрлар давомида қўл тегмаган жойларда хилма-хил мевалар, узум, полиз экинлари ҳосилини йиғиши имкониятини бермоқда. Тепаликлар ёнбағри бўйлаб кела-

жакда чиройли кенг күчалар, баланд иморатлар ва хиёбонлар тушади. Бу жойда етти тепалик устида янги шаҳар барпо бўлади.

ОҲАЛИК

Самарқанд шаҳри жанубида жойлашган тоғли хушманзара Оҳалик қишлоғи шаҳар меҳмонлари ва самарқандликларнинг деярли ҳаммасига таниш. Тоғ ва дарё ёқасида, боғларнинг қалин соясида пионер лагерлари ва дам олиш базалари, санаторийлар жойлашган. Дарё қирғоқлари ва тоғ ёнбағирлари бўйлаб улкан дам олиш зонаси деярли ўн километрга чўзилиб кетган.

Оҳалик қишлоғи Қоратепа тоғининг шимолий ёнбағридаги барча тоғ қишлоқлари каби узоқ ўтмишда—қадими Суғд эли ўзининг пойтахти атрофини ўзлаштираётган даврда пайдо бўлган. Оҳаликнинг пайдо бўлиши тўғрисида тарихий маълумотлар бизгача етиб келмаган. Лекин бу тоғ воҳаси ичидаги икки қўрғон қолдиқларига қараб, бу майдонларни меҳнатсевар деҳқонлар Қушонлар даврининг бошидаёқ ўзлаштирганини, шаҳар атрофларида улкан сув омборлари ва каналлар қурганини тахмин қилиш мумкин.

Бу даврга қадар Оҳалик ўрнашган тоғ дарасидан чорвадор аҳоли яйлов сифатида фойдаланган бўлиши, ундан олдинги — бронза даврида бу ерда овчилар яшаган бўлиши керак. Бу ҳақда Оҳалик майдонида топилган камоннинг чақмоқтошли ўқлари хабар беради.

Эҳтимол бу ерлар узоқ вақт давомида Самарқанд олий табақаси учун дам олиш жойи бўлиб хизмат қилгандир. Чунки уларнинг шаҳар ташқарисидаги қасрлари дарё бўйида жойлашган бўлган. Бу ер истироҳатгоҳ бўлғанлиги учун савдо-сотиқ ва косибчилик билан шуғулланмаганлар. Шу сабабли на араб географлари, на бошқа Зарафшон водийсини ўргангандар олимлар ўзларининг хотираларида бу жойдаги косибчилик ҳақида

эслашмайди. XIX асрда Самарқандда бўлган барча сайёхлар Оҳаликда бўлишган. Булар қаторига Хаников, Вамбери, Федченко, Обручевни кўрсатишими мумкин. Қишлоқнинг Оҳалик деб номланишига айрим сабаблар бор.

Биринчидан, IX асрдан бошлаб, бу ердаги маҳаллий аҳоли тўлиқ оҳак қазиб олишга мутахассислашган бўлиб, бу ердаги оҳак ғамламаси ҳозиргача жуда улкан дир. Оҳак кенгаяётган Самарқанд учун керак бўлиб, илгаридан шаҳарни ана шу қурилиш материали билан таъминлаётган Чўпонота маҳсулоти етишмай қолган.

Оҳалик қишлоғининг номи ҳам шу даврда пайдо бўлиб, асли Оҳаклик, яъни «о»—«ой», «хок»—«тупроқ», яъни ойнинг оқ тупроғи маъносини англатган. Унинг ёнида жойлашган Оқбўйра қишлоғининг номи ҳам бу ердаги оҳак ғамламасидан хабар беради. Ҳақиқатан ҳам узоқдан бу жойга қарасангиз оқ тепаликларга биринчи кўзингиз тушади.

Иккинчидан, қурилаётган Самарқанд шу даврларда мустаҳкам ва чиройли қурилиш материалига эҳтиёж сезарди ва бу материаллар Темурийлар даврида қурилаётган маҳобатли биноларга керак бўларди. Мармарни эса Нуротанинг Фозон ва Омонқўтоннинг Гурмак конларидан олиб келишарди. Улкан гранит бўлаклари эса яқиндаги тоғлардан олиб келинарди. Шу кунларда ҳам Оқбўйра қишлоғи яқинидаги тош конларида ярим йўнилган гранит блокларини кўриш мумкин.

Учинчидан, Темур ва темурийлар вақтида Қашқадарё водийсидаги Тарагай қишлоғига йўл Оҳалик орқали ўтган ва ундан Сангтўра довонига (1860 м) кенг карвон йўли мавжуд бўлган. Тарагай қишлоғи мутахассислар фикрича Темурнинг уруғи барлос қабиласи юрти бўлган.

Бу тоғ йўли инқилобгача Туркистонга контрабанда товарларини Шарқий Бухоро, Қарши, Шаҳрисабз, Шерободдан олиб келувчи яширин йўлга айланган.

Гражданлар уруши даврида бу тоғ йўли Қашқадарёдан келувчи душман тўдаларини тўсиб қўйиш учун ёпилди ва Довонга, йўлнинг тор қисмларига соқчилар қўйилади. Ёз фасли кунларидан бирида душманларнинг кўп сонли тўдаси тўсиқларни ёриб ўтади. Оҳалик олдида бу тўда ва хитойлик командир Пай-Ти-Сан бошчилигидаги байнамилал жангчилар ўртасида бир неча соат давом этган жанг бўлиб, душман енгилади ва тоққа қараб қочади.

Оҳалик қишлоғининг этник состави хилма-хил бўлиб, асосан ўзбеклар ва тожиклардан иборат. Қолган миллат вакиллари бу жойга Паргар ва Киштут қишлоғидан инқилобга қадар кўчиб келишган. Кейинчалик Ўрмитон қишлоғидан ҳам ўнлаб хонадонлар кўчиб келган.

Оҳалик атрофидаги ер майдонларининг камлиги сабабли қишлоқ аҳолиси вақти-вақти билан бошқа жойларга кўчишга мажбур бўлган. Шу йўл билан оҳаликлилардан иборат Оқати, Оқбўйра қишлоқлари вужудга келган.

Ҳозирга келиб Оҳалик майдони Самарқанд шаҳри учун энг қулай даволаш ва спорт-туристик марказдир. Ҳар йили бу жойдаги пионер лагерларида, санаторийларда, «Ёшлик» турбазасида ўн мингга яқин киши дам олади. Баҳор фаслида эса табиатнинг бу гўзал бурчагига юз минглаб Самарқандликлар ва шаҳар меҳмонлари дам олишга чиқади.

Оҳалик қишлоғи атрофида кўпгина табиат мўъжизалари мавжуд. Пасттоғлик зонада — оҳактошлар мавжуд. жойларда горлар, эски штолнялар ва оҳак куйдиришда ишлатилган печлар учрайди. Тоғ жинслари ичидан синчков сайёҳлар исланд шпати доналарини топиши мумкин.

Қоратепа тоғининг асосий қисмини ташкил этган гранитлар ва гранодиоритлар ичидан графит, хрустал шодаларини учратиш мумкин. Тоғ бағрида эса қалай, вольфрам, молибден ғамламалари бор.

Бу районнинг асосий сув манбаи бўлган Оқдарё во-

дийси ҳам тақрорланмас гүзалликка әга. Бу жойда ол-ча, қайрағоч, бодом дараҳтларидан ташкил топған боғлар күп. Дарё ўзанининг тор жойларида шаршаралар мавжуд. Сайёхлар учун Оқдарёдаги катта шаршара Бошсувтушар, айниқса гўзал бўлиб, у Авғон довонига чиқишида жойлашган.

Қишлоқ юқорисида — тоғнинг юқори қисмида (1700—2200 м) баъзи бир жойларда табиий ҳолда ўсаётган арча сақланиб қолган. Қексаларнинг гапига қараганда илгари уларнинг сони анча кўп бўлган. Бу ердаги арчалар сонининг камайишига асосий сабаб, уларнинг оҳак печларида ёқилғи сифатида ишлатилганидадир.

Тоққа чиқувчиларни бу ердаги қояли чўққилар ҳам жалб этади. Улар ичидағи Камқўтон чўққиси (2189 м) Қоратепа тоғидан баландлигига кўра иккинчи ўринда туради. Чўққи улкан гранит қоя шаклида бўлиб, ёнбағирлари тикдир. Унинг ёнида кичкина, шаффоф сувли Қулбобо кўли жойлашган бўлиб, табиат томонидан тайёрланган табиий ўйиқча тўлдирилгандир. Камқўтондан кейин Кичкинасойни ярим ҳалқа шаклида гранит қоялар ўраб олган. Улар «Оҳалик тожи» дейилади ва 1900—2100 м баландликдаги Тошбақа, Қоратош, Досттўда каби номлар билан аталади. Бу чўққиларга кўтарилиш ҳатто спортчилар учун ҳам унчалик енгил эмас.

Қишлоқ атрофидаги «тош ҳайкалларни» томоша қилиш ҳам анча мароқлидир. Бундай табиат мўъжизалари бу ерда анча. Оқтош массивида от, диназавр ва хаёлий ҳайвонларга ўхшаган тош бўлакларини кўриш мумкин. Булар ичиди ҳажми жуда улкан тош бўлаклар ҳам учрайди. Буларга «Тошбақа», «Шоҳтош», «Сомонтош» ва «Игна» чўққиси киради.

Оҳаликдан қўшни водийларга кўп сонли сайёҳ сўқмоқлари ўтади. Бу сўқмоқлар тоғ чўққиси орқали Сангтўда, Авғон, Бешозор, Говхона довонлари орқали Амир Темур горига, Тарағайсойга, Алвасти кўлига ва Омонқў-

тонга ўтади. Сазвас довони орқали «иккимингинчи» чўқ-қилар Камқўтон, Игна, Қизилтоққа кўтарилиш ёки Сазвасдарё водийсини кесиб ўтиб, Қаратепа қишлоғига бориш ёки Илонсойга тушиш ёки Ёнтоқ ясси тоги орқали тўғри йўл билан Тераксойнинг юқорисига чиқиб, Қайнарбулоққа тушиш мумкин.

Оҳаликдан сўқмоқ йўл билан Миронкўлга, олти шаршара ўлкасига ёки Оқбўйрага ҳам ўтиш мумкин.

Лекин табиатнинг бу гўзал бурчагини томоша қилиш вақтида, унинг муҳофазасини ҳам ўйлашимиз керак. Бу жойдаги ҳамма нарса—гиёҳлар, булоқлар, тошлар ҳимоя талаб қиласди. Дам олишга келувчиларнинг сони ошган сари, бу гўзал масканнинг табиатига зарар келтирилмоқда. Ўсимлик дунёси камаймоқда. Дам олишга борувчилар ўйлаб ўтирмай бойчечак, лола, ёввойи пиёз, доривор ўтларни юлишади. Буларнинг кўпчилиги эса Қизилкитобга кирган ва ўқолиш арафасида турибди. Биз эса бу ҳақда ўйлаб ҳам кўрмаймиз.

Ҳайвонот дунёсининг аҳволи бундан яхши эмас. Кўп нодир ҳайвонлар браконъерлар дастидан йўқолиб кетди. Дарёдаги балиқлар кимёвий дорилар ва электр токи таъсиридан йўқолиш арафасида турибди. Қушлар уяларини ташлаб одамлар кўзидан йўқолмоқда. Ҳозир Оҳалик атрофида бир вақтлар кўп бўлган ёввойи чўчқа, бўри ва бўрсиқнинг изини ҳам учратмайсиз. Қуён, тулки, жайралар ҳам камайиб кетди.

Табиатнинг бу гўзал инъоми Оҳаликни сақлаб қолиш учун вақт ўтмасдан уни давлат ҳимоясига олиш ва қўриқхона эълон қилиш керак. Бу жойда овнинг барча турини овлашни, мева ва ўтлар теришни тақиқлаш лозим. Йўқолган ҳайвон ва қушлар турларини қайта тиклашга уриниш ва ўрмон экиб мелиорация ишларини амалга ошириш керак.

Сайёҳлар ва ўлкашунослар бу жойда табиатнинг со-диқ дўстларига айланишлари керак. Ҳозирча кичик-кичик участкаларда сайёҳлар томонидан табиатни тиклаш-

та бўлган уриниш бор. Бунинг учун улар маҳаллий материаллардан фойдаланишмоқда, яъни ёввойи дараҳт ва чангальзорларнинг қалин қисмини қисман сийраклаштириб, шунга ўхшаш иқлимли кўчатни жойларга кўчириб ўтказмоқдалар. Мўъжиза рўй бериб, кечаги тақир жойларда инсон томонидан яратилган ўрмон шовуллашмоқда.

ОМОНҚҮТОН

«Табиат — санъатнинг абадий нусхасидир». Виссарион Белинскийнинг бу сўзлари жумҳуриятимизнинг такорланмас бир бўлаги бўлган — кичик тоғ майдони Омонқўтонга ҳам тегишилдири.

Утган аср охирларида инсон онги ва меҳнати табиатга ёрдамга келди ва ҳалокат олдида турган майдон қайта тикланди. Биз қўйида Омонқўтоннинг кечаги ва бунгиги куни ҳақида ҳикоя қиласиз.

Тоғ олди тепаликлари орасида кулранг сариқ тусли ўсимликлар билан қопланган йўлдан боришингизда охирги кўтарилишдан кейин кўз олдингизда чиройли бир манзара намоён бўлади. Чўққилари оппоқ қор билан қопланган баланд қоялар этагида инсон қўли билан яратилган ўрмон шовуллайди.

Омонқўтон жумҳуриятимиздаги кўпчиликка ёшликтан таниш. Ахир бу ерда кўпчиликнинг ёшлиги ўтган машҳур «пионер республикаси» жойлашган. Кўпчиликнинг ҳаётдаги она табиатга бўлган биринчи қадами шу ердан бошланган. Бу жойдаги неандерталь одам макони тўғрисида бутун дунё билади. Табиатнинг бу бўлаги жумҳуриятдаги бетакрор табиат-тарих хазинаси бўлиб, осмон гумбази остидаги улкан бир музейдир.

Афсоналар нимани сўзлайди

Омонқўтон ва унинг айрим жойлари тўғрисида бир қатор афсоналар мавжуд. Шу ерлик оқсоқоллар Гурмор

тоғидаги тошға айланған илон, Тахтақорача довонидаги баджаұл жинлар, Шохаксойдаги Улугбек яшириңгандай жой ҳамда Афлотунсой ҳақида сизга ҳикоя қилиб берішади.

Лекин асосий афсона Омон исмли чўпонга аталған бўлиб, гўё у ўз жасорати билан одамларга баҳт ато этган, яъни сойга киришни қўриқлаб турған улкан илонни ўлдириб, бой яйловли ва ҳосилдор тупроқли ерни ундан озод этган. Шу сабабли бу жой Омонқўтон деб аталған эмиш дейишади. Лекин бу жойнинг энг кекса номи суғдча Гурмак бўлиб — шу номли қишлоқ Консойнинг юқори қисмida ҳали ҳам сақланиб қолған ва у эрамизнинг биринчи асрларида ташкил топған. Кейинчалик Омонқўтон Тахтақорача номи билан Фиёсиддин Алининг «Темурнинг Ҳиндистонга юриши хотиралари» китобида тилга олинади. Темур ва Улугбек даврида қурилған ёзлик қаср ҳам Тахтақорача номи билан аталған.

Қашшоқлашган ер

Арчазорлар қирқилиб кетганидан кейин одамлар учун Омонқўтоннинг файзи йўқолди. Булоқлар қуриди, яйловлар ўтсиз қолди, иқлим қуруқлашди, сел оқимлари тоғ ёнбағридаги барча џарсаларни ювиб кета бошлади. Ёки бошқа сўз билан айтганда одамлар бой яйловларни хароб қилиб, бу жойни бошқача ном билан Ёмонқўтон деб атай бошлашди.

Бу жойлардаги арчалар қирқилишига яна бир сабаб бор эди. XVIII асрдан бошлаб бу жойда чўян ва темир эритила бошлади, улар ўз навбатида дараҳтдан қилингандай кўмирни талаб этарди. Бундай кўмирни эса арча дараҳтни куйдириб олишарди. Шу сабабли майдони 24 квадрат километр бўлған арчазор атиги 10—20 йил ичидаги қирқилиб кетди.

Хаммаси қандай бошланды

Биринчи бўлиб Омонқўтоннинг иқлими ва тупроғига эътибор қилган, ташаббускор-ўрмончи генерал Н. И. Корольков бўлди. У ўрмончилик бўйича мутахассислар С. Н. Навроцкий ва М. И. Невский билан биргаликда ўтган асрда водийнинг шимолий ёнбағрига ўрмон экишини бошлади. Чунки ўша вақтда бу ёнбағир сел босиши учун энг хавфли эди. Бу ишларни улар асосан ўз ҳисобларига олиб боришарди, чунки бу иш учун хазинадан жуда оз маблағ ажратилганди. Бу ерда жаҳонда биринчи бўлиб маҳсус Омонқўтон усули ишлаб чиқилди, яъни ёнбағрда кўндалангига супасимон шаклда текисликар яратилиб, кўчатлар экилди. Бу кўндаланг супасимонлар тагидаги ариқлар ўз навбатида ёмғир ва қор сувлари тезлигини камайтирас, уларни тупроқнинг ўзига йиғар ва об-ҳаво қуруқ вақтида ўсимликларга берар эди. Кейинчалик Корольковнинг бу усули француз ўрмоншунослари томонидан юқори баҳоланган ва у Шухрат Легиони ордени билан мукофотланган эди. Шу йўл билан 1879 йил 500 десятин жойда ёш ниҳоллар ўтказилди. Ўша вақтлар учун бу жуда катта иш бўлиб, бунинг устига у асосан ташаббускорлик ҳисобига бажарилди. Лекин тезда маблағ етишмаганлиги сабабли ишни тўхтатишга тўғри келди.

Аммо шу билан Омонқўтонда ўрмон барпо қилиш иши тўхтамади. 1887 йили ўрмоншунос К. Раунер Газармасой бошида қарағай кўчатлари экди (ҳозир бу жойда 117 улкан қрим қарағайи ўсиб ётибди). Уларнинг баландлиги 20 метргача, танасининг кенглиги 0,8 метрга етади. Қарағайлар ўзлари учун нотаниш қуруқ иқлимга яхши мослашди.

Ўн йилдан кейин бу жой яқинида игна баргли дарахтлар ва оқ қайнини иқлимлаштириш бўйича тажриба ўтказилди. 1908 йил Омонқўтонсой бошида Апрелевский ўрмон дачаси ташкил этилди. Бу жойга қарағай ва оқ

қайин экилди. Ҳозир бу кичик ўрмончани Кумбелсой устки қисмиди — П. Морозов номли пионер лагери территориясида кўриш мумкин.

Ўрмон ва янги мезбонлар

1908 йилда Омонқўтоннинг инқилобга қадар ўзлаштириш даври тугади. Бу даврнинг сел ва сурилмаларнинг олдини олишдаги майдонни янада кўриш жараёнини чеклашдаги хизмати катта. Бу воҳанинг пайдо бўлиши кўп жараённи ўзгартирди, илгари ёз жазирамасидан қуриган, қақраган ёнбағирлар кўм-кўк дарахтлар билан қопланди, кўчиб келган янги мезбонлар — қушлар қўшиғи билан тўлди, ҳатто илгари номсиз сой Булбулзорсой деб атала бошлади, ёввойи чўчқа, бўри, бўрсиклар пайдо бўлди.

Совет ҳукуматининг биринчи йилларидан бошлаб табиий бойликларни кўпайтиришга фаол киришилди. 1933 йилга келиб Омонқўтонда ўрмон хўжалиги тузилди ва майдонни ўрмонлаштириш қизғин давом этди. Шу ернинг ўзида маҳсус кўчат ўстирувчи участка ташкил этилиб, бу ерда етиштирилган кўчатлар бутун ўрмон хўжалиги бўйлаб тарқатилди. Ҳозир Омонқўтоннинг ҳамма бурчакларида бодомзорлар, қайрағочзорлар, олмазор ва ёнғоқзорлар ташкил этилган.

Эндиликда Омонқўтон ўрмон дачаси 2200 гектар ерни ташкил этади. Ўрмон ташкил қилиш ишлари давом эттирилмоқда. Янги ўзлаштириладиган майдонлар ҳисобга олинниб, келажакда улар эскилари билан қўшилиб, бир умумий боғни ташкил этиши керак.

Шу кунларда Омонқўтон базасида миллий боғ ташкил қилиш масаласини кўтарадиган вақт келди. Чунки, инсон қўли билан яратилган бу хушманзара ўрмон, унинг ҳимоясига муҳтож бўлиб қолди. Омонқўтонни томоша қилиш учун ҳар йили кўп минглаб самарқандликлар, сайёҳлар, чет эллик меҳмонлар келишади. Шунинг

учун ҳам табиатнинг бу нодир бурчагини ҳимоя қилиш вазифаси туради.

Мўъжизалар ғаладони

Ҳар ҳолда Омонқўтон нимаси билан одамларни жалб этади. Биринчидан, йирик саёҳат шаҳри Самарқанддан уни атиги 40 километр ажратиб туради. Иккинчидан, тоғлар билан ўралган бу водийда алоҳида микроклимат мавжуд бўлиб, текисликка нисбатан у ерда деярли 3 марта қўпроқ (йилига 1000 мм. га) ёғингарчилик бўлади. Ҳавонинг ҳарорати эса шаҳарга нисбатан деярли 4—5 дараҷа пастдир. Бу жойда ёзниг энг жазирама кунларида ҳам енгил шабада эсиб, салқин бўлиб туради.

Омонқўтоннинг кўп сонли булоқлари ҳамма вақт муздек ва хуштаъмдир. Қишида эса чанғичилар баҳтига бир метрлик қор қопламаси ҳам пайдо булади.

Бу тоғлик жойда бир қатор экскурсион ва туристик обьектлар мавжуд. Табиат ёдгорликларига ўрмонни ҳам қўшиш мумкин. Чунки бу ерда эндемик ўсимлик дунёси ҳам учрайди.

Омонқўтоннинг табиий бойликлари ҳам мўл. Бу жойда юқори сифатли мармар, оҳактошлар, қум, марганец ва темир рудалари, дала шпати, ярим қимматбахо гранат минерали, слюда ва графит фамламалари бор. Водийни улкан ва гўзал қоялар ўраб олган. Сайёҳларни тоғлар юқорисида учрайдиган сувайиргичдаги карст воронкалари, ғорлар, Қуруқсой ва Қумбел даралари ўзига тортади.

60—100 минг йил олдин Омонқўтон ибтидоий одамлар томонидан ўзлаштирила бошлаган. Бу жойдаги ғорлардан бирида тош қуроллар, гулхан қолдиқлари, ёввойи ҳайвонлар суюклари топилган. Палеолит, мезолит, бронза асрига хос қолдиқлар учрайди.

Афлотунсойнинг юқори қисмида V—VII асрда қу-

рилган қоровул қасрларнинг қолдиқлари учрайди. Водийнинг юқори қисмидаги Тахтақорача довони тўғрисида академик В. В. Бартольднинг фикрича, бу ерда араб истилоси даврида араблар ва маҳаллий халқ ўртасида энг катта жанг бўлиб ўтган. Самарқанд вилояти ўлкашунослик музейи ходимлари томонидан бу жойда археологик изланиш ишлари олиб борилмоқда. Бу жойдаги X—XI асрларда қурилиб, XVIII асрлар ўртасигача эксплуатацияда бўлган бино қолдиқлари ўрганилмоқда. Шу жойнинг яқинида қадимги Буюк ипак йўлининг тармоқларидан бири бўлган «Шоҳлар йўли»нинг қолдиқлари топилган.

Эҳтиёт қилиш шарт

Шу кунларда Омонқўтон орқали 20 та саёҳат маршрутлари ўтади. Ҳар йили 15—20 минг шаҳарликлар дам олиш вақтларини, минглаб пионер ва ўқувчилар ёзги таътилларини бу ердаги пионер лагерларида ўтказишади. Ҳеч ким томонидан назорат қилинмайдиган кўп минглаб сайёҳлар бу жойнинг гўзаллигига зарар еткашибмоқда. Дараҳтларда касаллик белгилари, фойдали ўсимликлар ареалининг эса қисқариш ҳоли кўринмоқда. Бир вақтлар мусаффо тиниқ сув манбаи бўлган булоқларнинг суви камайиб, ифлосланмоқда.

Айниқса, пионер лагерлари атрофлари, дараҳтлар тагидаги дам оладиган жойлар тез ифлосланмоқда. Бу жойлардаги баланд мусиқа товушларидан чўчиган қушлар инларини ташлаб кетмоқда.

Нима учун сафарга чиққан пионерларга таёқ ушлаш одат бўлганини ҳеч ким айта олмайди, лекин ёш дараҳт новдалари кесилиб, нобуд бўлаётганини кўпчилик кўриб турибди. Дам олиш жойларида гулхан ёқиши одати туфайли неча кубометр ўтиналар ёқилиб кетмоқда, лекин улар орасида янги ниҳоллар — игнабаргли дараҳтлар ёки арчаларнинг қирқилишига нима дей-

сиз. Бу оловда ҳалок бўлаётган майда жониворларнинг-ку сон-саноғи йўқ.

Биз ҳали ҳам табиатни эҳтиёт қилишни билмаймиз. Ахир баҳорда ва кузда пионер лагерлари атрофини тозалаш, унга янги кўчатлар экиш, янги павильонлар қуриш, келган ота-оналар учун суҳбатхоналар ташкил этиш, тонгда ва кечқурун радиолар овозини пасайтириш, пионерлар ўртасида табиатни муҳофаза қилиш масалалари бўйича тушунтириш ишлари олиб бориш қийин эмас-ку.

Сиз ҳам эҳтиомол ўз автомашиналарига «эҳтиёткор» хўжайнинларнинг қандай қилиб тиниқ тоғ дарёсида шахсий мулкини юваётганини кўргандирсиз. Бунинг натижасида сувни булғаётган мой ва бензин дарёдаги охирги хонбалиқларни заҳарламоқда.

Альпинист сигирлар

Ҳозир Омонқўтонда ажойиб томоша — альпинист сигирларни кўришингиз мумкин. Улар тўда-тўда бўлишиб, шунча меҳнат эвазига ўстирилаётган ёш дарахт новдаларини емоқда. Улар орқасида юрган «ўтлар сартароши» бўлган эчкилар эса ўтларни илдизи билан еб, дарахтларнинг пўстлогини кемирмоқда. Ахир бу ҳайвоннинг ўтларни илдизигача ейиши натижасида ҳамда улар боқилган ва кўпайган ерларда тупроқ эрозияси келиб чиқади-ку. Улар етказган зарар фойдасидан ҳам ошиб тушганини сезган Юgosлавия каби давлатлар аллақачон эчкиларни яйлов усулида боқишдан воз кечиб, таъқиқловчи қарорлар чиқармаганмиди? Нима учун биз инсон меҳнати билан яратилган Омонқўтоннинг яна ҳам камбағаллашишига сабабчи бу жониворларни бойлигимиз бўлган дарахт ниҳолларини нобуд қилишига бефарқ қараб турамиз.

Халқимиз турмуши фаровон. Ҳар бир хўжаликда бир неча сигир, ўнлаб эчкилар бор бўлиб, улар табиат-

нинг нозик бир бурчагида истаган ерида ўтлаб юрибди. Эҳтимол маҳаллий ҳокимият Омонқўтон ўрмон зонасини ўз ҳимоясига олиб, бу жойда уй ҳайвонларини боқишини тақиқлаш ҳақида қарор чиқарар. Албатта, бу қарорда фақатгина уларни боқишини тақиқлашдан ташқари, халқнинг ризқ-рўзи бўлган бу жониворларни асраш учун бошқа жойдан яйлов ажратиш ёки уларни қўлда боқиши учун ем-хашак ажратиш масаласи ҳам кўрилар. Акс ҳолда, тақиқловчи бу қарор, ўтган йилларда ўйламай берилган буйруқларга ўхшаб самарасиз бўлади.

Ургут районига берилган тамаки режасини бажариш учун Омонқўтонга яқин жойлашган Қалинин номли колхоз тамаки экиш учун тоғ ёнбағридаги ҳосили кам бўлган тоғ олди зонасига ҳам тамаки эка бошлади. Тамакининг-ку ҳосили кам, фойдасидан зарари кўп, лекин ундан олинадиган фойдадан ҳам табиий ўсаётган ўсимликлар йўқолишининг зарари ҳаммасидан ошиб тушаяпти.

Минг афсуслар бўлсинким, табиатнинг бу гўзал бурчagini яратган инсон, ҳозир Омонқўтон ўрмонларининг биринчи душманига айланди. Кейинги 20 йил ичida узунлиги атиги 14 километр бўлган водийнинг аҳолиси З марта ошди. Турар-жойлар қурилиши эса эгасининг хоҳишига қараб, исталган жойда қурилмоқда.

Омонқўтон аҳолисининг кўпайиши икки заарали оқибатга олиб келди. Биринчидан, сув манбалари аҳолининг сувга бўлган талабини тўлиқ қондира олмайди. Водийдаги асосий дарёда сув кам йиллари деярли камайиб кетмоқда. Бунинг орқасида ўсимликлар ҳалок бўлмоқда. Иккинчидан, бинолар қурилиши учун ёғоч манбай керак. Шунинг натижасида ўрмон кодекси бузилмоқда. Ўрмончилар эса қоида бузувчиларни аниқламай фақат арраланган дараҳтларни ҳисобга олишга мажбур бўлмоқдалар.

Бунинг устига ўрмон хўжалиги маъмурияти ўрмондаги қуриган дараҳт ва шох-шаббаларни олиб кетишни

таъқиқламайди. Натижада пастга кўпинча навқирон дарахтлар яширинча олиб кетилади.

Бошқача айтганда инсоннинг табиатга ҳужуми жуда кучайиб кетди. Натижада табиат ўзи эришган экологик мувозанат ҳолида туролмаяпти ва йўқотган ўз ўрнини тиклай олмаяпти. Энди бу ишга қонун аралашиб Омонқўтоннинг табиий бойликларини ҳимоя қилишни ўз қўлига олиши керак. Бунинг учун биринчи навбатда бу зонага кирувчи дам олувчилар ва сайёҳлар сонини камайтириш керак. Пионер лагерларида болалар ўртасида тарғибот ишлари йўлга қўйилиши лозим. Қелажакда бу районда янги қурилишларни тақиқлаш, умуман олганда табиатни муҳофаза қилиш ишларини тезроқ амалга ошириш зарур. Ахир яширишнинг ҳожати йўқ. Биз қонунни билган ҳолда, уни бузувчиларга—нодир ўсимликларни юлаётганлар, сув ҳавзаларини булғаётганлар, лолани юлиб бозорда сотаётганларга бефарқ қарайпмиз.

Ўрмон хўжалиги режаларида озмунча тиклаш чоралари кўрилаётгани йўқ. Ҳар йили янги ниҳоллар экилмоқда, урувлар сочилмоқда. Лекин бу ишда фақат мутахассислар, ўрмоншунослар, табиат ҳимояси билан шуғулланувчи географлар, биологлар, кенг жамоатчилик ёрдами камлик қиласи. Ахир табиатга зарар келтираётганларнинг жиловини тортиб қўйиш ҳаммамизнинг қўлимиздан келади-ку! Бундан гўзал Омонқўтон фойда кўрса, у ҳаммамизнинг фойдамиз-ку! Халқ мулки—табиат мўъжизаси бўлган Омонқўтон бугун, эртага ва ҳамиша бор бўлиши керак!

УРГУТ

Чакилкалон тоғларининг тик ёнбағри пастида Зарафшон водийсининг йирик шаҳарларидан бири бўлган Ургут шаҳри жойлашган. Эҳтимол қардош Тожикистон майдонидаги Панжакент шаҳри ўзининг аҳолиси сони ва жойлашган ўрни билан Ургутга ўхшаб кетар. Лекин

Ургут қўшни шаҳардан фарқлироқ тоғ олдида эмас, ўзида жойлашган. Ургут шаҳри тоғнинг ичига ёриб кирган сой бўйида жойлашиб, икки томондан улкан қоялар билан ўраб олинган. Шаҳарнинг ўртасидан ёзда анча сершовқин, баҳорда эса улкан тошларни копток сингари ўйнатиб оқизадиган дарё оқади. Ургутнинг илонизи кўчалари водийнинг рельефига бўйсунгандар бўлиб, ундағи барча паст-баландлик ва қияликларни тақрорлайди.

Ургутга келган вақтингизда беихтиёр ўзингизни тоғда эканлигинизни сезасиз. Боғлар ва уйлар орқасига яширинган тоғлар ўзининг борлиги ҳақида енгил салқин шабадаси-ю, гуллар ва ўтлар ҳиди билан билинтиради. Ёзнига саратонида қуёш чарақлаб турган тақдирда ҳам ҳамма вақт салқин бўлади ва осмон мусаффо тиниқлиги билан ажралиб туради. Салқинни дарёнинг бошланшидаги кўп сонли булоқ сувлари яратиб, улар ўз атрофидаги боғлар ва экинларнинг ҳаёт манбаидир.

Ургут жумҳуриятимиз харитасидаги ёш ва айни бир вақтда тарихдаги кекса шаҳарлардан бири. Кейинги 1500 йил ичида у бир неча марта вайрон бўлди ва яна қайта тикланиб шаҳарга айланди. Ҳатто навбатдаги душман уни ёқиб, йўқ қилиб юборган тақдирда ҳам у шаҳар номини йўқотмас эди. Хароба ва кулхоналардан яна қаср деворлари, аҳоли яшовчи ва меҳнат қилувчи маҳаллалар пайдо бўларди, бу жойларда ҳаёт қайнаб, машҳур Ургут бозори кўп тилли аҳоли билан тўларди. Магиан ва Фаробдан, Варганзидан ва бошқа тоғли жойлардан келган одамлар бозорни тўлдиради.

Биз бу аҳоли пунктининг қачон пайдо бўлганлигини аниқ билмаймиз. Лекин унинг жуда кексалиги ҳақида қояда топилган суратлар хабар бераб, мутахассислар фикрича, бу расмларнинг ёши 5—6 минг йил экан.

Шаҳар ёнидаги қояларнинг бирида нодир сурат топилган бўлиб, у асрлар қаъридаги номаълум овчи бошига тушган мусибат ҳақида хабар беради. Қоя ёнида елкаси билан чалқанча ётган одам тасвирланиб, қўл-

лари икки тарафга ёйилган. Унинг ёнида ерга ташланган камон ва отилмаган ўқ ётибди. Овчи ёнида икки илон ётибди. Эҳтимол бу одам заҳарли илонлар қурбони бўлган бўлса керак.

Антик давр юон тарихчиларидан бири Аррианнинг Александр Македонский тарихий жангларидан бирини таърифлаб ёзишига кўра македонияликлар Мароканд (Самарқанд) ёнидаги диндан қайтганлар шаҳрини вайрон этишган. Уларнинг авлодлари анча олдин Грециядан Суғдиёнага келиб, тоғ олдида кичик қишлоқ ташкил қилишган экан.

Ургутга яқин жойдаги Сўфиён қишлоғида археологлар христианларга оид граффитлар (ганчдаги расмга ўхшаш тошга қабариқ ҳолда туширилган расмлар) топишган, унда хоч расми ва эрамизнинг биринчи асрига хос арий хатлари бўлган. Х асрда яшаган араб тарихчиси Истахрининг қўйидаги маълумоти эътиборга молик: «Ибн Ҳаукал бу жойда (Ургутда) кўп месопатамиялик христианларни кўрган, улар бу ерга ҳоли жой ва тоза ҳаво қидириб келишган» Христианлар жамоати жойлашган жой аниқ кўрсатилган, у Вазкерт қишлоғи (ҳозирги Қинғир қишлоғи).

Ургут билан боғлиқ кўп тарихий маълумотлар бор. Масалан, V—VII асрларда бу жойда Зороострийлар — ўтга сифинувчиларнинг олов турадиган ибодатхоналари жойлашган. Суғдиёнада Самарқанддан кейин Андак (суғдлар вақтидаги Ургут) иккинчи ўринда дин маркази бўлган. Эрамизнинг биринчи минг йиллиги ўрталаридаёқ шарқ бозорларида Ургутнинг майизи ва туршаги машҳур бўлган.

Қадимий Ургут ёнидаги кичик қишлоқ Қоқишибагнда алоҳида ибодатхона бўлиб, унда фақат турк йигитлари навбатдаги босқинга боришдан олдин ибодат қилишган.

VIII асрнинг биринчи ярмида араблар Ургут қалъасини жанг билан эгаллаб олишган ва унинг сув билан таъминловчи мураккаб суфориш тармоқларини бузиб

ташлашган. Ургут бу фалокатни ҳам бошидан ўтказиб, қайтадан бош күтарди. Түғри, шу даврдан кейинги йилномаларда Ургут түғрисида, бирон оғиз сўз учрамайди. Афтидан ўзаро урушлар фақат катта шаҳарларнига эмас, кичик шаҳарларнинг ҳам шон-шуҳратини йўқ қилган. Лекин Ургутнинг шифобахш ҳавоси ҳақидаги шуҳрати сақланиб қолган. Бу жойда ёзниг жазирамасидан қочиб, вақт ўтказиш учун Бухоро амири келадиган бўлган. Маҳаллий аҳолининг айтишига кўра Ургутга Сангижуман ва Магитан довонлари орқали махсус йўл қурилган. Ўша вақтларда саккиз қорабайир от қўшилган арава суткада тоғ йўлларида 50 километрта қадар йўл босган. Бу йўлнинг қолдиқлари баъзи жойларда сақланиб қолган.

1868 йилнинг май ойида рус подшо армияси кучли жанглардан кейин Ургутни эгаллаб, қалъя деворлари ва ички истеҳкомларни бузиб ташлаган. Келаси йил бу жойни келиб кўрган Ўрта Осиёning биринчи текширувчиси А. П. Федченко ўз ҳисоботида қўйидагиларни ёzáди: «Ургут шаҳри 5000 аҳолига эга ва Шаҳрисабз тоғларининг тор дарасида жойлашган. Қенгина бозори, бир неча мачити ва ҳозир бузилган қалъаси бор». Ҳисобот давомида олим шаҳарнинг эътиборга лойиқ жойларини таърифлайди: «Чорчинор боғи элликлар атрофидаги кекса дараҳтлардан ташкил топади. Кўпчилик дараҳтларда улкан коваклар бўлиб, улардан бири ва энг каттаси кенггина хона шаклида бўлиб, унда мўйсафид қоровул яшайди».

Совет ҳокимияти Ургутда Самарқанддан кейин ўрнатилди, лекин олдинда ҳали уни мустаҳкамлаш учун беш йиллик жанглар туради. Атрофдаги тоғларда душманлар яшириниб олиб, фаолларни ўлдиришар, большивикларни ва комсомолларни гулханда ёқишар, деҳқонларга босқинчилик қилишар, уйларни, экинларни бузишарди.

1923 йилнинг ёзида—матчолик душман тўдалари

тутатилиши билан ургутликлар учун инқилюбга қарши кучлар билан кураш йўллари тутатилди. Шу даврда шаҳар чеккасида Одилов ва Балаев бошлиқ 45 қизил отлиқ ўзларидан 10 марта кўп бўлган душман тўдаси билан кутилмагандан тўқнашди. Бир кун давом этган бу жангда кучлар тенг эмас эди. Тўда бу жангга чидаш беролмади. Уларнинг қолганлари тоққа қараб қочди ва кейинчалик кўпчилик душманлар Совет ҳукуматига ихтиёрий таслим бўлди.

Хозир Ургут гўзаллашмоқда. Кенг кўчалар ва хиёбонлар пайдо бўлди, кўп қаватли бинолар қурилмоқда, тамаки-ферментлаш заводи маҳсулот бермоқда, гилам заводи маҳсулоти атрофга тарқалмоқда. Шаҳар астасекин тоғ олди зонасига сурилиб, эски шаҳарнинг кўп асрлик қисмлари сақланиб қолмоқда.

Бундан 100 йил олдин А. П. Федченко айтган жойлар ҳам сақланиб қолган. Чорчинордаги 300 йиллик чинорларнинг барглари шабадада шитирлайди. Дараҳт танасидаги ковакда жойлашган хона ҳам ўз жойида ва бу жойга баъзида дам олиш зонаси қоровули кириб туради. Шаҳардан юқорироқдаги икки тошқин тармоқлари — Яхтон ва Муринак бирлашган жойда эса пионер лагерлари жойлашган.

Энди Ургут номига ҳамоҳанг гуллаётган шаҳар номи баралла айтилмоқда.

ЕР ОСТИ СУВ ОМБОРИ

Жумҳуриятимиздаги табиат томонидан яратилган нодир ер ости сув омбори баланд тоғ устида — Қирқтоғ яси тоғида жойлашган. Бу табиат мўъжизаси Самарқанд вилоятининг Ургут райони майдонидадир.

Халқ афсоналарига кўра қадим замонларда Шаудар тоғи сувсиз ва ҳаётсиз бўлган экан. Тоғ ёнбағрида жойлашган қишлоқлар сувсизликдан қийналиб, одамлар асосан тоғда нима топилса, шу билан овқатланишган экан.

Лекин тоғнинг энг баланд жойида, чўққилар билан ўраб олинган жойида, бойлиги беадад очкўз бир бой яшаган экан. У эгаллаган жойда сув мўл, яйловлар серўт экан. Унинг хизматкорлари ерни чопишар, ҳовузлар ва фавворалар қуришар, хўжайинларнинг ҳисобсиз бойликларини қўриқлар эканлар.

Кунлардан бир кун камбағалларнинг сабр косаси тўлиб, бой ёнига жасур ва кучли йигитларни юборишибди. Улар тик қоялар ва «тош дарёларни» кесиб ўтишиб, тоғ тепасидаги гуллаб ётган ялангликка чиқишибди. Вакиллар бойдан пастга қараб жуда бўлмаганда битта ариқ ўтказиши кўп илтимос қилишибди, лекин ҳеч натижа чиқариша олмабди.

Бой бу ердаги сувни умуман одамлардан яширмоқчи бўлибди. Унинг буйруғи билан хизматкорлар бир кечада қирқта қудуқ қазишибди. Тонг отганда эса бой ўз жойини таний олмабди. Ҳаёт манбай бўлган сувлар қудуқлар ичига кириб ғойиб бўлиб, ҳовузлар тагидаги тошлар ер юзига чиқиб қолибди. Ҳусимликлар сувсизликдан сўлиб, боғлар қурибди ва хизматкорлар ҳар тарафга қочиб кетибди.

Юқоридан ҳеч нарсага эриша олмай қайтиб келаётган йигитлар эса пастда кўм-кўк майсазор ва гуллаб турган боғларни кўришибди. Тоғ тагидаги булоқлардан сув отилиб чиқиб, серсув ариқлар пайдо бўлибди. Шудаврдан бошлаб пастдаги гуллаб турган жой Ургут деб, тоғ устидаги яssi тоғ эса Қирқтоғ деб аталармиш.

Қирқтоғ яssi тоғи... Бунга ўхшаган жойни Ватанимиз ва чет элларда топиш қийин. Тоғ тепасидаги 25 квадрат километр жойдаги бу текисликда жуда кўп сонли карст шакллари, воронкалар, ҳавзалар, кўллар, қудуқлар ва шахталар жойлашган.

Ургут райони жойлашган Зарафшон тизма тоғлари. Унинг бир қисми Чакилкалон тоғи дейилади ва у ўзига хос геологик тузилишга эга. Бу ерда кўп йиллик оҳактошлар 10—12 километр қалинликда ётади. 250—300 миллион

Йил олдин бу оқактошлар йирик гранит тана — магма ичига жойлашган. Оқактошлар яхлитлиги эса күп сонли ёриқлар билан бузилган. Бу ёриқлар кесишган жойга юқоридан тушиб келаётган қор, ёмғир сувлари түпланди ва оқактошлар эришига сабаб бўлади ҳамда тик каналлар ҳосил қиласди. Кейинги миллион йиллар ичida бу тик каналлар шунчалик кенгайганки, улардан бемалол одам ўта оладиган табиий қудуқлар, шахталар пайдо бўлган ва баъзи бир жойларда уларнинг кенглиги 30—40 метрга етган. Ҳозир ғоршунослар ҳаракати натижасида ясси тонгнинг бутун ғарбий қисми харитаси тузилди. Бу харитада 310 та табиий воронкалар, карст кўли Сариқтол ва чуқурлиги 15 метрдан 200 метргача борган 56 та шахта кўрсатилган.

Карст жараёнларини фақат ер ости бўшлиқлари ташкил қилиб қолмай, балки маълум қисмининг лой, қум билан тиқилиб қолиши ёки юқори қисмининг ўпирилиб тушиши натижасида ёпилиб қолиши мумкинлигини эътиборга олсак, унда ҳар бир кичик қудуқнинг ҳам ёпилган қисмларини текшириб, уни сайёҳ ғоршунослар учун илмий-спорт аҳамиятига эга объектга айлантириш мумкин.

Биринчи марта Киев шахтаси ўрганилганда 420 метр чуқурликда ғоршунослар олдида шахтанинг ўпирилиши натижасида тўсилган қисми пайдо бўлди. Уни қўл билан тозалаб очишганда яна 100 метрдан кейин олдиларида юқоридагидек тош тиқин турарди. **Фақат оғир меҳнатгина** ғоршуносларни бундай қийинчиликларни енгигиб, 955 метргача олиб кела олди. Бу ерда эса... улар олдида ер ости кўли туриб, у табиий шахтанинг бу қисмини қизил лой қатлами билан тиқилиши натижасида ҳосил бўлганди. Воронкалар ва шахталар — табиат томонидан яратилган ер ости сув омборлариридир. Булар бор жойда шудринг, ёмғир, қор сувлари бекорга нобуд бўлмайди. Атмосфера ёғинлари воронкалар ёнбағридаги каналчалар орқали йиғилиб тагидаги понора деб номланган те-

шик орқали ер остига ўтади ва ер ости дарёлари ва кўллари ҳосил қиласди. Ер остидаги иссиқлик эса 2—4 дара жадан ошмайди ва шунинг натижасида бу жойда буғланиш бўлмайди. Нам кам йилларда шу йўл билан йиғилган ер ости сувлари кейин аста-секин сарфланади.

Чакилкалон шимолий ёнбағридан посёлкалар, Ургут, Қамангарон, Зинак олдидаги сон-саноқсиз булоқлар ва жанубдаги Қашқадарё водийси булоқлари ҳам шу йўл билан Қирқтоғ ҳисобига сув олмоқда. Ҳар дақиқа бу ясси тоғ ўртача 200 кубометр атрофида сув бермоқда (бу эса ўртача Самарқанд олдидаги икки Дарғом каналига тенг). Бу маълумот асосида Қирқтоғ ясси тоғининг тоғ олди зonasини суғоришга таъсирини билиш мумкин.

Лекин афсуски, кейинги вақтларда Қирқтоғ ясси тоғидан оқилона фойдаланилмаслик оқибатида унинг экологик мувозанати ўзгармоқда. Бунинг олдини олиш учун аввало, бу жойни қўриқхона деб эълон қилиш керак. Бу чора сув йиғиладиган Қирқтоғ ҳавзасини қўй-эчки подаларидан ҳимоя қиласди. Қирқтоғдаги заиф ўтили яйловларнинг ҳаддан ташқари эксплуатация қилиниши, кутилмаган оқибатларга олиб келиши мумкин. Биринчи навбатда ер устидаги ўсимлик қатлами қаттиқ зарарланади, кейин тупроқ нураши кучаяди ва ниҳоят ёғин-сочин сувларини йиғувчи карст воронкалари ва шахталарининг ўзи ҳам нураган тупроқ ва лой билан тиқилиб қолиб, сувни бошқача тақсимлай бошлайди. Бундан ташқари, энг катта хавф, чўпонлар табиий чуқурликларга ҳалок бўлган ҳайвонларни ташлашидир. Ер ости бўшлиқларининг ифлосланишига яна тез-тез ва кўп кишилар қатнашадиган саёҳат экспедицияларидир. Киев шахтаси кейинги 15 йил ичida шунчалик ифлосландикси, уни тозалаш зарурати пайдо бўлди. Қўриқхона ташкил қилинганда ҳаваскор ғоршуносларнинг ер ости бўшлиқларига тушибиши тартибга солинган, ер остида бўлиш вақтлари белгилаб берилган, базалар ва лагерлардаги санатория қоидаларини бажариш текширилган бўларди.

ТОҒЛАР ҚАБРИСТОНИДА

Илон изи шаклидаги кенг ва яхши текисланган тоғ йўли бизни Мингдана қишлоғидан ҳам юқорига, шу ном билан аталган водий бўйлаб Зарафшоннинг бошланиш қисмига бошларди. Тоғ ёнбағирлари борган сари тик бўлиб, оҳактошлардан тузилган қоялар ёнбағирлари очилиб қолар, ўсимлик дунёси борган сари камбағаллашиб борарди. Ниҳоят бу оғир йўл тугади. Биз бутунлай бошқа оламга, фотосуратларда кўрган ой манзарасига ўхшаган жойга тушиб қолдик. Бу ерда 1300 метр абсолют баландликда, Туркистон тоғларининг жанубида бундан 30—35 миллион йил илгариги палеоген даврида, саёз денгиз тагида пайдо бўлган қалинлиги 300 метрга етган оҳактош ва гипс қатламлари ер юзига кўтарилиб чиқкан. Бу тоғ жинслари деярли горизонтал ҳолда қатламлар шаклида ётади ва кенг тўлқинсимон ясси тоғлик ташкил этган бу жой катта чуқурликкача икки асимметрик дара билан кесилган бўлиб, сув оқиб чиқмайдиган тогорасимон водий билан тугайди.

Яқиндаги биринчи қояни кўздан кечирамиз. Бу қоя оппоқ бўрсимон оҳактошлардан ташкил топган бўлиб, унинг ичидаги денгиз чиғаноқлари қолдиқлари ҳам учрайди. Бу қоянинг устига чиққандаги эса инсон ақли лол қоладиган манзарани кўрамиз. Бу жой узоқ-узоқларгача ҳар хил шакл ва ҳажмидаги жуда қиррадор қоя бўлаклари билан тўлиб кетган. Улар қора ва оқ оҳактошдан, қизил қумтошдан ҳамда ҳар хил рангга кирган гипс бўлакларидан ташкил топган. Баъзи бир тошларнинг жойлашиш ўрни одамни ҳайраттага солади, бирлари тик ёнбағир устида, баъзи бирлари ўтқир қирра устида бўлиб, ҳаттоқи енгил қимиirlаб ҳам қўйишади.

Маҳаллий аҳоли бу жойни «Гўрикўҳ», яъни тоғлар қабристони деб атashади. Бу жойнинг келиб чиқиши ҳақида афсона ҳам бор бўлиб, гўёки бу майдонда уч дев ўртасида жанг бўлиб, шиддатли урушда улар барча қоя-

ларни парчалаб ташлашган, кейин бир-бирини уриб, ер остига киритиб юборишган экан. Фақат ер остида улар ярашишган ва ўша жойдан ер устига ғор қазиб чиқишган экан. Ҳақиқатдан ҳам Мингдона қишлоғи ёнида узунлиги 30 метрга етувчи ғор бўлиб, у Седев (уч дев) деб аталади.

Албатта, Гўрикўҳ ясси таги карст ва нураш жараёни ҳосилидир. Атмосфера ёғинлари таъсирида, яъни ҳарорат ўзгариши, шамол ва ёғингарчилик натижасида ғовак оҳактошлар ва гипслар ҳар хил бўлакларга бўлинган, сув ва газлар таъсирида эриб, ғорлар ва бошқа ер ости шакллари ташкил этган.

Аста-секинлик билан тошлар қабристони ичидан олға борамиз. Бирдан олдимиздан тик қоялик пайдо бўлди. У улкан тогорасимон водийнинг қирғоги экан. Унинг айланаси ярим километр, чуқурлиги эса 250 метрга етарди. Бу улкан «чуқурнинг» текис таги ғовак ётқизиқлар билан қопланган бўлиб, чеккаларида вақтингчалик кўлнинг тўлқин излари сақланиб қолганди. Тахминан кўлнинг чуқурлиги энг тўлишган вақтида 5—6 метр, ҳажми эса 800 квадрат метрга етган бўлиши керак.

Ҳавзанинг олдида унга ўхшаган, лекин бир мунча кичикроқ иккинчиси жойлашган бўлиб, унинг тагида узунлиги 30 метр, эни 10 метр бўлган кўлча ялтиради. Кўлчанинг чуқурлиги 4 метр бўлиб, унинг қирғоқлари қамиш билан қопланган, сувда икки ёввойи ўрдак сузигарарди.

Бу жойда биз 300 та карст воронкаларини, таги ясси ҳавзалар, конъонсимон чуқурликлар ҳамда товоқсимон ҳавзаларни санадик, уларнинг ҳаммаси юзаси атиги 25 километр квадрат бўлган Гўрикўҳ устига жойлашганди. Гипс қоялар устида карст шаклларидан жуда қизирикаррларни учратдик. Каррлар тароқсимон ва игнасимон шаклда бўлиб, қоя юқорисидан пастига қараб оққан ёмғир сувлари таъсирида пайдо бўлганди.

Умуман, бу жойдаги мўъжизаларнинг кўпини сув яра-

тиб, у карстланувчи тоғ жинсларини эритиш, ювиш ҳамда оқизиб кетиши хусусиятига эга бўлиб, бу жараён карбонатли оҳактош, сульфатли гипс моддаларида айниқса тез боради.

Кейинги миллион йиллар ичидаги сув ер остида улкан иш бажариб, улкан бўшлиқлар яратган. Кейинчалик эса бу бўшлиқ устидаги қопловчи тоғ жинслари қулаб тушиб, бир вақтлардаги, ҳозир очилиб қолган бўшлиқ тагида, юқоридан қулаб тушган тошлар тартибсиз ҳолда жойлашган тошлоқзорни ҳосил қилган.

Ҳисобимизга қараганда ҳар йили Гўрикўҳ ясси тоғи ўзининг ер ости бўшлиқларига 50 минг кубометргача атмосфера ёғинлари ва эриган қор сувларини йифади. Карст жараёнлари атмосфера сувлари кам бу районда тез ривожланиши, рельеф шакллари улканлиги, воронкаларнинг зичлиги ҳамда катталиги билан Гўрикўҳ ўзининг баланд тоғда жойлашган «ҳамкасби» Қирқтоғ ясси тоғига ўхшаб кетади. Зарафшон тоғларидаги бу карст райони ўзининг мураккаб ва мукаммаллиги туфайли қуруқлик районларида карст жараёнлари ривожланишини ўрганувчи олимларга кўп янги сирларини очади.

АФСОНАЛАР ИЗИДАН

Кўпинча афсоналар ва маҳаллий географик номлар ўзида ўша жойдаги табиий жараёнлар ва ўтмишдаги воқеалар ҳақида маълумот беради. Кўп асрлар давомида ҳар бир ердаги аҳоли ўша жойдаги жараёнларга ёки ўтган авлодларга эътибор бериб қараган. Кейин эса шу жараёнга қараб ном беришга ҳаракат қилган. Демак, ҳар бир ном ўша жойдаги табиат ҳақида ёки яшаётган аҳоли, уларнинг қабиласи, уруғи ҳақида хабар беради.

Уч ўчоқ

«Қачонлардир узоқ даврларда — ҳикоя қилинади бир афсонада — тоғда уч ака-ука яшаган экан. Улар овга

бирга боришар, ерни бирга ҳайдашар, бирга мол боқишишаркан. Уларнинг кенг уйи ҳамиша қуёш нурига ва ўчоқ тафтига тўлиқ экан. Лекин ака-укалар уришиб қолишибди. Уларнинг ҳар қайсиси ўзига алоҳида ўчоқ қурибди, тош девор билан ўралиб олибди, улар биргаликда ёққан ўчоқдаги олов сўнибди. Шундай қилиб узоқ тоғларда битта ёрқин олов ўрнига, учта камтарона машъаллар пайдо бўлибди.

Анча вақт ўтгандан кейин ака-укалар ўзларида бир-биirlарига интилиш сезишибди. Лекин уларнинг учовидан бири ҳам ярашиш учун биринчи қадам ташламабди. Кунлардан бир кун уч ака-ука ерларида бир сеҳргар пайдо бўлибди. У ака-укаларнинг ҳар бирининг уйида бўлиб чиқибди, арзларини тинглабди. Кейин уларга пастда—водийда яшовчи донишманд чолникига боришини маслаҳат қилибди.

Бир-биридан яшириниб, ака-укалар пастга йўл олишибди.

Тоғда эса уларнинг ўчоқлари тош учбурчаклар шаклида қотиб қолибди». Уч ўчоқ деб Туркистон тоғлари шимолий томонида, Зоминсувнинг юқорисидаги учта конуссимон чўққилар номланган. Улар палеозой даври оҳактошларидан ташкил топган. Бу абсолют баландлиги 3500 метрга етувчи пирамидалар ҳар тарафидан улкан жарлар билан ўралган. Чўққилар устини қалин арчазорлар қоплаб, улар орасидан сўқмоқ йўллар ўтади. Бу тоғ йўллари Зомин миллий паркининг Ўрикли, Супа деган жойигача боради.

Уч ўчоқ табиатнинг ижоди намунасиdir. Янги текtonik ҳаракатлар натижасида яssi тоғсимон тоғ устида аста-секин учта чўққи пайдо бўлган. Улар эрталабки чиқаётган қуёш нурида ва кечки шафақда қизгиш рангга кириб товланади. Кундуз кунлари эса найзасимон учини осмонга қараб чўзади. Шу сабабли улар ўнлаб километр жойдан — Шаҳристон довонидан, Шумқора ва Гўралашдан кўриниб туради.

Дарада

«Бири кетидан бири уч ака-ука донишмандникига йўл олишибди. Олдингиси қаршисидаги тош қояларни йўл очиш учун уриб майдалаб ташлабди ва унинг орқасида тош уюмлари қолибди. Унинг орқасидан келаётгани тош уюмларини водийнинг ёнбағирларига ирғитибди. Учинчиси эса уларни тозалаб ўзига йўл очибди».

Шу йўл билан гўёки Каттатушар дараси, ундаги шаршаралар, тош уюмлари, силкинувчи қоятошлар пайдо бўлибди.

Ҳақиқатдан ҳам бу ўрмон билан қопланган ва харсанг оҳактош бўлакларидан ташкил топган дара ёдда қоладиган ва ўзига хос гўзалдир. Унинг узунлиги тўрт километрга етсада, эни 30 метрдан ошмайди ва ҳамма қисми шаршарали тоғ дарёси билан банддир. Шаршаралар бири кетидан бири келади ва ҳар қайсиси табиатнинг нодир асаридир.

Даранинг икки тарафида тик қоматли арчалар ўсиб ётади. Тик қирғоқларда ўнлаб горлар оғзи қорайиб кўринади.

Каттатушар дараси, албатта, инсон қўли билан яратилиши мумкин эмас. Узоқ ўтмишда тизма дарё йўлига кўндаланг тушиб қолган. Вақт ўтиши билан дарё тизма тоғни 600 метргача кесиб ўтган ва бу жараён ҳали ҳам давом этаяпти. Оҳактошнинг баъзи қатламлари ювилишга тез берилган жойда шаршаралар пайдо бўлган. Иккинчи чеккада ётган тош уюмларининг пайдо бўлиши эса ёнбағирдаги қояларнинг нураб пастга тушиши натижасидир. Қиши вақтларида дарадан қор силжиши бўлади.

Зичлашган тонналаб қорлар йўлида учраган ҳамма нарса—тошлар, дарахтларни суриб олиб кетади ва баҳор пайтида дарё қирғоқларида янги тош уюмлари ва қулаган дарахтлар пайдо бўлади.

Чортанги

«Бу йўлдан ўтгандан кейин ака-укалар ҳар қайсиси ўз йўлига кетмоқчи бўлибди. Йўлларида улар мустаҳкам қояларни синдириб ўтишибди, кўп куч йўқотишибди, оёқ, қўл, таналарини ярадор қилишибди. Фақат донишманд уйи олдидагина уларнинг йўллари бирлашибди. Улар бир-бирларига қарашибди ва алоҳида бўлиш мумкин эмаслигини тушунишибди. Ака-укалар қучоқлашиб, уларни қарши олишга чиқсан донишманд тарафга юришибди».

Зоминсув ҳавзасида Чортанги (тўрт тор дара) деб аталган жой бор. Бу улкан дара узунлиги 10 километрга, чуқурлиги 1000 метрга боради ва учта кўзга кўринарли бўлмаган тоғ дарёлари — Қашқасув, Қизилмозор ва Кўлсув томонидан яратилган. Бу учала тоғ дарёси бир улкан дарёга айланишдан олдин улкан тоғ орасидаги текислик жойдан кесиб ўтади. Бу текислик ҳам аслида ичкарига қараб букилган ва тўлқинсимон рельефга эга. Бу жойнинг анча қисми ғовак ва ёш тоғ жинсларидан ташкил топган. Булар асосан лойлар, қумлар, қизил рангли конгломератлардан ташкил топган. Бу қатламлар қадимий текислик устида жойлашиб, унинг ёши 200 миллион йилдан кам эмас. Қизилмозор қишлоғидан шимолроқда бу текислик унча катта бўлмаган бурчак остида ер юзига чиқади, кейин эса деярли 2 километрга яқин жарлик ҳосил қилиб, Зоминсув дарасида тугайди. Қачонлардир ер ости кучлари бу ердаги палеозой плитасини кўтарган ва натижада нураш жараёнлари активлашган. Қашқасув, Қизилмозор ва Кўлсув уни учта дара шаклида кесиб ўтган. Кесиб ўтиш жараёнида улар ҳар хил қаттиқликдаги тоғ жинслари устидан ўтган ва шаршаралар ҳосил қилган. Кейин бу уч дара бирлашган ва жуда улкан тўртинчи дарага айланган, унинг пастида ўтган замонлардан бери маълум бўлган кичкина қишлоқ жойлашган.

Миқ

Бу қишлоқнинг номи шундай деб аталади ва афсо-нага кўра ака-укалар учрашган жойларида то умрларининг охиригача бирга яшашган ва шу қишлоққа асос солишган. Бу жойда дара тагида улар томонидан уйлар ва олов ибодатхонаси қурилган бўлиб, бутун дунёдан бу жойга сифинишга одамлар келишган.

Археологлар олиб борган изланишлар кўрсатадики, Миқ қишлоғи одамлар яшаган қадимги жойлардан бири экан. Бу жойда эрамизнинг биринчи асрларида одамлар яшашган. Бу жойда суғд руҳонийлари—маглар яшаган (қишлоқ номи ҳам шундан келиб чиққан). Миқ орқали кекса Зоминдан тоғ устидаги Зарафшон юқорисида жойлашган Паргарга йўл ўтган. Эски сўқмоқ йўл ҳозирги вақтда бир неча жойда сақланиб қолган. Бундан ташқари, қадимий одатга кўра ҳозиргача Туристон тизмасидаги Жандар ва Лангар довонлари тагидаги кулбалар ремонт қилинади, у ерда ҳаво ёмон пайтда сайёҳлар жон сақлашган. Академик А. Миддендорф экспедициясининг аъзоси зоолог В. Руссов 1878 йили Миқ қишлоғидаги актив ҳаётни тасвирлаб, бу жой қийин тоғ йўлларига чиқишдан олдин тўхтаб ўтадиган жой деганди.

ФАН ТОҒЛАРИДА

Помир-Олой тоғлари гуруҳида гўзалликда такрорланмас бир тоғ бор. Бу тоғда қора қоялар ичидаги улкан музликлар ётади, минглаб ирмоқлардан Зарафшон пайдо бўлади, тор ва чуқур дараларда шаршаралар шовуллайди, музликлар орасида гўзаллиги бекиёс кўллар жойлашган ва улар сатҳининг ранги осмон ранги билан рақобат қиласди. Қуёшли ёнбағирлардаги дарахтлар шоҳида хушовоз қушлар куйлади, паст-у баландликларида нодир ҳайвонлар чопқиллаб юради. Қоялар ёнбағридаги илон изи сўқмоқлар арчазор ва чангальзорлар

орасидан ўтиб, тоғ дарёлари орасига шўнғиб кетади, ундан ўтиб булутлар ичидағи довонлар томон қўтарилади. Бутун оламга машҳур Фан тоғлари Кўҳистон иқлими ва табиатининг бетакрор бир бўлагидир.

Кейинги йилларда Фан тоғлари сайёҳлар ва алпинистлар ўртасида энг машҳур жойга айланди. Келаётган сайёҳлар сонига кўра, у Кавказ, Карпат, Олтой регионлари билан рақобат қилиш даражасида. Эрта баҳордан то биринчи қор тушгунча ҳамиша гавжум. Тоғларда сайёҳатни ёқтирганлар учун Кўликалон ва Аловуддин кўллари, ўрмонли Арча водийси ва Арчамайдон, музликлар, Қазноқ, Чимтарға, Алло довонлари, кўпчилиги беш минг метрдан ошган тоғ чўққилари ва жанубга—Ҳисор водийсига ҳамда шимолга—Зарафшонга кетувчи хушманзара жойлардан ўтувчи тоғ сўқмоқлари мавжуд.

Фан тоғларини кўпдан буён «Кўҳистон марвариди» деб аташади. Унинг ҳавоси, қуёши ва суви минг бир хил доридан кучли бўлиб, ўнлаб томоша қиласидиган қизиқарли жойлар, юздан ошиқ тоғ довонлари мавжуд. Кўҳистоннинг даралари ва кўллари бўйлаб элликдан ошиқ саёҳат маршрутлари ўтган. Бундай жойни ҳатто саёҳат маркази бўлган Алп тоғларидан ҳам топиш қишин. Фан тоғлари табиати тўғрисида СССР да ва чет элларда машҳур алъбом чиқарган чех сайёҳи Р. Пушкаш ҳам шу фикрларни билдирган.

Лекин Фан тоғларининг машҳурлиги унинг табиатига салбий таъсир кўрсатмоқда. Ҳар йили унчалик катта бўлмаган бу районни 5000 мингдан ошиқроқ киши келиб кўрмоқда (майдони 3 минг кв. км). Ҳозирнинг ўзида қулай майдон ва булоқ топиш қийинлашмоқда. Табиат ҳар йили катта талофтот кўрмоқда.

60-йиллар ўрталаридан Фан тоғлари «Тоғ туризми Маккасига» айланди. Шу даврнинг ўзидан бошлаб эса табиатда салбий ўзгаришлар кўрина бошлади. Машҳур арча ва оқ қарағайли ўрмонлар сийраклаша бошлади,

нодир доривор ўсимликлар ўсаётган чангалзорлардан файз кетди. Булоқлар ва күллар ифлослана бошлади. Сайёхлар одатта тұхтаб үтадиган жойларда ахлат уюmlари, синиқ шишалар, консерва банкалари сони ошмоқда.

Маҳаллий ўрмончилик ташкилотининг берган маълумотига қараганда кейинги йигирма йил ичиде ўрмон майдони 18—20 фоиз камайды, айниқса, «Артуч» лагери атрофидаги ерлар күп шикастланды. Бу жойда илгариги дараҳтларнинг ярми ҳам йўқ. Улар ўрнида кўл қирғоқларида ва тоғ ёнбағрида дараҳтларнинг ёниб битган тўнкалари-ю, қуриб ётган таналари ётибди. Машҳур Кўликалон ўрмони аёвсиз қирқилмоқда. Нодир ҳайвонлардан ҳилол, тоғ барси — ирбис, туркистон айифи жуда камайиб кетди. Илгари кўп бўлган қуён, жайра каби ҳайвонлар ҳам сийраклашиб қолди. Ёввойи чўчқалар бу ерларни ташлаб, довонлар оша Зарафшон тоғининг шимолий ёнбағрига ва Ҳисор тоғининг жанубига ўтиб кетди. Кўликалондаги 2700 метр баландликда яшовчи маринка балифи ҳам йўқолиш арафасида.

Фан тоғлари том маъноси билан бошқарилмайдиган сайёхлар қўшини томонидан ҳужумга учради. Ҳар куни гулханларда юзлаб кубометр дараҳтлар ёқилмоқда. Тоғ сўқмоқлари чанг йўлларга айланмоқда. Қурилаётган йўл энг чиройли Аловуддин кўлига хавф солмоқда.

Фан тоғлари табиати инсон кўмагига муҳтож. Агар яқин йиллар ичиде аҳвол ўзгармаса, табиатни муҳофаза қилиш бўйича чоралар кўрилмаса, Помир-Олойнинг бу гўзал бурчаги тоғ устидаги саҳрора айланади.

Фан тоғларини сақлаб қолишнинг асосий йўлларидан бири, уни миллий парк деб эълон қилиш, назоратга олинган саёҳат маршрутлари белгилаш, шунингдек, дам оладиган уйчалар, томоша қиласидаган майдонлар ва зарур жойларга арқон йўллар тортилиши керак. Албатта, бу келажак иши. Ҳозирнинг ўзида эса назоратсиз сайёхлар сонини кескин камайтириш, келаётган одамлар

сонининг ҳисобини олиш, айниқса, мумиё ва доривор ўсимликларни йиғувчилар билан қаттиқ кураш олиб бориш керак. Урмон устидан назорат кучайтирилиши, брақонъерлар ва табиатга нодонлиги туфайли билмай зарар етказаётганлар билан ҳам аёвсиз курашиш лозим. Энг муҳими Фан тоғларига ҳақиқий эга керак бўлиб, у бир уюшган ташкилот сифатида бутун тоққа халқ мулки деб қарасин ва унга жавоб берсин.

ТОҒ ҚУЛЛАРИ

Тоғли Зарафшон... Уни яна Кўҳистон ёки тоғлар ўлкаси ҳам деб аталади. Халқ ўртасида юрувчи бу ном булутлар орасига яширган тоғлар тўғрисида тушунча беради. Ҳақиқатан ҳам Яғноб, Қиштут, Магиан тоғларининг қояли чўққилари 5000—5600 метрлик баландликка бўй чўзади. Улар ораси чуқур даралар ва довонлар билан бўлинган бўлиб, уларнинг мураккаблиги кўпчилик оламга донғи кетган дара ва довонлардан фарқ қилмайди. Тоғ чўққилари улкан музликлар билан қопланган, атрофлари эса кўп йиллик қорларнинг қотган фирн қатламлари билан қопланган. Тоғларнинг баланд чўққиларида кўп асрлар давомида миллиардлаб тонна сув ғамламалари йиғилган.

Қор, фирм ва муз — бу эртанги кун сувлари, шаҳар ва посёлкалар, завод ва фабрикалар, колхоз ва совхозлар учун келажакдаги сув ғамламасидир ва юқори ҳосил манбаидир.

Ёки бошқача қилиб айтганда, сув қувурларидан жўмракка келаётган оби-ҳаёт кечаги тоғ чўққиларида йиғилган намлиkdir. Эртанги кунда фойдаланиладиган сувлар эса ҳозирча табиат тоғ омборларига, музликлардан қояларга, қоялардан дарёларга оқиб келмоқда.

Шунинг учун ҳам ҳозирги вақтда текислик зоналарида янгидан-янги ерлар ўзлаштирилиб, саҳро ва чўлларга оби-ҳаёт юборишдан олдин тоғдаги сув омборла-

ри тақдири ҳақида ўйлашимиз керак. Уларни ўрганиш билан биз эртанги кун сув муаммосини ҳал қилишга ўз ҳиссамизни қўшган бўламиш.

Қўҳистоннинг тоғли кўлларини ўрганишда самарқандлик сайёҳлар ва ўлкашунослар ўзларининг улкан ҳиссаларини қўшишди. Улар бир неча йил ичидаги хариталарга номаълум дарёлар, булоқлар, кўллар ва музликларни топиб киритишли.

Ўзининг табиий гўзаллиги билан довруғи чиққан Фан тоғлари мураккаб саёҳат маршрутлари билан бўйига ва энига кезиб ўтилган. Бу жойда ҳозирга қадар 78 та музлик ва 25 та кўл харитага туширилган. Булар ичидаги энг кичиги Пиёла кўли бўлиб, у Чордара дарасида жойлашган ва 380 квадрат метр юзага, 2 минг куб метр сув зонасига эга. Энг каттаси эса Искандаркўл бўлиб, майдони 8 квадрат километр, сув ғамламаси 0,4 куб километрдир. Бошқа йирик сув ҳавзалари — Кўликалон, Аловуддин ва Қоракўлдир. Бу кўллардаги сақланётган табиатнинг инъоми — сувнинг ғамламаси 3—3,5 куб километрга етади.

Фан тоғлари билан қўшни Моргузар тугунидаги ҳаммага маълум етти кўлга яна бир қатор кўп сонли кичик сув ҳавзалари қўшилиб, улар Ҳисор тоғларининг шимолий соҳили бўйлаб чиройли шокила шаклида Қазноқ чўққисидан Северцев музлигигача чўзилади. Самарқанд вилояти сайёҳлари томонидан ташкил қилинган экспедиция Шинг устида олтита тоғ кўли ва Сувбоши, Оқсоқота, Хонақасув устида саккизта тоғ кўлини ўрганиши. Уларнинг барчаси 3200—3700 метр баландликдаги музлик олди зонасида жойлашган. Улардаги ҳисобланган сув ғамламаси 0,7 куб километрни кўрсатди. Моргузар системасидаги кўллардаги умумий сув ғамламаси 1,3 куб километрга етади.

Экспедиция бундан ташқари тоғ сув ҳавзаларининг сув бераги билиш қобилиятини ҳам ўрганди. Тоғли Зарафшондаги барча кўлларни уч туркумга бўлинади —

мореналар тўсиши натижасида пайдо бўлган кўллар (Искандаркўл, Чукурак, Ҳазорчашма), моренали (музлик ётқизиқларида пайдо бўлганлар) ёки уларнинг қуий қисмида ушлаб қолинган кўллар (Кўликалон, Душахе, Аловуддин) ва сурималар натижасида пайдо бўлганлар (Нежикон, Сол, Нофсен, Моргузар). Уларнинг барчаси қуий томонидан табиий тўғонлар билан тўсилган бўлиб, уларга турли жараёнлар сув ювиш хавфини солиши мумкин.

Иzlанишлар шуни кўрсатадики, йифилган сувни бериш бўйича энг кўп сув бера оладиган ёш (10 минг йил атрофида) моренали кўллар бўлиб, уларнинг таги одатда тош бўлаклари билан тўлган ва юзаси лой билан кам қопланган. Қиши баҳорда йифилган сувлар йирик тош бўлаклари орасидан сизиб ўтиб, пастда дарё шаклида чиқади ва водийга томон оби-ҳаёт бера бошлайди. Бу кўлларда сув қанча кўпайса, унинг босими шунча кўп бўлади ва табиийки, сувнинг сизиб ўтиши ҳам шунча кўпаяди. Сув тошлар орасидан оққанлиги сабабли унинг буғланишига сарфланадиган қисми ҳам иқтисод қилинади. Эски моренали кўллар сув бериш бўйича бирмунча «бахил» бўлади, яъни улар тагидаги кўп даврдан бери йифилган лой қатлами сувни сизиб ўтишга қўймайди. Йифилган сув аста-секин кўтарилиб, пастдаги тўғон устидан ошиб туша бошлайди ва кўпинча тўғоннинг ювилиши натижасида кўл ўз-ўзини йўқотади.

Сурималар натижасида пайдо бўлган тоғ кўллари икки гуруҳ ўртасида туради. Масалан, Нофин кўли тўғони ҳар йили 2—4 сантиметр, Моргузар тўғони эса 4—5 сантиметр силжиши аниқланган. Бу силжиш 5—8 минг йилдан бери давом этаётганини эътиборга олсак, қуийдаги Шинг ва Филмандара аҳолиси учун хавф борлиги янгилик бўлмайди. Музлик ичидаги кўллар табиатнинг энг қизиқ маҳсулоти ҳисобланади. Уларнинг юзаси одатда кичик бўлади ва музлик ҳаракат қилган томонга қараб чўзилиб кетади.

Бундай «музлик ванналари» музлик устидаги сув кенгайтирган ёриқларда ётади ва жуда қисқа вақт — 15—20 кун умр кўради. Эриган муз устидаги бундай кўлчалар совуқ тушиши билан яна музга айланиб, текис майдончалар ташкил этади. Бунинг устига кеча-кундуз давомида бу кўллар ўз кўринишини ўзгартиради, эрталаб ва кечқурун (албатта, тунда ҳам) у 2—3 сантиметрли муз билан қопланади, кундузи эса муз эриб кетади. Бу ҳол ҳар куни, ҳар йили давом этади.

ИСКАНДАРКУЛ

Урта Осиёning ғарбий қисмида жойлашган кўпчилик халқларда Искандар Зулқарнайн (Александр Македонский) номи нимагадир алоҳида тантанали тилга олинади. А. П. Федченко 1861 йилдаёқ шунга эътибор берганники, Зарафшон дарёси юқори оқими атрофида жойлашган кўпчилик беклар ўзларини Искандар Зулқарнайнинг бевосита авлодлари деб ҳисоблашади. А. П. Федченко қўйидаги мисолни келтиради. Матчоҳ беки рус императорининг Самарқанддаги элчисига хат йўллаб, у Искандар Зулқарнайн авлоди бўлгани учун атрофдаги ҳамма жойга ҳақи бор, шу сабабли рус Туркистонига қўшиб олинган Панжакентни қайтариб беришларини талаб қилган.

Ўзбекистон ва Тожикистон территориияларида бизнинг вақтимизгача бир қатор жой номларида юонон лашкарбошининг исми бор. Буларга Зулқарнайн қишлоғи, Искандар канали (ўзгарган Эски ангор), дашти Искандар чўли, Искандар қишлоғи, Искандар станцияси ва ниҳоят Фан тоғларидаги Искандаркўл.

Зарафшон водийсининг тоғли қисмидаги аҳоли ўртасида Искандаркўлнинг пайдо бўлиши ҳақида қизиқ афсона тарқалган.

Мароканддаги суғд қўзғолони бостирилгандан кейин ватанпарварларнинг кўпчилиги Кўҳистоннинг чиқиб бўл-

мас тоғларига яширинишган. Бу жойдан улар юонолар устига юриш қилиб туришган. Александр бу «партизанлар» билан ҳисоблашмоқчи бўлган. Кучлар тенг бўлмаган қўшин ўртасида жанг бўлиб ўтган. Кучлар кўп бўлишига қарамай юонолар сүфларни енга олмағач, Искандар олдида оқаётган дарёни тўсиб, унга қаршилик қилаётганларни шу сувда чўқтиromoқчи бўлади. Келгинди қўшин беш кечак ю беш кундуз ишлаб, улкан тўғон қуради ва ниҳоят дарё тўғон орқасини тўлдириб улкан ва чуқур кўл ҳосил қиласди. Бу кўлда жасур сүфлардан анчаси ҳалоқ бўлади. Лекин бир қисм сүфд лашкарлари тўғонни яширин кесиб ўтиб водийга бекинади. Шунда Искандар тўғонни бузишни буюради, токи пастга оққан сув қочқоқларни қувиб етсин. Шу даврдан бошлаб ярим бузилган тўғон орқасидаги чиройли тоғ кўли Искандаркўл деб аталади.

Афсона афсоналигича қолади. Чунки бундай улкан тўғон қуриш учун ўша вақтларда фақат табиатнинггина кучи етарди. Ҳақиқатдан ҳам бу кўлни Ҳазормеч ва Саритоғ дарёлари бошидан тушиб келувчи улкан музлик яратганди. Бу музлик эриб чекинаётган вақтда ҳозирги Нарват посёлкаси жойлашган жой билан, келаҗакдаги сув ҳавзаси ўртасида қўйи морена деб аталган эриган муз орқасида қолувчи тош уюмлари пайдо бўлди. Унинг узунлиги беш километр, эни 1,2 километр ва баландлиги 220 метрлар атрофида бўлган. Морена та-насидағи тошлар ҳажми 1.200 миллион куб метрга етган. Ундан юқорироқдаги эски Ҳазормеч ва Саритоғ музликлари кесишган жойда катта тоғ оралиғида чуқурлик пайдо бўлиб, кейин у сув билан тўлган. Ўша даврларда, яъни 10—15 минг йил олдин, Искандаркўлдаги сув сатҳи анча юқори бўлган.

Лекин шунга қарамасдан юқоридаги афсона ҳақиқатдан ҳам Искандаркўл бошидан ўтган табиий ўзгариш, яъни унинг сатҳининг 17 метрга пасайиб, сувининг Искандар дарё орқали чиқиб кетганидан хабар беради.

Бу оқиб чиққан улкан сув массасининг белгиларини Искандар дарёning ўрта оқимлари ҳавзасида йиғилиб қолган улкан тош бўлакларга қараб билса бўлади. Бу воқеа эрамизнинг биринчи асрларида бўлиб ўтган.

Хозир Искандаркўлнинг чуқурлиги 40 дан 70 метргача боради. Жадал ривожланиб бораётган Искандаркўл шаршараси ундан 300 метр пастроқда жойлашган. Хомчўтларга қараганда агар бу шаршара ўз кучи билан тошни емириб, ўрта ҳисобда ҳар йили 5 сантиметрдан кўлга яқинлашганда навбатдаги кўл сув сатҳини 45 метрга туширувчи сув оқими чиқиши учун 27 минг йил керак экан. Эҳтимол бу жараён бирмунча эрта ёки кеч бўлар, булар шаршара тагидаги жинсларнинг қаттиқ ёки юмшоқлигига ва нурашига боғлиқ. Лекин инсоннинг табиятга бўлган муҳаббати Искандаркўл атрофидаги ва ундаги такрорланмас гўзал ландшафтни сақлаб қолиши керак.

ОЙҚОР

Ойқор чўққиси «оўй» ва «қор» сўзларининг қўшилишидан келиб чиққан бўлиб, у Сангзор водийсининг кўрки ва Туркистон тизма тоғларининг бир қисми бўлган Чумқартоғнинг баланд жойида жойлашган. Чумқартоғнинг Ойқордан ҳам баландроқ қисмлари кўп бўлса-да, улар ичida Ойқор ўз гўзаллиги билан ажralиб туради. Ойқор улкан, мукаммал ва ёдда қоладигандир. Унинг гумбазсимон чўққиси нимаси биландир ўчган вулқон конусини эслатади ва узоқдан улканлиги билан кишида таассурот қолдиради. Чўққи худди уфқ устида ўзининг тик ёнбағирлари билан муаллақ тургандек кўринади.

Ойқор чўққиси ёзниг фақат икки ойидагина қор қатламидан ҳоли бўлади. Бу даврда ёнбағирларни қалин ўт ва гуллар гилами қоплайди. Бошқа вақтларда, ҳатто водийда саратон жазирамаси бошланган даврда ҳам унинг чўққисида қор бўлади. Ойли тунларда қор

қоплами ўзидан сеҳрли оқ нур таратгандек бўлади. Шимолга қараган баланд тик ёнбағир ўзгача ёрқин ой нурига чўмади. Ойқорнинг дengиз сатҳидан 3200 метр, Ўсмат посёлкасидан 2500 метр баланд бўлган улкан гавдаси бундай тунларда ой нурида биллурдек ялтирайди, айниқса, тўлин ойли кечаларда ажойиб таассурот қолдиради.

Шу сабабли Ойқор тоғлар ичида шундай гўзал ном билан аталган.

Халқ ўртасида бу афсонавий тоққа атаб кўплаб афсоналар, ҳикоялар ва ҳаттоки қўшиқлар тўқилган. Афсоналардан бирида тоғ этагидаги тарихи узоқ асрларга боғланган Ўсмат қишлоғи (ҳозир Ўсмат посёлкаси) номининг келиб чиқишига изоҳ берилган.

Афсонага кўра, бир вақтлар тоғ этагидаги аҳоли ўзидан кучи бир неча марта ошиқ бўлган Александр Македонский лашкарига қарши жангга киради. Жаҳонгир бу жойдан бой Ўсрушана ўлкасига ўтиб кетаётган эди. Лекин кам сонли Ватан ҳимоячилари бир неча тун-у кун мардонавор жанг қилиб, бирин-кетин ҳалок бўлишади. Фақатгина кам сонли жангчилар жасур бошлиқлари Ўсмат бошчилигида душман ҳалқасини ёриб чиқишиди ва дарага киришади. Қувиб келаётган душман кўз олдида улар ой нурида биллурдек ярқираб турган тоғ ёнбағрига кириб ғойиб бўлишади. Душманлар яқинлашган вақтда эса ой булут остига яширинади ва ёнбағир зулматга кўмилади. Кейинчалик аҳоли тоғ ичига кириб кетган қаҳрамон шарафига қурилган қишлоқни унинг номи билан Ўсмат деб атай бошлайди.

Албатта, афсона бу афсона, лекин у гўзал жойга ҳусн берувчи янги бир қўшимчадир.

Лекин қадимги юон тарихчиларининг ишларида шу район атрофида босқинчилар билан Ватан ҳимоячилари ўртасида бўлиб ўтган бир жанг ҳақида хотира бор. Александр Македонский Ўсрушана ўлкасига боришида йўлни қоялар устига чиқиб олган 30 минг қуролланган

маҳаллий аҳоли тўсади. Шиддатли жангда Александр Македонский биринчи марта тиззасидан ярадор бўлади. Лекин кучлар teng бўлмаганлиги сабабли Ватан ҳимоячиларидан кўплари қояларда душман ўқидан ҳалок бўлади.

Шуниси қизиқки, тоғли Зарафшоннинг кўп қисмида Александр Македонский номи билан боғлиқ жойлар кўп бўлса (масалан, Искандаркўл), Самарқанддан шарқда ва Жizzах атрофида бундай номлар йўқ. Бу эса, албатта, Александр Македонскийнинг Усрушана аҳолисида энг ёмон таассурот қолдиргани учун, атайлаб ҳалқ унинг номини унуганида бўлса керак.

Ойқор ҳозирги ёзувчилар ўртасида ҳам машҳурдир. Унинг ҳақида М. Шевердин ва Нурали Қобул ўз китобларида кўп эслашган. Ойқорни ўтмиш сайёҳлари кўп ёзишган. Унинг ҳақида IX—XII аср араб сайёҳлари ва Бобур ҳам ёзиб кетган. Фақат Ойқорнинг гўзаллигини ўз кўзи билан кўрган сайёҳгина, уни кўрган ва билган ўтмиш сайёҳларининг у ҳақда куйламаслиги мумкин эмаслигини тушуниши мумкин. Ҳозирги вақтда Ойқор дам олувчилар учун ажойиб масканлардан бўлиб, у ерга дам олиш учун Жizzах, Фаллаорол ва бошқа жойлардан аҳоли чиқади. Қишида ҳам, ёзда ҳам дам олиш мумкин бўлган Ойқор ёнида қишлик чанғи спорти баъзаси ташкил қилинса, бу базадан деярли 5 ой—ноябрдан мартгача фойдаланиш мумкин.

Ойқор олди зонаси келажак зонасидир. Агар тоғ олди зонаси яхши ўрганилиб, йўллар солинса, табиат ва тарих ёдгорликлари таъмирланса, саёҳат маршрутлари тузиб чиқилса, келажакда Ойқор саёҳат бўйича энг машҳур жойлардан бирига айланади. Шу кунларда ҳам Ойқор олдидаги Науқанинг карст булоқлари-ю олтин балиқлари, салқин боғлари-ю, ундаги XIX асрда қурилган мачит эл оғзида.

Бахмалсойдаги уч юз йиллик улкан чинорлар, Оқтошсойдаги бронза даврида ибтидоий одам чизган расм-

лар галереяси сайёхлар хотирасидан ҳеч қачон чиқмайди. Каттасойдаги арчазорларнинг соф ҳавосини айтмайсизми?

Бу ерга келган сайёхларга ҳар хил кўринишдаги бир неча маршрут таклиф этиш мумкин. Булардан Оқтошсой, Каттасой ва Қўктепа довонига (2600 метр) қилинадиган саёҳат маршрутлари машҳурдир. Автосайёхлар учун эса, бу жойдаги Бахмалсой, Гўралаш ва Зоминсуви кесиб ўтувчи асфальт қопланган ва бир неча тоғ поясини, гўзал арчазорларни кесиб ўтувчи катта йўл доим хизматда.

БАХМАЛ

Табиат ҳамма нарсага қодир ва унга барча нарсага руҳсат этилган. Асосан у ақлли меъмор ва қурувчи. Бизни ўраб турган ландшафтлар — саҳролар, чўллар, ўрмонлар, тоғлар табиатнинг такрорланмас ижод на муналари бўлиб, биз улардан ҳаётимиз давомида фойдаланамиз, демак уларни муҳофаза қилишимиз керак. Фақат табиатга бўлган муносабатдагина биз ўз ҳаракатларимизга баҳо бера оламиз. Фақат шу вақтдагина биз руҳан ўсамиз ва шаклланамиз.

Табиатнинг мукаммаллиги, такрорланмас гўзаллигини саҳро ва тоғ олди зонаси орасида жойлашган ва Туркистон тоғларининг икктизмаси орасида турган кичик тоғ ичи зонаси Бахмалга тушганда биламиз.

Ҳақиқатга ўхшаган эртак. Узоқ ўтмишда бу юртларда шоҳлар ҳукмронлик қилиб, халқ ночор яшаган вақтда Самарқанд ҳукмронларидан бири ўз элидаги барча уста тўқувчиларни йиғиб, уларга қизининг тўйига гўзал ва бекиёс сўзана тўқишини буюрибди.

Кун тун билан алмашиб, иш қизиб кетибди, усталар тиним билмасдан меҳнат қилишибди. Ниҳоят кутилган вақт келиб, усталар ҳукмрон қошига сўзаналарни келтиришибди.

Сарой амалдорлари ҳар бир сўзана гўзаллигини кўриб, лол қолишар, фақат шоҳгина улар ишидан хурсанд эмасди. Тўқувчилар эса бундан хавотирланиб, ҳукмрон қаҳридан қўрқишаради. Навбат ёш ва ҳеч ким танимайдиган устага келибди. У эски, чанг босган кийимиға қараганда узоқдан келганга ўхшарди.

Шу вақтга қадар у камтарона чеккада туарар ва қўлтиғига қўлбола бўз тугунга ўралган енгилгина нарсани қўлтиқлаб олганди.

Тўқувчи навбати келгач, тугунни очиб, уни силкитди ва тугундаги ҳарир сўзана осмонга яшил рангли булат шаклида сузиб кетди. Бу афсонавий булат ер юзиға оҳиста тушди ва саройнинг мармар деворларини чулғаб олди. У чулғаб олган ҳамма ёқ фирузасимон яшил рангга кирганди, ҳавода дала гуллари ҳиди пайдо бўлди, баҳор гуллари очилди, тоғ шабадаси пайдо бўлди ва қаср атрофлари қуёш нурлари билан ёритилган яшил гилам билан қопланди.

Барча ҳайрон ва ҳаяжонда қотиб қолди. Шоҳнинг ўзи ҳам узоқ вақтгача бирон сўз айттолмади.

— Бу қандай мўъжиза? — ниҳоят сўради у.

— Бахмал, — соддагина тушунтириди тўқувчи. — Бу менинг Ватанимнинг жилосидир.

Шу вақтдан бошлаб камалакнинг барча ранглари билан товланувчи гўзал матолар Бахмал деб, атала бошланган экан.

Молгузар ва Чумқортау орасида жойлашган Бахмал водийси ҳақида шундай гўзал афсона тўқилган.

Ҳақиқатан ҳам бошқа жойларда кишини Бахмалдагидек лол қолдирадиган гўзал табиат манзараларини кўрмайсиз. Тоғларнинг ва кенг дарёнинг супасимон ёнбағирлари эрта баҳордан бошлаб майсалар бахмал тўшови билан қопланади, ёзга бориб атроф олтиндек бурдойзорга бурканади, улар ўртасида боғлар ва ўрмончалар ҳалқалари қорайиб кўринади. Сал юқорироқда—тоғлар ёнбағрида арчазорлар ҳукмронлик қиласди, ундан

ҳам баландроқда эса алп ўтлоқлари ва қишки қорлар күриниб, улар чўққилар орасидаги чуқурликларни эгаллаб ётади.

Табиат уни Қизилқум ва Мирзачўлнинг жазирама иссиғидан ва Помирнинг абадий совуғидан атайн ҳимоя қилгандек, бу жойларда меҳнат ва дам олиш учун қулай иқлим яратгандек.

Йил фасллари

Бахмал йилнинг ҳамма фаслида, ҳаттоқи иқлим ноқулай вақтлар—довул ва жазирамада ҳам тақрорланмас гўзал. Фақат бир жойнинг ўзида йилнинг тўрт фаслини кузатиб, ҳар фаслда унинг ўзига хос гўзалликни кўрасиз.

Майли, тоғларнинг чўққиларини қорамтири билан мафтун этади.

Бу ерда қиши тақрорланмасдир, у ўз номига мос келади. Арчаларнинг тик қоматини, яшил баргларини оппоқ қор қоплаган. Қалин ва момиқ қор ер юзи паст-баландлигини текислаб, баҳордаги тошқин сув изларини яшириб, ерни текислашга интилгандек қоплаб ётади. Кўпчилик жойларда оппоқ қор устида ёввойи чўчқадар ёки ҳурқак қуёнларнинг изи бир-бирини кесиб ўтади.

Қуёш-чи? У шунчалик ёрқинки, гўёки оппоқ қорни ойна сингари ялтиратиб, нур қайтаришга мажбур этишга интилгандек ёритади ва бу ялтираган ёнбағирда арчалар худди қора холлардек ҳар жой, ҳар жойда кўринади.

Эрта баҳорда тоғларнинг пастки қисмидаги қор илиқ ғарбий шамол таъсирида тезда эриб кетади ва шарқираб оқувчи ирмоқлар шаклида борлиқни тўлдиради. Лекин кўпинча улар қўшилиб, тош-қум билан тўйинган

вақтінча ариқлар ҳосил қиласы. Бу ариқлардаги лой-ли-сувли бүтқалар енгіл автомобиль тезлигіда қишлоқтар күчаларига бостириб киради ва йўлида учраган барча нарсаны ювиб кетади.

Тогда эса қор аста-секин эрийди, гүёки қиши ўзи әришган муваффақиятини қайтариб беришни орқага сурмоқчи бўлгандай ҳаракат қиласы.

Қорлар худди баҳордан яширгандай чуқур жарлар, қоялар орасига кириб олади. Лекин барибир чекинишга мажбур бўлади, қорлар эриган жойни эса баҳор кўкатлари гилами қоплайди, улар орасидан оқ, сариқ бойчечаклар, кўм-кўк чумомалар юқорига бош кўтаради.

Баҳор ёмғири билан тозалангандек мусаффо ҳавода, Фирзуа рангли кўкатлар баргидаги шудрингда қуёш нурлари жилва қиласы. Бодом, қайрағоч, ёнғоқ кўчатлари кўкаради.

Кейин бирдан ҳақиқий баҳор келади. Бахмал ўзномига мос баҳмал сўзана билан қопланади. Баҳор қишининг қолдиқлари устидан босиб ўтиб, унинг охирги қалъаси тоғ чўққилари томон интилади. Ҳавода нам тупроқ, гуллар, шудринг ҳиди ҳукмронлик қиласы.

Езинг бошланишида Бахмал бир неча кун қип-қизил лолақизғалдоқлар билан қопланади. Бу лолақизғалдоқларни ҳамма жойда кўрасиз. Уларни буғдойзорда, боғларда, ҳаттоқи уйларнинг томларида кўришингиз мумкин. Лолақизғалдоқлар келаётган ёзни, унинг оппоқ осмонини, иссиқ ҳавосини, саёзлашган дарё ва ариқларини эслатиб туради.

Улардан кейин бирданига яшил ўтлар қурийди, буғдойзорлар эса олтин рангга киради. Баҳорда кенг во-дийдаги улкан тошларни думалатиб оқизган дарё саёзлашиб, тагидаги тошлар кўринади. Шунинг учун ҳам бу дарёни Сангзор деб аташади.

Баланд тоғларда эса ҳали ҳам баҳор билан ёзинг кураши давом этади. Бу кураш бутун ёз давомида ба-

ҳор фойдасига ҳал бўлгандек, ёнбағирларни кўм-кўк ўтлар гилами қоплаб ётади, улар орасида қизил, сариқ лолалар кўзга ташланади. Енгил шабада арчазорлардан ўрмон ва елим ҳидини олиб келади.

Ёзниг охирида эса тескари жараён бошланади. Баланд тоғликлар биринчи бўлиб кузни кутиб олади. Кечалари кучли совуқ тушади, шамол кучаяди. Эрталаб тошлар юзасида шудринг пайдо бўлади. Лекин бу шудринглар биринчи қуёш нурлари таъсиридаёқ йўқолади. Куз аста-секин ўз кучини кўрсата бошлайди ва водийда ҳам намоён бўлади. Лекин унинг таъсири тоғдаги-дек кучли эмас. Фақат эрталаб сариқ ўтлар устида шудринг ялтираб кўринади.

Мана биринчи сариқ барглар ҳам кўринди. Дарё ёқасидаги чангалзорлар қизғиши тусга киради, ҳаво борган сари софлашади ва тиниқлашади. Ариқчалар ёнида ҳали ҳам янги кўкатлар пайдо бўлади, аммо улар тез-тез тушаётган совуқдан кўп яшамайди. Ниҳоят тоғда биринчи қор тушади — у одатдан ташқари оппоқ ва ялтироқдир. Унга кузнинг илиқ кунлари хавфли эмас. Қор кўпайиб, ўз майдонини кенгайтиради ва чўққилардан водийга томон аста-секин пасаяди.

Дараларда биринчи қор кўчкисининг баланд товуши Бахмалга қиш қайтганини тантанали эълон қилади.

Ҳаммаси инсонга

Бахмал бир-биридан кескин фарқ қилувчи икки географик райондан ташкил топган.

Биринчиси, Сангзор дарёсининг кенг ўзани бўйидаги тепалик жойлардир. Қадимги денгиз супасимон ёнбағирларида ва адирларда кўп сонли қишлоқлар, боғлар, буғдой ва арпа экилган майдонлар ястаниб ётади. Бу зона 80 километрдан ошиқроқ жойни эгаллаб, Фаллаторол шаҳридан Қорашақшақ қишлоғигача боради ҳамда сайёҳларни баҳор ва кузда ўзинга жалб этади.

Иккинчиси, ёзниг жазирамасида сайёхлар тоғли зонага, ўрмон ва сув, салқын ҳукмрон бўлган жойга интилишади.

Сангзор ҳавзаси ёнидан ўтиб, Зоминсувга кетувчи автомобиль йўли қурилгандан кейин Бахмалга бориш қулайлашди. Автосайёхлар бу асфальт йўлдан бориб, Авлиё, Ўсмат, Дангари, Кўкжар ва Қашқасувни томоша қилишлари мумкин. Пиёда юришни яхши кўрган сайёхлар учун содда ва мураккаб маршрутлар бор. Уларнинг эътиборини ўрмонли Алдашман, Такоба, Ўсмат, қояли чўққиларга ва чуқур дараларга бой Молгузар тортиши мумкин. Спорт даражаси унча юқори бўлмаган сайёхлар ҳам бемалол Чашмор ва Кўктепа, Латабанд ва Лангар, Паргар ва Чандир довонларидан қийналмай ўта олишади. Баландлиги 3000 метрдан юқори бўлган Чумқартау, Ойқор, Оқтош, Учқизга кўтарилиш учун, албатта, тажриба ва маҳорат кўпроқ бўлиши керак.

Бахмал атрофида кўпгина экспедиция обьектлар — Науқа ва Авлиёнинг карст булоқлари ва ундаги балиқлар, кўп асрлик чинорлар ва қайрағочлар, ғорлар, эски қасрлар ҳаробалари, қадимий қўргонлар, мачитлар ва мақбаралар бўлиб, уларнинг кўпчилиги тарихий аҳамиятга эга.

Бахмал келажакда жумҳурият аҳамиятига эга дам олиш зонасига айланади. Бу жойда янги дам олиш уйлари ва санаториялар, соғлиқни тиклаш базалари ва кемпинглар, пансионатлар ва пионер лагерлари, шу ерда тайёрланган қимиз билан даволовчи шифохоналар қурилади.

Минглаб кишилар бу жойда дам олиш кунларини ўтказадилар.

Шу сабабли ҳозирдан кўп нарсаларни ҳисоблаб чиқиши, ўрганиши, дам олиш зоналарини лойиҳалаштираётганда дарёлар тозалигини, ўсимлик ва ҳайвонот дунёсининг сонини сақлаб қолиш чорасини кўриш керак.

ҚУРУҚЛИҚДАГИ ОРОЛ

Самарқанддан унча узоқ бўлмаган, шинамгина Фарҳод шаҳарчаси жойлашган жойда Зарафшон дарёси иккига бўлинади. Унинг шимолий ирмоғи Оқдарё, жанубийси Қорадарё деб аталади, кейин бу икки ирмоқ бирлашиб, қурғоқлик устидаги орол Миёнқол ҳосил бўлади.

Зарафшоннинг бу икки ирмоғи рангига қараб қўйилган номларни шу дарёлар қирғоғида бўлганингиздаги на тушунасиз. Оқдарё ўзанида сон-саноқсиз майда оролчалар бор бўлиб, у оқиш рангдадир. Сувининг бирмунча саёзлиги ва ёзилиб оққанлиги туфайли у яна ҳам оқроқ кўринади. Қорадарё эса аксинча, битта кучли оқимда ва анча чуқурда оққанлиги туфайли суви қорамтири кулранг рангда. Бу икки ирмоқ юз километр атрофида бир-бирига ёнма-ён равишда фарбга оқади ва Хатирчи районининг Янгиработ посёлкаси олдида бир-бири билан яна туташади. Шундай қилиб, Оқдарё билан Қорадарё қуруқлик устидаги бу оролни икки тарафдан сувли ҳалқа шаклида ўраб олади ва майдони 120 квадрат километрли орол ҳосил қиласди.

Бу майдонда ўнлаб хўжаликлар жойлашган, улар пахта, гуруч, полиз экинлари, мевалар етиштириш билан шуғулланади. Орол устидан тўғри чизиқлар шаклидаги бош каналлар ва улардан ажралган ариқлар тармоғи тарқалған кетган.

Миёнқол ороли энг қадимий даврлардан бошлаб, Зарафшон водийсининг иқлими қулай жойларидан бири ҳисобланган. Бу жойда ўтган ва ҳозирги даврда ҳам деҳқончиликдаги суюриш ишлари учун қулай шароитлар мавжуд.

Миёнқол ороли Ўрта Осиёдаги энг қадимий деҳқончилик маркази эканлиги тўғрисида, ундаги антик даврда қурилган сув иншоотлари хабар беради. Бундан ташқари, қадимда ижод қиласган муаррихларнинг Миёнқол

оролидаги ривожланган хўжалик тўғрисидаги маълумотлар сақланган. Бу ерда яна қадимги асосий аҳоли пунктлари жойлашган. Ўрта асрларда яшаган араб сайёхи ал-Истаҳри ёзган эди. «Суғд энг ёқими ва чиройли жойлардан бири бўлиб, у дарё бўйича узлуксиз давом этади.» Бундан ташқари оролнинг номи Эрондаги кўпчиликка маълум Миангканг (каналлар ўлкаси) деган номга ҳамоҳанг бўлиб, ўша вақтда унинг оламга машҳурлигидан далолат беради.

Бу оролнинг жумҳуриятимиздаги иқтисодий роли маълум бўлсада, унинг табиий-географик шароити ва келиб чиқиши бирмунча жумбоқдир. Унинг пайдо бўлиши тўғрисида бир нечта фаразлар мавжуд. Уларнинг ҳаммасида ҳам бир нарса қайд қилинади: дарёнинг иккига айрилишида асосий ролни тектоник ҳаракатлар ўйнаган ва бу жараён яқин ўтмишда бўлган.

Тахминан 15—20 минг йил олдин, юқори антропоген даврида унинг тоғли қисми ҳали музликларини сақланган. Ҳозирги мавжуд музликларнинг ҳажми эса ўша вақтда 3—5 марта каттароқ бўлган. Масалан, Зарафшон муз қатлами узунлиги 100 км (ҳозир 28), Яғноб музликлари битта умумий муз дарёси шаклида (ҳозир улар бўлакланган ва юпқа). Фан тоғлари эса ҳамма тарафидан муз қоплами билан то 1800 метр баландликкача қопланган эди.

10—12 минг йил аввалги иқлимининг кескин исиши бу муз массаларининг эришига сабаб бўлган ва катта миқдорда ёмғир ва қор ёқсан. Жуда катта сув массаси палеозарафшон дарёсининг тор водийси бўйлаб ҳаракатга келган ва ўзи билан тош, шағал бўлакларини олиб келган. Ҳозирги Миёнқол ўрнида эса Зарафшоннинг энг кенг қисми жойлашган бўлиб, унинг кенглиги 20 километргача етган. Вақт ўтиб сув массаси камайиши билан тоғли қисмда Зарафшоннинг кўп ирмоқлари қуриган ва дарё саёзлашган. Бунинг натижасида дарё кенг ўзан орасида иккига бўлинib оқа бошлаган.

Қизиғи шундаки, шимолий ирмоқ — Оқдарёнинг мавжуд бўлишига борган сари хавф пайдо бўлмоқда. Бунинг асосий сабаби Туркистон тоғлари ва унинг тармоғи бўлган Нурота юқорига қараб аста-секин таъсир этувчи тектоник жараёнлар натижасида ўсмоқда ва бу ўсиш Зарафшон тоғларига нисбатан бирмунча кучлироқдир. Бунинг натижасида Зарафшон ҳам аста-секин жанубга томон силжимоқда. Бу силжишда Оқдарё бирмунча тезроқ бормоқда ва у аста-секин Қорадарёга яқинлашмоқда.

Шу сабабли Оқдарёнинг сув ҳажми ҳам аста-секин камайиб бормоқда. Бу жараённи қадимги суғориш мутахассислари ҳам таъкидлашган.

Зарафшон тармоқланган жойда сувни тақсимлаш қадимдан мавжуд бўлган. Эрамизнинг биринчи асрларида бу ерда сув тақсимлагич дамба қурилган. XVI асрда эса тош ва пишган гиштдан сув айирғич кўпrik қурилиб, унинг арки бизнинг давримизгача сақланиб қолган.

Кейинчалик эса, бу ерда тўғон қурилган. Лекин бир неча марта дарё ювиб кетиши натижасида яна тикланган. Утган аср охири ва асримиз бошларида Зарафшоннинг сувини ёғоч дамба билан тўсиб, бўлмоқчи бўлишган, лекин бу иншоот қиммат ва ишончсиз бўлиб чиққан. Зарафшон сувини бўлиш учун ишончли сув айирғич қуриш масаласи фақат бизнинг вақтимизда ҳал бўлди. Ҳозир сув иккига бўлинадиган жойда мустаҳкам темир-бетон Оқдарё гидроузели қурилиб, у сувни автоматик равишда тақсимлайди.

ҚЎҚСАРОЙ

Самарқанд вилоятининг ғарбидаги Оқтоғда Кўқсарой деб аталган водий жойлашган. Водий ўртасида ўзига хос шаклга эга бўлган кичик тоғ бўлиб, у Жинўтти деб аталади. Умуман олганда, у тоғ эмас, кўпроқ қоя бўлиб, унинг ёнбағирлари тик ва устида текис майдонча бор.

Маҳаллий чўпонлар Жинўтти олдида подаларини боқиши майди. Бунинг сабаби у ерда ўтнинг камлиги ёки сув йўқлигидан эмас. Балки Жинўтти тўғрисида илгаридан ёмон фикр туғилган ва шу ҳақида афсона тўқилган.

«Жуда ўтган замонларда, — ҳикоя қилинади афсонада, — одамлар Кўксаройни ўзлаштира бошлаганлар. Шу вақтда ушбу ерда жинлар ҳам ўзларига макон қуришади. Кўп ўтмай қўшничилик жинларга ёқмай одамларга зарар етказа бошлашади. Гоҳида қўй-қўзилар йўқолади, гоҳида сел уйларни суриб олиб кетади, гоҳида тоғдан тошлар ёғилади. Одамлар қўшниларининг бу қилиқларига чидай олмай уларга қарши жангга отланадилар. Жанг узоқ давом этар, охири кўринмасди. Жангни тезроқ тугатиш учун одамлар орасидан Тар деган баҳодир чиқади. Улкан калтак ясад олиб, жинлар яшаётган дарага йўл олади. Баҳодирни жинлар бирлашиб кутиб олишади ва уни салкам ҳалок қилаёзишади. Унинг устига тош ёмғири ёғади, сел оқими унинг йўлини тўсади, оёғи остидаги ер бирдан ёниб кетади.

Жасур баҳодир Тар буларнинг барини енгиб чиқади ва жинларга қарши боради. Жанг етти кун-у етти тун давом этади ва ниҳоят паҳлавон жинларни енгади. Жинлардан фақат бири омон қолади ва тошлардан улкан қоя ясад, унинг устига чиқиб олади. Эрта-ю кеч Тар қоя ёнига тош йигади аста-секин тошларга тирмашиб, ниҳоят чўққи устига чиқади ва жинни пастга ирфитиб юборади. Жин ерга урилиб, ер ютади.

Табиат ва одамлар золим жиндан кутулганига хурсанд бўлишади. Водийда серсув дарёлар пайдо бўлади, шаршаралар товуши чиқади, ер устини қалин ўт гиласми қоплади, ингичка кўчатлар эса кучга тўлиб, бақувват дараҳтларга айланади ва улар баланд бўлиб, кўкка бўй чўзади».

«Шу даврдан бошлаб, — дея ҳикоя қилинади афсонада, — бу қуёшга тўлган чиройли водий Кўксарой деб

аталади, жин яширинган қоя эса «Жинётти», яъни жин ўтган йўл деб номланади. Қишлоқнинг номи баҳодирнинг номи билан—Тарпай деб атала бошланади. Шу даврдан сақланиб қолган дараҳтлар эса ўзининг улканлиги билан киши ақлини лол этади.

Ҳақиқатан ҳам Кўксаройга саёҳат қилган саиёҳ Оқтоғ учун хос бўлган хилма-хил манзараларни учратади. Бу жойларда май ойидан ноябргacha бир томчи ҳам ёмғир ёғмаган йиллар бўлади. Кўпчилик дарё ва булоқларнинг суви камаяди. Лекин Кўксарой водийси табиатнинг бу қонуниятига гўёки бўйсунмайди.

Ҳамма вақт қалин ўтлар билан қопланиб ётадиган бодомзорлар-у қалин қамишзорлар бошқа жойлардан фарқ қиласди. Ёши 150 дан 400 йилгача етган ёнғоқ, тут дараҳтлари учрайди. Энг қизиги шундаки, Кўксаройда учровчи арча на Оқтоғда, на қўшни Нурота тоғида учрайди. Бу ерда баъзи бир арчаларнинг ёши 700—800 йил атрофидадир.

Водийнинг кўп жойида энг қуруқ йиллар ҳам қсялар ёриғидан булоқлар чиқиб ётади. Дарёда балиқлар мўл. Тушуниш қийин йўл билан улкан сувсиз майдонни ўтиб, бу ерларда ондатра пайдо бўлган. Дарё этагида жумҳуриятимизда кам учровчи қора лайлакни учратиш мумкин. Водийнинг энг юқорисида улкан ва чиройли Дара деб аталган қисмида оҳактошлар худди Шимолий Американинг «Катта конъон»ига ўхшаб ер юзига чиқиб ётибди, давлат томонидан қўриқланаётган архарлар бор.

Қояларнинг шамол ва ёғингарчилик таъсирида минг йиллар ичida силлиқланган юзасида учровчи одам, эчки, от, туя ва ҳаттоки шер расмлари бу жойнинг одамзот пайдо бўлган даврдан бўён ўзлаштирилганини кўрсатади.

Тарпай қишлоғи ёнидаги учта тепалик археологлар томонидан ўрганилганда, эрамизнинг биринчи асрларида

ишланган идиш-товоқ синиқлари топилган. Идишлар шу жойда учровчи лой, қум ва шағаллардан ясалғанлыги маълум бўлган.

Махсус ўлкашунослик экспедицияси иш олиб бориб, Кўксаройни меҳнаткашларнинг дам олиш зонасига айлантириш масаласини ўрганди. Бу жойда пионер лагерлари, турбазалар, ёзлик дам олиш зоналари ташкил этиш мақсадга тўғри келар экан. Кўксаройдаги экспурсия обьектлари ва эътиборга молик жойлар кўплиги ажойиб саёҳат маршрутлари очиш имкониятини беради. Тоғнинг тик ёнбағирлари эса юқори малакали алъянистлар тайёрлаш учун махсус ўқув майдони бўлиши мумкин.

Афсона эса бу жой учун қўшимча файз беради.

САҲРО МЕДАЛЬОНИ


Асфальт йўлдан енгил учиб бораётган автомобиль эрталабки туман билан қопланган Зарафшон воҳасини ортда қолдириб, жануби-ғарбга—уфқда кўриниб турган чўққили тоғларга интилмоқда. Орқада Зиёвуддин станцияси, қадимий Нарпай канали ва йўл чеккасидаги ихота ўрмонлари бирин-кетин ортда қолди. Тоғ олди текислиги аста-секин қирларга уланди. Чап томонда Зирабулоқ тоғининг қия ёнбағри жойлашган бўлиб, ёмғир сувлари таъсирида ювилавериб, сон-саноқсиз каналчаларга айланган. Ўнгда тепаликлар, улар аста-секин қояли Зиёвуддин тоғига уланиб кетади. Биз кетаётган йўл кенг тоғлараро текисликка чиқади, бу жой мутахассислар томонидан Қарноб букламаси деб аталган. Унинг асосини палеозой даврининг хилма-хил тоғ жинслари ва мезокайнозой даври қатламлари эгаллаган. Бу қатламлар орасида ҳар хил фойдали қазилмалар ва сув бор. Қарноб букламаси бир вақтнинг ўзида Қашқадарё ва Зарафшон ҳавзаларининг ҳам ер усти, ҳам ер ости сув айирғичлари ҳисобланади. Йўл аста пастла-



«Фан тоглари» даги «Зиндон» музлиги.



«Фан төглари» даги «Қазнок» дараси.



«Кўли-Калон» йўлидаги тоғ шаршараси.




«Зиндон» дараси олдидаги куриган арча.



«Уруг» дарасыда тонг.




«Еттинчи Моргузор» кўли.



Дарёлар ана шундай бошланади.



«Зиндон» дарасидаги «Юбилейний» довони.



«Кўли-Калон» кўлининг «Юбилейний»
чўққинидан кўринилиши.




«Арча-майдон» дарасида.



Тоғ гуллари.

Тоғ гүлләри.



«Зиндан» даrasи.





«Имат» дарасидаги шаршара.

Тоғ гүллари.




Тоғ гүллари.







«Кўли-Калон» кўли ва «Фан тоғлари».



Арча.



«Катта Аловуддин» кўли.



«Кўли-Калон» кўли ва «Мирали» деворининг «Чукурак»
довонидан кўриниши.

шиб бизни айни бир вақтда тарихнинг қизиқарли ва кўпчиликка номаълум бўлган Қарноб посёлкасига олиб боради.

Шу кунларда посёлка жумҳуриятимиздаги йирик қоракўлчилик маркази ҳисобланади.

Посёлка тоҷикча номланган бўлиб «тошайтган сув» маъносини билдиради. Демак, маъно жиҳатидан келиб чиқсан, бу ернинг асосий сув манбаи булоқ бўлиши керак. Ҳозир булоқ посёлканинг марказида. 50-йилларда эса посёлка чеккасида жойлашган эди. Булоқ девор билан ўралган бўлиб, юқориси пахса гумбаз билан ёпилган.

Қарноб қадимий аҳоли пунктидир. Биринчидан, одамлар маъдан эритиш ҳунари билан бронза асрида — уч минг йил олдин шуғулланишган. Иккинчидан, аҳоли пункти номининг келиб чиқиши камида IX—Хасрларга тўгри келиб, Маворауннарда ҳукмрон бўлган сүғд тили айrim жойларда ғарбий эрон тили гуруҳи билан алмашина бошлаган ва бу тил ҳозирги тоҷик тили бўлган. Учинчидан, Қарноб қулай географик ўрнига кўра тоф олди дәҳқонлари ва чўлдаги чорвадорлар ўртасида савдо маркази бўлган.

Шундай қилиб, Қарноб эрамизнинг бошларида «Буюк ипак йўлининг» жануби-ғарбий тармоғида Шарқ давлатлари ва Ғарбий Оврупони боғлаб турган йўл ёқасида пайдо бўлган. Бу савдо йўли Хитой ва Оврупони 2000 йилдан ошиқроқ боғлаб турган.

Қарнобдан унча узоқ бўлмаган жойда эрамизнинг биринчи асрларида Дабусия шаҳри барпо этилган бўлиб, кейинчалик Чингизхон қўшинлари томонидан вайрон қилинган. Дабусия шаҳрининг қолган қолдиқлари ҳали ҳам ўзининг ҳажми билан киши ақлини лол этади. Александр Македонский юришларини ёзган антик давр тарихчиларининг маълумотларига ва ҳозирги замон тарихчиларининг фикрига кўра, айнаш шу жойда

эрамизга қадар IV асрда (ҳозир пахтазорлар ва боғлар билан қопланган майдонда), «Скиф саҳроси олдидағи текисликда» юонон құшинларининг бир отряди Спитамен бошчилигидаги сүғд құзғолончилари томонидан қириб ташланған. Ұша жанг майдони ҳозирги Зиёвуддин ўрнида деб фикр юритилмоқда, унинг олдида эса Дабусия шаҳри жойлашған.

Ұз вақтида бу шаҳар йирик карvon йўллари кесишгандың жойдаги Суғднинг йирик маркази ҳисобланған ва тавар алмашиш бўйича Самарқанддан кейин иккинчи ўринда туриб, «савдогарчилик-хунармандчилик ва судхўрлик шаҳри» бўлған. Дабусия Зарафшон воҳасининг ўрта қисмидаги қулай стратегик ўрнига кўра, Самарқандга интилаётган душманлар йўлидаги «мустаҳкам ёнғоқ» ролини ўйнаган. Водийнинг адир зонасида жойлашған Дабусия энг қадимги Нарпай каналидан сувичган қулай иқлим шароитига эга эди. Минглаб кишиларнинг жонига қасд қилувчи безгак касаллиги кам бўлған. Унгача яқин бўлған йирик савдо марказлари Қармана ва Рабинжонгача бир кунлик Қарнобгача эса ундан ҳам камроқ йўл босилған. Қарноб араб сайёҳлари хотираларида Қизилқум орқали кесиб ўтувчи оғир йўлнинг бошланиши ҳисобланған. Фақат шу жойдагина сайёҳ қумга кириб кетиш олдидан булоқдан чучук сувғамлаб олиши, охирги марта қайрағоч соясида дам олиши, йўлбошловчи ёллаши, тuya ва отлар сотиб олиши мумкин эди. Кичкинагина чўл воҳасидан кейин теп-текис чаласаҳро бошланиб, тақир ва туз босган жойлар, саксовулларнинг жазирамада қуриган таналари учради. Фақат ҳар жойда карvon йўли ёнида шўр қудуқлар учраши мумкин эди. «Буюк ипак йўли» нинг жануби-ғарбий тармоғи Зарафшон водийсини энг қисқа йўл билан Дабусиядан бой савдо шаҳри Пойкентга (ҳозир Қашқадарё вилоятида) олиб чиқарди. Бухоро орқали унга йўланча олис, ўзаро уруш йилларида хавфли эди.

Ҳозирга қадар Қарноб норасмий «чўл пойтахти» хи-

собланади. Қадимий карвон йўллари ва сўқмоқлар сақланиб қолган ва ҳозиргача одамларга хизмат қилмоқда. Уларнинг кўпчилиги автомобиль йўлларига айлантирилган. Улар Қарнобни Тим, Дарактут, Зирабулоқ, Саҳоба, Қоровулбозор, Муборак, Қарши билан боғлайди. Бундай карвон йўллари ўрнида газқувур трубалари ётқизилган.

Фақатгина сув манбаларининг камлиги кичик, аммабийи ўрни қулай қишлоқнинг ривожланишига имкон бермади. Соңиясига 30 литр сув бера олувчи булоқ кичик қишлоқ аҳолисининг сувга бўлган эҳтиёжини қондира олмас эди. Кейинчалик «Буюк ишак йўли» нинг мавқеи пасайгач, Қарноб ривожланаётган тараққиётдан жуда четда қолди ва чўлдаги чорвадорларнинг қишлиқ турар жойи-ю ҳар замонда ишловчи бозорга айланди. Энди қишлоқнинг ягона эътиборга лойиқ жойи ундаги «саҳро медальони», яъни булоқнинг тиниқ ва чучук суви бўлди. Қарноб булоғининг ўзига хослиги, у Зирабулоқ тоғидаги бошқа булоқлардан фарқли равишда, қишининг қаҳратонида ҳам музламайди ва шу хусусияти алоҳида эътиборга молик.

Қарнобдаги булоқ тектоник ҳаракатларнинг оддий кучи билан пайдо бўлган. Яъни чуқур ер остида ётган гранит тана, тектоник ҳаракатлар натижасида ҳар хил йўналишда, қалинлик ва катталика бўлган ёриқлар билан парчаланган. Йилнинг нам фаслларида атмосфера ёғинлари — ёмғир, шудринг ва қор шаклида тупроқнинг юпқа қаватидан сингиб ўтади ва тош бағридаги юқорида айтилган ёриқлар бўйлаб ер ички қаватининг ҳарорати юқори бўлган жойларига тушади. Сувнинг ҳарорати $23-25^{\circ}$ гача исигач, ҳажми кенгайиб, юқорига кўтариувчи оқим таъсирида ер юзига исиган ҳолда чиқади. Сувнинг исиши эса ер ички қатламларидаги оддий юқори ҳарорат таъсирида бўлади. Бу ердаги пегматитлар — гранитнинг нодир қайта ишлашга берилувчан турлари, айниқса юқори баҳоланади. Яна турмалин, корунд

ғамламалари аниқланган. Зирабулоқтоғ марказида темир моддаси учрайди. Бу ердаги барча фойдалы қазилмалар саноатимиз захираси ҳисобланади. Лекин ҳозир ҳам ва барча вақтларда табиатнинг буюк мұйжизаси бўлиб, «саҳро медальони»—Қарнобота булоги қолади.

ТИМ

Зирабулоқ тоғининг жанубида, тоғ олди ва чўл зоналари ўртасида жойлашган Тим қишлоғи асоссиз равишда экспедиция маршрутлардан чеккада қолмоқда. Аслида эса бу табиат меморлик комплекси ҳамма томондан қизиқ. Бу жойда ландшафтшунослар, маданият тарихини ўрганувчилар ва дам олишни ташкил қилувчи мутахассисларни қизиқтирувчи бой материаллар талайгина.

Тимнинг бой экспедиция имкониятларини ишга солиш кўп харажат талаб қилмайди. Биринчидан, транспорт йўли мавжуд, иккинчидан, Каттақўрғон шаҳрига олиб борувчи йўл ҳар қандай транспорт учун қишин-ёзин очиқдир. Қишлоқ олдидаги дарёча ва карст булоқлари дам оловчиларни тоза ва тиниқ сув билан таъминлайди. Агар сув омборлари қурилса, қирғоқда пляж ташкил этиш мумкин. Ўрмон мелиорация ишлари яшил зона ташкил этиш имкониятини беради. Энг муҳими бу ердаги иқлим ўзгариши натижасида об-ҳаво анча мўттадил ва дам олиш учун қулайдир.

Табиатшунослар ёнбағирдаги палеозой даври ётқизиқларини, ҳар хил ёшдаги тектоник сурималар ва интрузив (магматик) тоғ жинсларини томоша қилишлари мумкин. Зирабулоқ тоғининг жанубий этаги бўйлаб тоғни чўл зонасидан ажратиб, рельефда яхши кўринувчи қатлам ўтади. Бу бўртган қатлам Помир-Олой ва Тўрон плитаси орасидаги чегарадир. Бошқа жойларда эса бу тектоник уланган жой ёш ғовак қатламлар ортида қолиб кетгандир.

Тоғ ёнбағридаги қояларда күп сонли ғорлар, дарё ёқаларида эса карст булоқлари мавжуд. Барча чүл ва паст тоғликларнинг таркибий қисмлари ўзаро боғлиқдир. Ёш сайёхлар учун бу икки зонанинг табиий географияси ўқув қуроли бўлиб хизмат қилиши мумкин.

Тимда минг йиллик арча бор бўлиб, у гўё Қарноб чўлидан келаётган жазирамага қарши кўкрак кериб турган паҳлавонга ўхшайди.

Тарихчилар учун Тим бир ажойибхонадир. Бу ерда петроглифлар — ибтидоий одамлар чизган суратлар мавжуд. Қелажакда Тимда ўтказиладиган археологик изланишлар ҳам самарадор бўлиши керак. Бу ҳақида кўпчилик сайёхлар топаётган тош қуроллар дарак беради. Айниқса меъморлик ёдгорликлари ҳақиқий хазинадир. Улар ичida X асрда қурилган Аработка мақбараси ажралиб туради. У Ўрта Осиёда жуда нодир. Аработанинг ўзига хос хусусияти унинг гул билан безатилган равоғи бўлиб, у ўша давр меъморчилиги учун янгилик бўлган. Аработка ёнида XII асрда қурилган мачит бор. Улар ўртасида баланд тепалик Қултепа бор бўлиб, тепалик VI—VII асрларда қаср бўлган. Агар бу ёдгорликлар яхшилаб таъмирланса, Тим қишлоғи учун энг яхши совфа, сайёҳлар учун янги объект бўлади.

Тоғли жойларга саёҳат учун Тимдан шимолдаги тоғлар катта имконият яратади. Тоғ даралар ва очиқ конлар, енгил чиқиши мумкин бўлган тоғ довонлари, ўткир тоғ чўққилари ҳар хил даражадаги маршрутлар яратиш имкониятини беради. Зирабулоқ тоғларининг пастлигиги эътиборга олсак, у кўпчилик чиқа оладиган енгил маршрут бўлади.

III. ЖАНУБИЙ ЎЗБЕКИСТОН ЕР ОСТИ ҚАСРЛАРИ

Самарқанд жанубида Тахтақорача довонидан ошиб тушгандада Жанубий Ўзбекистон тоғлари — Зарафшон тизмасининг жанубий қисмига тушасиз. Жанубий ёнбағирдан кейин кенг текислик зонаси бошланади ва уни кесиб ўтсангиз, тоғлик ўлка—жануби-ғарбий Ҳисор тизмасига етиб борилади.

Тоғ тизмасининг жануби-ғарбий тармоқлари жумҳуриятимиз жанубида ва шарқий Туркманистон терриориясида 17.000 кв км майдонни эгаллаб, бир-бирига ёнма-ён чўзилиб ётувчи 4 та тизма тоғликни ташкил этади. Ўзбекистон ва Тожикистон жумҳуриятлари чегарасида жойлашган 3,700 м баландликдаги Осмонтараш чўққисидан бошланадиган биринчи тизма Яккабор тизмаси деб аталади ва Бешнау, Эшакмайдон, Хонтахти, Майдонак, Тойталаш деб аталувчи тоғлардан ташкил топиб, улар шимоли-шарқдан, жануби-ғарб томон чўзилиб боради ва аста-секин Қорасирт, Мадун, Усмонтоғ, Қесик, Сайфи, Тубегатон, Favурдоқ деб аталмиш паст тоғларга айланиб, қардош Туркманистон терриориясига ўтиб кетади.

Иккинчи тизма тоғлиқ Чақчар деб аталади ва унинг майдони қисқа.

Учинчи тизма тоғлик Бойсунтоғ номи билан машҳур бўлиб, у жануби-ғарб томон Кетмончопди, Саримас,

Сувсизтоғ, Кулбаттоғ ва ниҳоят Күхитангтоғ деб номланган тармоқлари билан чўзилиб, Туркманистон территориясига ўтиб кетади.

Тўртинчи тизма тоғлик жануброқда жойлашган бўлиб, Сурхонтоғ деб аталади. Мана шу тоғликларнинг йиғиндиси географик адабиётга Ҳисор тизмасининг жануби-ғарбий тармоқлари номи билан кирган. Бу тоғлар ўз навбатида кичик қолдиқ тоғлар, шу жумладан, Қелиф-Шеробод ва Шеробод-Сариқамиш тизмаларни билан ўраб турилади.

Жануби-ғарбий Ҳисор ўзига гўзаллиги билан ажраби туради. Кўз олдингизда бутун ҳусни жамолини кўз-кўз этган осмонўпар тоғлардан тошдан-тошга урилиб шўх дарёлар шарқираб оқади, улкан арчазорлар пастида зилол булоқлар чарчаган сайёҳни «кел, муздек сувимдан ичиб, сояда дам ол», дегандек қайнаб туради. Узоқларда оппоқ пўстин ёпинган улкан чўққилар азamat кўксиларини виқор билан кўтаргандай мағрур турадилар. Теварак атрофда эса бошқа ҳеч ерда учрамайдиган ранглар камалаги жило қиласди.

Жануби-ғарбий Ҳисор тоғларида сизни фақатгина ер устидагина эмас ҳатто ер ости ҳам мафтункор ва мўъжизали унутилмас саёҳат кутади. Бу ўлка ғорлар, яъни улкан, сеҳрли қоронгилик қаърида яшириниб ётубчи, ўзининг хилма-хил қайтарилемас нақшлари ва безаклари билан сайёҳни ўзига ром этувчи қасрлар ўлкасидир. Бу ғор — қасрлар бағрида салобат билан ер ости дарёлари оқади, девор ва шипларида хилма-хил шакл ва жилоли сталактит ва сталагмитлар ўсиб ётади. Ғорлар табиатшунос сайёҳларнигина қизиқтириб қолмай, балки бошқа хилма-хил касб эгаларини ҳам ўзига чорлайди. Археологлар бу ердан қадимги одамлар қароргоҳларини, геологлар ота-боболаримизни ўз жилваси билан мафтун этган лаъл-ҳақиқ ғамламаларини излайдилар. Минералоглар янги минералларнинг пайдо бўлиш жараёнини кузатсалар, тиббиётчиларни илгаридан

халқ тиббиётида кенг қўлланилган мумиё ёки шифобахш минерал сувлар ғамламаси қизиқтиради. Ҳозиргача бу территорияда 100 дан ортиқ йирик ғорлар топилган бўлиб, уларнинг умумий узунлиги 9000 метрдан ошиб кетади.

Жануби-ғарбий Ҳисор ва Зарафшон тоғларида Ўрта Осиё территориясидаги энг йирик ғорлардан Қопқўтон, Ҳошимўйик, Қаптархона, Амир Темур кабилар жойлашган. Ғорлардан жанубий жумҳуриятлар ичидаги на ҳисобланувчи қадимий одам калла суюга ва туаржойи қолдиқлари топилган. Баъзи ғорлар деворларида қадимий аждодларимиз истеъдодидан дарак берувчи ибтидоий одамлар чизган суратлар бор. Территориядаги ғорлардан қимматли ҳақиқ, мумиё ғамламалари, водород сульфидли шифобахш сув топилган.

Табиатни севган, ер ости сайёҳатини хуш кўрган сайёҳ ва горшунослар нодир ер ости қасрларига саёҳат қилишлари мумкин. Уларни такрорланмас гўзаллик ва сехрли олам кутади.

ГОРЛАР ҚАНДАЙ ПАЙДО БУЛАДИ?

Ғорлар пайдо бўлишига кўра, сунъий ва табиий турга бўлинади.

Сунъий ғорлар асосан инсон қўли билан яратилади, яъни ер тагидан маъданларни кўп йиллар давомида қазиб олиниши натижасида ҳосил бўлади. Бундай ғорларни Кўҳитангтоғ ғарбий ёнбағрида, Сурхонтоғнинг айрим жойларида учратиш мумкин.

Табиий ғорлар эса асосан эрувчан тоғ жинслари — оҳактош, доломит, гипс, ангидрид ва туз тарқалган ерларда сув таъсирида пайдо бўлади ва бу жинслар геологияда карстланувчи жинслар деб аталади.

Эрувчан тоғ жинслари мавжуд жойларда ғорлар пайдо бўлиши учун бир қанча шарт-шароитлар мавжуд

бўлиши шарт. Яъни эрувчан тоғ жинслари орасига сувкира олиши учун майда ёриқлар бўлиши, жинсларнинг эриши учун сув ҳарорати юқори ва ис газига тўйинган бўлиши, сувлар шу ёриқларга сингиши ва сувнинг сингиб кетиши учун жинслар қатламининг қалинлиги катта бўлиши керак. Юқоридаги шароитлар мавжуд бўлгандагина улкан табиий ғорлар бунёд бўлади ва бу жараён илмий адабиётда «карст» деб аталади¹. Карст жараёни натижасида фақат ғорларгина пайдо бўлиб қолмасдан бошқа рельеф шакллари ҳам ҳосил бўлади.

Жанубий Ўзбекистон майдонидаги Самарқанддан жанубдаги жануби-ғарбий Ҳисор территориясида карст ғорлари пайдо бўлиши учун кенг имконият мавжуд бўлиб, бу ерда 5700 кв км майдонни карстланувчи тоғ жинслари — оҳактош, доломит, гипс, туз қатламлари эгаллаб ётади. Территорияда йил давомида 790 мм га қадар ёғингарчилик бўлган жойлар ҳам бор. Ёғингарчиликнинг асосий қисми илиқ фаслларда — баҳор ва кузда ёғади. Сувнинг карстланувчи жинслар бағрига этиб бориши учун ҳам шарт-шароит бўлиб, П. У. Ахмедов маълумотига кўра, баъзи жойларда ер юзининг 1 погон метрида 40 га яқин майда ёриқлар мавжуд экан. Карстланувчи тоғ жинсларининг қалинлиги эса айрим жойларда бир неча юз метрни ташкил этади.

Биз рисолада асосан табиий йўл билан карстланувчи тоғ жинсларидан ҳосил бўлган карст ғорлари ҳақида ҳикоя қиласиз.

Сув ер бағрига сингиб борар экан, эрувчан тоғ жинсларининг бир қисмини эритиб, ғорлар ичига олиб тушади ва хилма-хил ҳажмдаги ҳайвон, гул шаклларига ўхшаб кетувчи ўсимталар ҳосил қиласи.

¹ Сўз Югославиядаги Карст ясси тоғи номидан олинган бўлиб, карст ҳодисаси бу жойда кенг ривожланган ва дастлаб ўрганилган.

Бир томчи сув изидан

Ҳаммамиз ҳам ёшлигимиздан ўқитувчимизнинг бир томчи сув саёҳати, унинг сувга айланиб ҳавога учиши, булутга қўшилиши, ёмғир шаклида ерга тушиши, ер тагига сингиши ва ундан булоқ шаклида яна ер юзига чиқиб, дарё ва денгизларга қўшилиши ҳақида табиатдаги сув айланиш ҳикоясини ҳаяжонланиб тинглаганмиз.

Биз форларнинг пайдо бўлиши сабабларини янада батафсилроқ тушуниш учун бир томчи сувнинг ер остидаги саёҳатини кўздан кечирамиз. Бунинг учун табиатдаги буюк сув айланишининг фақат бир бўлгини, бир томчи сувнинг ер остига сингиши ва унинг булоқ шаклида ер юзига чиққанига қадар даврни оламиз. Бир томчи сув билан сеҳрли ер ости оламига тушиб, унинг қаъридаги одатдан ташқари ҳодисаларини кўриб ҳайратланамиз ва сайдех сувнинг ер остидаги узоқ йўли давомида яратган мўъжизакор ишларни томоша қиласмиз. Ёмғир ёфмоқда. Ер юзига тушган сувлар бир-бирига қўшилиб, кичик ирмоқлар шаклида ҳар тарафга чопмоқда. Ирмоқларнинг бир қисми ёнбағирлар бўйлаб оқиб ариқлар ҳосил қиласди ва шу ернинг гидрологик жараёнига қўшилиб, кўлга ёки дарёга қуйилади. Ёмғир сувининг тахминан учдан бири яна буғланиб кетиб булутларга қўшилади. Ва ниҳоят ёмғир сувининг яна бир қисми ер қаърига сингади.

Ер юзининг оҳактошли жинслардан ташкил топган ерларида эса ёмғир сувлари анча катта ҳажмда, баъзан эса бутунлай ер қаърига сингади. Шу сингари карст ўлкаларига хос бўлган сувнинг бутунлай сингиб кетиш ҳодисаси, асосан тоғли жойларда кўп учрайди ва кишилар ақлини лол қилиб келади.

Кейинги вақтларда ўтказилган кўп сонли текширишлар натижасига суюнган ҳолда, биз сувлар қандай ҳолда ер ички қатламларига кириб боришини, унинг саёҳа-

ти қандай бўлишини, қай ҳолда ўзга жинсларни эритган ҳолда ер ости йўлкалари бўйлаб олға интилишини тасаввур қиласиз. Ҳозирги вақтда мавжуд бўлган форлар асосий қисмининг пайдо бўлишига ер ости сувлари сабабчи бўлганлиги учун, биз ер ости қасрларида улар ишининг улкан маҳсулини кўрамиз. Лекин биз ҳозир дикқатимизни тоғлардан ошиб-тошиб келиб, ўзининг кучли оқимларини ер остидаги зим-зиё йўлакларга олиб кириб кетувчи дарёларга қаратмаймиз. Бу ҳақда кейинги бобларимизда бирмунча батафсилоқ тўхталиб ўтамиз. Биз ҳозирча томчи-томчи шаклида ер остига сингиб кетаётган ёмғир доналарини кузатамиз. Олдин у тупроқ устки қатламига сингиб, ўсимликларга оби-ҳаёт беради. Кейин майдა-майда ёриқлар орқали тупроқ устки қаватларини кесиб ўтади ва қаттиқ қатламларига етиб боради. Мана шу ердангина унинг ажойиб ва ғаройиб саёҳати бошланади.

Ёмғир томчилари тупроқ устки қатламидан ўтаётганда ис (углекислий гази билан тўйинади). Тўйинган сув томчилари оҳактошли карстланувчи жинслар орасида циркуляция ҳосил қилиб айланар экан, бу жинсларнинг жуда кичик бир қисмини эритади ва ўзи билан олиб кетади. Бу ёмғир томчилари майдада ёриқлар билан кунлар, ойлар ва ҳатто йиллар давомида пастга силжийди ва ер ости форлари шипигача етиб боради ва ундан сизиб ўтади. Фордаги ҳаво билан тўқнашган сув томчиларининг бир қисми буғланади ва бирмунча қуюқлашади. Кейин томчилар оғирлашган ҳолда шидан узилиб тушади ва форнинг шипида майдада эриган оҳактошлар зарраларини қолдиради. Давр ўтиши билан улар кристаллашади. Форнинг тагига томган томчилар майдада зарраларга бўлиниб, сочилиб кетади ва улар ҳам вақт ўтиши билан кристаллашувчи оҳактошнинг майдада зарраларини қолдиради.

Томчиларнинг ёриқлар орқали бир йўналишда минг йиллар давомида томиши натижасида фор шипларида

ҳамда тагида сумалаклар шакллари пайдо бўлади. Уларсталактит ва сталагмит деб аталади. Сталактитлар форшипида ўсади ва ўз шакли билан эрта баҳорда тарновларда ҳосил бўлувчи муз сумалакларига ўхшайди. Сталагмитлар фор тагида сув томчилари томган жойда ўсади ва сталактитларга нисбатан бирмунча қенгроқ, йўғонроқ бўлади. Агар форнинг тўйинган сув томчилари томаётган жойи қаттиқ тошдан иборат бўлса, томган жойини бирмунча намлайди ва ўз қиррачаларини қолдириб, сочилиб кетади. Бу ерда аста-секин оҳактошли яхлит қоплама ҳосил бўлади ва у ўз навбатида кенг ҳамда яхлит сталагмит учун асос бўлиб хизмат қиласи.

Агар форнинг таги аксинча, тупроқли бўлса, сув томчилари томаётганда тупроқ устида чуқурча ҳосил қиласи. Лекин маълум бир чуқурликка етган сув томчилари ўзининг ўйиш қобилиятини йўқотади ва ҳосил бўлган чуқурчада йиғилиб, тушаётган сувнинг зарбини юмшатиш вазифасини ўйнайди. Аста-секин чуқурча ичи йиғилиб бораётган оҳактош қатлами билан тўлиб қолади ва сталактитга қарама-қарши сталагмит ўса бошлайди. Энди сув томчилари фор шипидан ёки сталактит учидан эмас, балки устун ёnlаридан тинимсиз оқиб туради ва устунни оҳактошнинг янги-янги қатламлари билан қоплаб, унинг йўғонлашишига олиб келади.

Илгари вақтларда сталактит ва сталагмитлар ёшини унинг кенглиги ва йўғонлигига қараб билиш мумкин деб ҳисоблашар эди. Лекин бундай оҳактошли қатламларнинг ўсиши бир хилда бўлмай, жуда кўп омиллар таъсиридир. Шунинг учун сталактит ва сталагмитларнинг маълум бир вақт оралиғида ўсишини унинг ҳажми билан боғлашга уриниш муваффақиятсизликка учраши табиийдир. Ҳар хил форларда ва ҳаттоки бир форнинг турли хоналаридағи сталактитларнинг пайдо бўлиш ва ўсиш шароити хилма-хил бўлиши мумкин. Турли фактлар, масалан, ер устидаги ёмғирнинг кучи ва давом

этиш вақти ҳам сумалакларнинг ўсишига таъсир кўрсатади. Ёмғир кўп ёғадиган жойларда оҳактош қатламларининг эриши қуруқ ва ёмғирсиз жойларга нисбатан тез боради. Шунингдек, сув сирқиб ўтаётган тоғ жинсларининг қалинлиги ҳам катта роль ўйнайди. Бу жинслар қанча юпқа бўлса, ундан ўтаётган сув томчилари шунча оҳактош эритмасига кам тўйинади ва сталактитлар ривожи учун кам материал олиб келади. Иқлимининг ўзгариши ва ёмғир ёғиши тартибининг бузилиши, ҳаттоки, ер юзидағи ўсимлик қопламишининг ўзгариши ҳам сталактитлар ривожига таъсир кўрсатади.

Ҳар ҳолда қандай шароитда бўлмасин қулай ёки ноқулай бўлишидан қатъи назар, сталактит ва сталагмитлар ўсиши йиллар ва асрлар ишидир. У ёки бу сталактит ва сталагмит ёшини аниқлашга уриниш бекорчи ишидир. Лекин айрим ҳолларда оҳактошли ётқизиқлар тагидан топилмалар топилиши уларнинг қадимиyllигидан далолат беради. Масалан, агар археологлар форичида сталагмитлар тагидан ибтидоий одамнинг чизган суратлари ёки турган жойининг ўрнини топишса, бу унинг қадимиyllигидан далолат беради.

Сталактитлар, сталагмитлар ва бошқа оҳактош қопламалар кўпинча хилма-хил шаклда бўлади ва баъзи бир форларга жуда мўъжизакор ғаройиб тус беради. Одамларни қадими даврлардан буён кенг ер ости ҳашамдор заллар, хилма-хил нақшинкор шокилалар қизиқтириб келган. Фор залларидаги сталактит ва сталагмитлар кўпинча минора ёки саркофагга, хитой пагадалари ёки шамчироқقا ўхшаб кетади. Форда бўлган ҳар бир одам уларни ўзича тасаввур қилиши мумкин. Шунинг учун форда саёҳат қилмоқчи бўлган сайёҳларга шаклларнинг кўринишига қараб ном қўйишини уларнинг ихтиёрига қўйиб, ер остидаги сув ва ҳаво таъсирида ҳосил бўладиган ҳодисалар ҳақида тўхтаб ўтамиз.

Ер ости форларидасталактит васталагмиттурлари: колонналар, дарпардалар, тошга айланган шаршаралар

шаклидан ташқари оҳактошларнинг яна хилма-хил ўсимталари борки, уларнинг келиб чиқиши кўпинча жумбоқлидир.

Ана шундай жумбоқли ҳодисалардан бири — сузувчи кальций бўлиб, уни биз кўпинча ер ости кўллари устида кузатамиз ва у ҳаракатсиз сув юзини оқимтири чанг шаклида қоплаб ётади. Яқинроқ текширилганда эса, бу чанг бўлмай, балки сувнинг оҳактош билан тўйинилиши натижасида ҳосил бўлган парда эканлиги аниқланади. Агар сувнинг тез буғланиши натижасида эриган оҳактош кўпайса, бу қатлам тўлишади ва охирида ўз оғирлиги билан майдага бўлакларга бўлиниб, сув тагига чўкади. Бу ерда эса оҳактош эритмаси кристаллашиб, маржон бўлаклари ёки киши ақлини лол қолдирувчи оқимтири, нозик-сарғиш тусдаги гулдасталар шаклига киради.

«Ой сути» деб аталмиш шаклсиз, ёпишқоқ шаклдаги кальций ўзининг келиб чиқиши билаң бошқа оҳактошли ўсимталардан фарқ қиласди. У асосан ҳавоси сув буғлари билан тўйинган форларда учрайди. Унинг бу шаклга киришига асосий сабаб, сув буғлари билан тўйинган ҳавонинг оҳактош эритмасидаги сувнинг буғланиб кетишига ва унинг кристалланишига йўл қўймаслигидир.

Ер ости суви таъсирида пайдо бўлувчи яна бир оҳактошли шакллардан бири пизолит (фор марвариди) дир. У илгариги вақтларда қимматли ҳисобланарди, ҳозир эса қизиқарли, аммо кам учрайдиган табиат мўъжизаларидан бири ҳисобланади.

Агар фор тубида кичик ва чуқур бўлмаган сув ҳавзаси бўлиб, унчалик баланд бўлмаган фор шипида оҳактошли эритмага бой бўлган сув томчилари томиб, турса, ҳавзадаги сув тагидаги майдага-майдага қум доналари ва тошчаларини айлантириб туради ва унинг устки қаватини оҳактошнинг юпқа қатлами билан ўраб боради. Вақт ўтиши билан қатлам янада қалинлашиб, қаттиқлашиб боради ва қум доначалари аста-секинлик

билан думалоқ, текис ва жуда қаттиқ шарча шаклига киради. Бундай шарчалар ўса бориб, каптар тухумичалик катталиктар етиши мүмкин. Қейинчалик оғирлик ортиши натижасыда сув тагига чўкиши ва ҳавза қирғозларига ёпишиб қолиши мүмкин.

Агар шундай ғор марваридини тенг иккига бўлинса, марказида унинг пайдо бўлишига асосий сабаб бўлган қум донасини кўриш мүмкин. Яна бундай бўлинган вақтда унинг марказидан кетган йиллик ҳалқалар шаклидаги тенг бўлакларга бўлинган ҳалқачаларни кўриш мүмкин. Кўпинчалик ғор марваридлари сутранг, хира рангда бўлади. Лекин улар ичида оппоқ, ялтироқ, чиннисимонлари ҳам учраб туради.

Баъзи бир ғорларда худди ер тортиш кучига бўйсунмагандек, мўъжизали тарзда ҳар тарафга чўзилган сталактитлар учрайди ва улар экскентрик деб аталади.

Тузилиши ва кимёвий таркибига кўра, бу сталактитлар оддийларидан фарқ қилмайди.

Лекин бундай ўсишга сабаб бўлган кучлар бизга номаълум. Улар жуда ингичка ипсимон шаклда шипдан полга томон осилиб келади ва бирдан номаълум сабаб билан эгилади ёки бурама шаклга киради. ё бўлмаса ёнидан тармоқлар чиқариб ёнидаги сталактитлар билан бирлашиб тўсатдан яна шипга қараб ўса бошлайди.

Эксцентрик сталактитларнинг келиб чиқиши ва ўсишига ҳам оддий сталактитлар пайдо бўлиши учун кепрак бўлган, тўйинган оҳактошли сув томчилари сабаб бўлади. Лекин улар бундай хилма-хил шакл ва вазиятда ўсиши сабабини биз билмаймиз. Эҳтимол, уларнинг бундай бир ёқлама ривожланишига баъзи бир ғорларда бўладиган шамол таъсир этар. Табиатда бир тарафга эсувчи кучли шамол таъсирида дарахтларнинг қийшиши кўп кузатилган ҳодисадир.

Гоҳида оҳактош эритмаси билан тўйинган сув томчилари ўз таркибидаги оҳактошни сталактит ва сталагмитларга беролмайди. Ғор ичида бўладиган кучли сув

Оқимлари уларни ўзи билан оқизиб кетади ва ер юзига олиб чиқади. Бу ерда эса улардаги сув тезроқ буғланади ва ер ости сувлари чиққан жойда ғовакли оҳактош модда ҳосил бўлади.

Кейинчалик булоқлар ва қудуқлардан чиқаётган «қаттиқ сув» ер ости саёҳатидан кейин оҳактошли эритмага тўйинган саёҳатчи томчилардир.

Шундай оҳактош эритмали сувлар кўпинча водопровод қувурларида, чойнак ҳақиқатида кастрюллар, буғ қозонлари ва автомашина радиаторларида оҳактошли қатлам ҳосил қилиб, уларни ишдан чиқаради. «Қаттиқ сув»да совун кўпирмайди, ювилган соч қаттиқ ва мўрт бўлиб қолади, бундай сувда қайнатилган озиқ-овқат маҳсулотлари яхши пишмайди.

Биз ғовакли оҳактош ва «қаттиқ сув» ҳақида гапириб, саёҳатчи сув томчиси билан ер юзига чиқиб қолганимизни сезмай қолибмиз. Демак, бизнинг ер қаъридаги саёҳатимиз тамом бўлибди. Лекин бу саёҳат фагатгина оҳактош қатламларидан ўтиб ва уни эритиб, сталактит ҳамда сталагмит ҳосил қилувчи сув томчилари учунгина тамом бўлади. Ҳолбуки, бошқа сув томчилари учун ер қаърида ишлар кўп.

Ер ости сувлари оҳактошдан ташқари яна кўп моддаларни эритиб, ўзи билан олиб кетади. Масалан, тупроқ нитрати (органик моддаларнинг чириш маҳсулоти) бор жойларда у сув билан ер остига сингиб, ғор тагида кристалланади ва селитра қатламлари ҳосил қиласади.

Ер ости сувлари хилма-хил кристаллар, шу жумладан, арагонит ва ҳақиқ ҳам ҳосил қиласади.

Инсоният асрлар давомида яратган ер ости олами ҳақидаги афсоналар ғорларга тушиб, хилма-хил афсонавий шакл ва гулларни ўз кўзи билан кўрган одамга оддий ва содда эртакдек бўлиб қолади. Ҳеч бир инсонги, ҳаёлоти сеҳргар табиат абадий қоронғилик қаърида яратган ер ости мўъзижалари билан баҳслаша олмайди.

Ер юзидаги тинимсиз сув айланиши ер шарининг биологик тараққиётида муҳим роль ўйнайди. Сув том-чининг ер остидаги саёҳати ва тинимсиз меҳнати эса бу буюк давр, табиат китобининг бир варагидир, холос.

ИСҚАНДАР ЗУЛҚАРНАЙН ЗИЁРАТ ҚИЛГАН ФОР

Экспедиция асбоб-ускуналари билан лиқ тўлган қадрдон Газ—51 машинаси оғирлик билан Кўҳитангтот томон интилмоқда. Атрофимиизда июль қуёши аёвсиз қиздирган тоғ олди текислик зонаси, якка-якка учровчи шўра ўсимликлари. Ҳар замонда бу ерларда кўп учрайдиган гипс моддасининг эриб кетиши натижасида ўпирилиб ҳосил бўлган улкан карст воронкалари. Олдинда кўп вақтлардан буён сайёҳлар ва олимларни ўзининг бекиёс гўзаллиги ва улканлиги билан ўзига ром этиб келаётган машҳур Қарлуқ (Хошимўйик) гори. Бу гор ўттизинчى йиллар бошларида ёқ геолог П. П. Чуенко томонидан ўрганилган бўлишига қарамасдан, яқин вақтларгача унинг ҳажми, узунлиги, ҳатто номланиши ҳақидаги маълумотлар турлича эди. Фақат кейинги йилларда олиб борилган текширишлар натижасида ғорнинг ҳақиқий номи аниқланди. Ҳақиқатда ҳам Кўҳитангтотининг ғарбий ёнбағрида Қарлуқ қишлоғидан 12 км шарқдаги ғорнинг номи узоқ вақтларгача Қарлуқ деб аталарди. Кейинги текширишлар натижасида яна бир неча йирик ғорлар борлиги, уларнинг йирикларини Қопқўтон, Тошюрак деб номланишини, адабиётда Қарлуқ гори деб юритилган ғорни маҳаллий аҳоли Ҳошимўйик дейиши аниқланди ва ортиқча чалкашликлар бўлмаслиги учун уни шу ном билан атаяй бошланди.

Ҳошимўйик ғори тарихидан яна бир нарса эътиборга молик. Бу фор ўйлномаларда тилга олинган энг қадимий ғордир. У биринчи марта эрамиздан аввалги 329 йилда Искандар Зулқарнайн Ўрта Осиёга бостириб кирган вақтда унинг лашкари сафида бўлган юон

олимлари томонидан тилга олинган. Бу ҳақда юонон олими Диодор ўзининг «Кутубхона» номли асарида ёза-ди: «Александр (Искандар) — Гиркания тарафга йўл олди ва уч кунлик йўлдан кейин Гекатампил деб номланган шаҳар ёнидан лагерь қурди. Бу шаҳар бойлиги ва ҳар хил озиқ-овқатга мўллиги сабабли, у лашкарига бир неча кун дам берди. Шу ердан у 150 стадий олдинга юрди ва катта қоя олдида тўхтади, у қоя этагида ҳаттоқи худолар учун ҳам катта ва гўзал бўлган ғор бўлиб, ундан Стибоит дарёси оқиб чиқарди». Искандар Зулқарнайн лашкарлари босиб ўтган йўлни ўрганиш натижасида юқорида айтилган гаплар Ҳошимўйиқ ғори тўғрисида кетаётганигини аниқлаш мумкин. Искандар лашкарлари эрамиздан аввалги 329 йилда Ҳиндиқуш тоғидан оғир машаққатлар билан ошиб ўтгандан кейин Бақтрияга (ҳозирги Сурхондарё, Тожикистон, шимолий Афғонистоннинг бир қисмига) бостириб кирадилар. Унинг Бақтрияга бостириб киришини тўхтатиш мақса-диди маҳаллий аҳоли Ҳиндиқуш тоғининг шимолий қис-мини бутунлай ҳароб этиб ташлашади. Лекин шунга қарамасдан юонон лашкарлари маҳаллий қўшинни мағ-лубиятга учратиб, Дрансак (ҳозирги Қундуз) ва Бақ-трия пойтахти Бақтри (ҳозирги Балх) шаҳарларини эгаллашади. Бақтридан Искандар Зулқарнайн ўз қў-шинларини Амударёга йўналтиради ва ҳозирги Афғо-нистон, Ўзбекистон ССР ва Туркманистон ССР Давлат чегаралари туташган жойда Кўҳитангтоғнинг ғарбий ёнбағрига томон дарёни кечиб ўтади. Кўҳитангтоғнинг ғарбий тарафи билан шимолга юради ва бу ерда қоя ёнбағрида Ҳошимўйиқ ғорини кўради.

Ғор гипсда ривожланган бўлиб, геологлар Е. М. Сме-хов ва М. Г. Ромашоваларнинг маълумотига кўра, диа-метри 8 метр ва чуқурлиги 7 метрли ўпирилиш билан бошланади ва улкан залга туташади. Залнинг узунли-ги 70 м, эни 50 м, баландлиги 12 м. Эҳтимол, Диодор «ҳаттоқи худолар учун ҳам катта ва гўзал ғор» деганда

шу зални эътиборга олган бўлса керак. Залдан тўғри йўлак кетиб, баъзи жойларда кенгайиб, улкан залларга айланади ва унда сталактит ҳамдасталагмитларнинг гўзал шодалари осилиб туради. Олинган маълумотларга қараганда форнинг узунлиги 3 ҳаттоки 10 км га қадар деб ҳисобланарди. Лекин кейинчалик форни текширган Е. М. Смехов ва М. Г. Ромашовалар уни 1050 м деб ҳисоблашади. Уларнинг таъкидлашича, фор улкан зал билан тамом бўлиб, унинг шипп ўпирилиб тушган ва давомини босиб қолган. Эҳтимол, бу ўпирилиш яқинда бўлиб, илгариги кузатувчилар ўтган йўлларини босиб қолгандир.

Хозирги вақтда Ҳошимўйиқ гори сувсиз бўлиб, Диодорнинг «у ердан Стибоит дарёси оқиб чиқади» деган фикрига тўғри келмайди. Лекин Е. М. Смехов ва М. Г. Ромашовалар фикрича, тўғри ва кенг заллар мавжудлиги бир вақтлар фор ичида сув оққанлигидан да-лолат беради. Ер ости дарёсининг асосий ҳавзаси шимоли-шарқий йўналишдан оққан, ёрдамчи 6 та ирмоқлари эса жануби-ғарбий, шимоли-шарқий ва меридионал йўналишдан оқиб келган. Горнинг оғзи эса эҳтимол дарёга оқиб чиқаётган жой бўлган. Кейинги бўлган тектоник ўзгаришлар натижасида ер ости дарёси пастки горизонтларга кетган, ҳолбуки карст ҳодисаси ривожланган районлар учун бу нарса қонунийдир. Диодорнинг Ҳошимўйиқ горини ёзганига 23 аср ўтди. Бу даврда Кўҳитангтоғ тектоник кучлар таъсирида анча юқори кўтарилиди ва ер ости дарёси Стибоит ўзининг эски ўзани Ҳошимўйиқ горини ташлаб пастки горизонтларга сингиб кетган бўлиши мумкин. Шундай қилиб, барча факталар Диодор ёзиб кетган фор Ҳошимўйиқ горилигини кўрсатмоқда.

Ҳошимўйиқ горининг яна бир ажойиб хусусияти унинг кенг залларида хилма-хил шаклдор, улкан ва гўзал сталактит ва сталагмитлар мавжудлигидир. Бу ҳақда форшунос В. Танасийчук ўзининг «Гипсли форда»

деган мақоласида тұлық ёзиб кетади. Қүйида ушбу мақолани әътиборингизга ҳавола қиласыз.

ГИПСЛИ ФОРДА

Мени кимдир чақирғандек бўлди. Чўчиб уйғониб кетдим. Теварак атроф зим-зиё қоронғи. Ўчай-ўчай деб турган ақетилен фонарининг хира шуғласи аранг кўзга ташланади. Форга кирадиган томонда кучсиз кўқимтири ёруғлик кўринди. Тонг отганга ўхшайди, эҳтимол кун яримлаб, қуёш тиккага келгандир. Ичига қум кириб қолган соатим сафар халтамнинг бир бурчагида ётибди. Қеракли тошнинг оғирлиги йўқ деганлариdek, гарчи у менга ҳозирча керак бўлмаса-да, кун ҳисобидан адашиб қолмаслик учун ёнимда олиб юраман. Ўчиб қолган фонарни ёқдим. У форнинг баланд, тик деворларини, тартибсиз ҳолда уюлиб ётган қоя тошларини аранг ёритди. Мен катта ўпирilmанинг бир четига жойлашиб олдим. Бу жой форнинг бирдан-бир текислиги бўлса керак. Ўпирима юз метр чамаси пастликка чўзилган бўлиб, фордаги айланма йўл—йўлак ва заллар шу ердан бошланади.

Энди ишга ҳозирлик кўриш керак. Сафар халтамга иккита фотоаппарат, оддий ва рангли плёнка, компас, гугурт, батарея, бир қути карбит, қанд, пробирка, сув, нон ва бошқа керакли нарсаларни жойлаштириб, оғзини маҳкам боғладим-да, йўлга тушдим.

Бир вақт қарасам ялангликка ўхшаш бир жойга келиб қолибман. Нарироқда қандайдир йўлак қорайиб кўринди. Ўн беш метрлар чамаси юрганимдан кейин, ўзими сеҳрли ўрмонда кетаётгандек ҳис қилдим. «Ўрмон» катталигидан охири кўринмасди. Бошим узра кунгурадор сумалаклар осилиб турибди. Оёғим остида қиров ялтирайди. Атроф теваракда қор билан қопланган алла-қандайдир нарсалар қалашиб ётибди.

Қишиңиң ғаслинин эслатадиган бу оқ нарсалар қор ёки

муз бўлмай, гипс кристаллари эканини жуда яхши биламан. Форда ҳарорат қишида ҳам, ёзда ҳам бир хил, яъни 20 дараҷа бўлади.

Мен Туркманистоннинг жануби-шарқидаги Кўҳитангтогида жойлашган Қарлук (Ҳошимъийқ) фори тўғрисида кўп ўқиганман ва эшитганман. Бу фор тез эриб кетадиган оҳактош қатламлари заминида пайдо бўлган форларга қарагандা бошқачароқ. Бу форда сувга чидамли бўлган, қоялар устида юпқа гипсли қатлам вужудга келтирган дараҳт, гул ва қандил шакллари киши ақлини лол қолдирадиган даражада ажойиб.

Қизифи шундаки, фор ичидағи ҳозирги мавжуд гипслар бир замонлар юқорида, ернинг устки қисмида бўлган. Ер қобигида юз бериб турадиган тектоник ўзгаришлар натижасида ерда ёриқлар пайдо бўлиб, гипслар бу ёриқлардан сизиб, ер қаърига ўтган. Эриган гипсларнинг бир қисми ёриқларнинг деворларида кристалланиб қолган. Фор шу тариқа вужудга келган.

Кенг туннель ичидан ҳамон илгарилаб бормоқдаман. Оёғим остида ҳар хил шаклларни эслатувчи оппоқ қум фарчиллайди. Ҳар икки томонда тахмон, токча йўлаклар учрайди. Бош йўлак бўйида чириб, титилиб кетган ип ва арқон, нарироқда эса бир бойлам симга кўзим тушиб қолди. Бу нарсалар горнинг бу ерига мендан ҳам олдин одамлар келганидан далолат беради. Бора-бора ёлғиз оёқ йўллар кўздан ғойиб бўлиб, чорраҳага чиқиб қолдим. Энди қайси томонга юрсам экан деб ўлланиб қолдим. Сафар халтамдан компасни олиб, унинг филофига атайлаб тахлаб қўйилган фор режасини кўздан кечирдим. (Москвалик бир гуруҳ мутахассислар мендан анча илгари горни кўздан кечириб, унинг режасини тузишган эди. Мен шу режадан нусха кўчириб олган эдим). Ҳайҳот! Картада кўрсатилган йўллар шу қадар чалкашиб кетган эдики, йўлларнинг қаердан кириб, қаеридан чиқишингни ҳам билмайсан. Картада юзлаб рақамлар қўйилган. Мен 256 рақамли жойда турибман. Беҳосдан

қўлимдаги фонарь чайқалиб қетди: рўпарамда баҳай-
бат кенгуру турарди. Йўқ кўрганим кенгуру эмас, шун-
га ўхшаш қоятош экан. Фор ичида ҳайвонларни эсл-
тувчи тошлар жуда кўп эди. Улардан анчасини суратга
олдим. Туннель охири кўринмасди. Йўлкаларнинг у ер,
бу ерида вужудга келган ҳар турли шакллар қадим
бинолар гумбазига, панжарадор дарвоза ва сарв дараҳт-
ларига ўхшаб кетади. Бир вақтлар бу йўлакларда ҳеч
қанақа шакл бўлмаган. Йўлакларнинг бирида билур
арчани эслатадигансталагмитда эскириб кетган бир
парча қофоз осилиб турибди. Қофозга «Бугун 1931 йил-
нинг 21 сентябри, биз бу ерга олти киши бўлиб келган-
миз», — деб ёзилган экан. Бошқа бир жойдаги тошлар
орасидан эса бутун бошли дафтарча топиб олдим. Унга
ўнлаб кишиларнинг номлари битилганди. Дафтарча ол-
дига битта қалам ҳам қўйилган экан. Мен дафтарчада-
ги рўйхат остига ўз номимни қўшиб қўйдим.

Бир оз дам олганимдан кейин форнинг энг узоқ жо-
йига — табиат яратган тош гулларни қидириб топиш ва
суратга олиш учун йўлга тушдим. Шифти пасайиб бо-
раётган на оқ қуббалардан, на гипс қандиллардан асар
бўлган бу фор йўлига қадам қўйганлар оз бўлмаса ке-
рак. Бу ернинг ҳавоси ниҳоятда оғир эди. Нафас олиш
қийинлашди. Кийимларим баданимга ёпишади, тез-тез
тўхтаб дам оламан. Қўлимдаги чироқ тиниқ нур сочиб
ёнмоқда, демак ҳаво таркибида карбонат ангидрид гази
йўқ экан. Йўлни давом эттириш мумкин. Фор деворла-
рида худди илонга ўхшаш буралиб тушган, ўзи ажойиб
гулларга ўхшаш кристаллар тез-тез учрай бошлади. Қи-
дираётганим худди шу нарсалар эканлигини билиб тур-
сан-да, лекин нима учундир, улар унчалик чиройли эмас.
Шўнда девор остида қоронғи ва узун ёриқни (дарз) кў-
риб, унга бир амаллаб кириб олдим. Чироқнинг хира
ёруғида аллақандай нарсалар ялтираб кўзга ташланади.
Яхшилаб қарасам, булар турли хилдаги шакллар
ҳосил қилган гипс толалари экан. Тошдан бунёд бўлган

мингоёқлар менга қараб чангалларини солаётгандай, маржон шодалари эса қотиб қолганга ўхшайды. Қаршымда катта кристалл «ойна» да бошимни кўриб чўчиб кетдим. Фотоаппаратни ишга солмоқчи бўлиб, уни қўлимга олаётганимда шундай бир ажиб воқеа юз бердики, қўрққанимдан ўзимни йўқотаёздим. Девордаги қин-ғир-қийшиқ дарзларнинг биридан ярим метрлар чамаси узунликдаги илон менга даф қиласай деб турибди. Танаси кумушга ўхшаб ялтирайди, думининг учи барг чиқараётган куртакни эслатади. Кўрган нарсам илон эмас, балки илонга ўхашаш шаклга эга бўлган гипслигини се-заётган бўлсан ҳам, тўсатдан кўзга ташлангани учун қўрқиб кетдим. Жой торлигидан «илонни» анча қийинчилик билан суратга олдим.

Сафарим қариди. Мўлжалимдаги ишларнинг ҳаммасини қилиб бўлдим. Фордаги ажойиботларга сўнгги бор нигоҳ ташлаб, сафар халтамни елкамга олдим. Мана, ниҳоят, фор оғзига ҳам етиб келдим. Осмонда чаракланган юлдузларни кўриб, чуқур нафас олдим.

ДАРЕЛИ ҒОР

Жануби-ғарбий Ҳисор тоғлари бўйлаб саёҳат қилсангиз кўм-кўк дарахтлар орасидан шарқираб оқувчи булоқлари билан машҳур Лангар, ҳозирги вақтда ҳам тош тузи ковлаб олинаётган Кон қишлоқларидан ўтиб, Кўкбулоқ қишлоғига борасиз. Бу ернинг манзараси жуда чиройли бўлиб, йўлнинг икки томонидан хилмаяхил ранглардан иборат тоғликлар ястаниб ётади. Тоғлар юзасида қорсимон гипсли жойлар мавжуд. Кўкимтир гилли қатламлар билан сарғиш оҳактошлар тўқ сариқ қумлар билан алмашиб туради. Тўқ қизил гиллар орасига яшил рангли гиллар аралашиб кетган. Бу ерда асосан 2 та кичик ҳажмдаги ғор бор бўлиб, биринчиси Сувчиқар деб аталади ва атиги 40 метр узунликда. Унинг ичидан кичик дарёча оқиб чиқиб, бир неча метрдан

кейин яна ер қаърига сингиб кетади. Иккинчиси Янгиғор деб аталиб, воронкасимон чуқурлик тагида жойлашган. У 120 метр масофага чўзилиб, кичикроқ дарёча шалдираб оқиб ётади. Бу иккалағор ҳам бир даврнинг гипсларида ривожланган.

Кўйбулоқ қишлоғидан бир ярим километр шимолроқда Сувчиқарсой бошланиш жойида катта воронкасимон ўпирилмага дуч келасиз. Бу ўпирилма тагидан жануби-шарқий ва шимол томонга каттағор йўлаклари кириб кетган. Унга кириш қисмининг баландлиги учметр, кенглиги етти метр бўлиб, илонизи шаклига эга. Полда хилма-хил шаклдаги яхши юмалоқланган тош парчалари бир вақтлар бу ердан сув оққанлигидан далолат беради. Ичкарига кирган сари йирик тош доначалари камайиб, унинг ўрнига қум, лой қўп учрай бошлади. Ичкарида қаерданadir сувнинг бўғиқ шовуллаши эшитилади. Бир неча метр юрсангиз атрофни бутунлай зулмат қоплайди ва қоронфиликдаги бу шовуллаш қандайдир сеҳрли эшитилади. Гор ичига 80 метрча юргач, унинг уничи кенгайиб, залга кирасиз ва номаълум ер ости дарёси қирғоғига чиқасиз. Бу ердағор шипининг баландлиги 8 метрга етади, икки метрча чуқурликда тик қирғоқ тагида ер ости дарёси қоронғулик қўйнида шарқираб оқиб ётади. Дарёғорнинг чап тарафидаги кичикроқ тешикдан чиқиб, ўнг тарафига кириб ғойиб бўлади. Олдинда эса тик қирғоқ орқасидағорнинг давоми кўриниб туради.

Дарё қирғоғидан 36 метрлар чамаси чўзилиб кетган йўлак бўлиб, у кичик бир залча билан тугайди.

Агар яхшилаб эътибор қилсангиз полдан бир метрча баландликдаги туйнукка кўзингиз тушади. Ундан эмаклаб ўтилса, деворлари гипсдан ташкил топган думалоқ шаклдаги залга тушилади. Залдан ўтиб, йўлак бўйлаб 20 метрча олдинга юрсангиз 2 метрча пастликда оқаётган дарё устидан чиқасиз. Ер ости дарёсиғорнинг узун тор йўлаклари билан оқади. Баъзи бир жойларда

йўлак қенгайиб, баландлиги 10—12 метрча келадиган, кенглиги 15—20 метр атрофидаги залларга айланади. Сукунатни сувнинг секин чакиллаб томиши-ю кўршапалакларнинг чийиллаши бузади, холос.

Каптархона форининг умумий узунлиги 980 метр бўлиб, у Ўзбекистондаги энг узун ғорлардан биринчисидир.

АМИР ТЕМУР ҒОРИ

Самарқанд оша Тахтақорача довонидан ошиб ўтиб, Тарагайсой бўйлаб, Қоратепа тоғларининг жанубий таромогидаги тоғ йўллари бўйлаб борсангиз Тарагайсой қўйи қисмида автомобиль йўли тугайди. Бу ердан тоққа чиқувчи тик сўқмоқ йўл бор, холос. Тик сўқмоқ билан тоғ томон юрсангиз эчки юрувчи сўқмоқ илон изи бўлиб, гоҳи тик қоялар ичida фойиб бўлади, гоҳида яна пайдо бўлиб, кўм-кўк тоғ ўтзорлари ичida давом этади. Деярли икки соатча сўқмоқ бўйлаб олдинга юрилгач, йўл тик қоялар ичida тугайди. Бу ердан одам ўтиши мумкинлигини фақатгина диққат қилиб қараганда, қоя ёнбағридаги оқ доғ бўлиб кўринган, одам ўтиши натижасида силлиқланган жойгина кўрсатиб туради. У ердан ўтилгандан кейингина тик ёнбағир ёнида ғор оғзи кўринади. Ғорнинг бошланиши тўғри чизиқ шаклида меридионал йўналишда 25 метр давом этиб, унинг кенглиги 1,5—2 м, баландлиги эса 2 метрча. Бу ўзига хос йўлакдан ўтилгандан кейин яна ёруғликка чиқилади ва бирмунча юрилиб, ғорга кирувчи асосий йўлакка дуч келинади. Ғорнинг кириш қисми тор ёриқ шаклда бўлиб, 45° гача қиялик билан 0,5 метр кенгликда ва 1,5 метр баландликда. 10,5 метрча шу ҳолда давом этгандан кейин юқоридан катта харсанг тош осилиб тушган ва йўлакнинг баландлиги 1 метргача пасайган. Йўлакнинг бундай пасайиши бир неча ўн сантиметрга давом этади, бу масофа ўтилгандан кейин йўлак 1,5—2 метргача баландлашади. Йўлак 21 метр горизонтал йўналади, кейин

йўлакнинг қиялиги кескин ошади ва 3 метр масофада деярли 2,5 метрча чуқурлашади. Қиялик тугагач йўлакнинг кенглиги ва баландлиги ошади, шипи 3 метрга, кенглиги 2 метрга етади. Ғор шу шаклда 20 метргача давом этади ва охирида қиялиги 40° гача етади. Бу қиялик тугагач, унинг кенглиги ошади; ва зал шаклига киради. Бу зални биринчи текширган сайдёҳ Л. А. Канаев «Катта зал» деб атаган ва унинг майдони 20 кв метр, шипининг баландлиги эса 15 метргача етади.

Бу катта залдан ғор гарбга қараб кескин бурилиб, 18 метргача чўзилади ва баландлиги то 12 метргача етган «Кичик зал»га айланади. Бу кичик зал ҳам астасекин кенгайиб бориб 6 м кенгликка, 15 метргача баландликка ва 25 метр узунликка чўзилади. Форнинг асосий қисми шу жойда тугайди деса бўлади. Қолган қисми секин торайиб, баландлиги 70 см, кенглиги 50 см бўлиб, 10 метрга давом этади ва бундай тармоқлар бир нечта бўлиб, ҳар тарафга йўналади. Бизнинг текширишларимиз шуни кўрсатадики, форнинг ҳамма залларида инсон яшаганини кўрсатувчи биронта белгি топилмади. Амир Темур горининг умумий узунлиги атиги 450 метр. Форнинг фақат мутахассисларнигина қизиқтирувчи бир хусусияти бўлиб, юзаки қараганда у гранитларга жойлашганлиги билан ажралиб туради. Отқинди бу жинслар эса эримайдиган тоғ жинслари группасига кириб, бундай жойларда форлар қавожуд бўлмаслиги керак. Лекин диққат қилиб қарабса, ғор йўлакларида карстланувчи оҳактош қолдиқларини учратиш мумкин. Демак, гранит жинсларининг ичидаги эрувчан оҳактош қатлами жойлашган ва карстланувчи қатлам давр ўтиши билан эриб, Амир Темур фори пайдо бўлган.

АЖИНАҚАМАР ҒОРИ

Сурхондарё вилоятида Кўҳитангтоғ шарқий ёнбағрида жойлашган бир ғор тўғрисида афсона бор. Афсонага

кўра, гўё тор ичи ажиналар макони бўліб, улар тор ичида ўйин қилишар, шунинг учун ўйиндан олдин ўзларига аро бериш учун ғорнинг ҳар жойига кўзгулар илиб ташлаган экан. Тор ичи дид билан хилма-хил бе-заклар билан ясалган эмиш.

Кўҳитангтоф этагида жойлашган Ҳотак қишлоғи гўзал жойда жойлашган бўлиб, бир тарафида тоғ чўққилиари виқор билан савлат тўкиб туради, иккинчи ёнида эса кўм-кўк дараҳтлар билан қопланган соё чўзилиб кетган. Тоғ қишлоғи ёнидаги катта тепадан ошиб ўтишингиз билан гўзалликда тенги йўқ дарага тушиб қоласиз. Боғлидара деб аталган бу жой текис бўлиб, унда хилма-хил ёнғоқ, гилос каби мевали дараҳтлар ўсиб ётибди, икки ёнидаги тик ёнбағирларда эса тоғ лолалари қийғос очилган. Бирмунча юрилғандан кейин дара иккига бўлинади ва ўртада Етимтоф деб аталган чўққи турибди. Чапга қараб кетган дара ичи билан юрилганда Етимтоф шарқий ёнбағирдаги 6 метрча баландликда тор оғзи қорайиб кўринади. Торгина бу жойдан ўтилганда улкан ғорнинг гумбаз шаклидаги биринчи зали намоён бўлади. Залнинг деворларида шокила-шокила шаклидаги гўзал сталактит ва сталагмитлар осилиб турибди. Зал ўртасида вазни 30 тонна атрофида бўлган супа шаклидаги улкан харсанг бор. Залнинг чап қисмида қўйига кетувчи ғорнинг давоми кўриниб, йўлак зинапояга ўхшаб кетувчи қатламлардан ташкил топган. Ғорнинг қўйи қисми бир мунча кенгайиб деворларида узум доналарини эслатувчи хилма-хил сталактитлар осилиб турибди. У ерда баландлиги 2—2,5 метр, эни ҳам шунча бўлган гумбазсимон харсанг эътиборингизни тортади. Харсангнинг баъзи бир жойлари фонарь ёруғида кўзгудек ялтирайди. Малла рангли, ялтировчи ва қисман шаффоф бу тош соғ ҳақиқ тошдир. Бир вақтлар шоҳ ва амирлар қабри устига қўйилган, Амир Темур мақбараси каби жаҳон меъморчилик обидасининг деворларини безатган ярим қимматбаҳо тош кони Ажинака-

мар ғорида эканлигининг гувоҳи бўласиз. Демак, қадимда маҳаллий аҳоли ҳақиқнинг ғор деворларида ялтирашини кўриб, уни ажиналар кўзгуси, ғор шипидаги табиий сталактитларни безаклар деб ўйлашган ва шу сабабли ғорни ажиналар макони деб, ундан қўрқиб юришган.

БОЙҚОБИЛ ҒОРИ

Сангисурх тоғининг ёнида хушманзара, арчазор билан қопланган сой бор. Сой тагидан ариқ шилдираб оқади. Икки тарафида тик қирғоқлар ғоз туради. Бораборганингизча тез-тез булоқлар учраб туради. Улар гоҳ ўнгдан, гоҳ чапдан қоя тагидан шарқираб отилиб чиқиб, сой сувига қўшилиб кетади. Бу Эгамчўлоқ сойидир. Сой бўйлаб олдинга юрсангиз энг юқори қисмida З та ғор учрайди ва улар биринчи топиб ичига кирган одам исми билан Бойқобил деб аталади. Улардан иккитаси 18 ва 21 метр узунликда бўлиб унча узоққа бормайди. Лекин шарқий қисмидаги ғор ўзининг улкан заллари, ноёб тош гуллари, ер ости дарёси билан киши ақлини лол этади. Ғор гипсда ривожланган бўлиб, 1935. метр абсолют баландликка жойлашган. Сой тагидан қояга тирмашиб чиқсангиз анча юқорида 2 метр баландликдаги тирқишга кўзингиз тушади. У ичкари борган сайин торайиб боради ва баъзи бир жойларидан эмаклаб ўтишга тўғри келади. 7 метрлар чамаси юрганингиздан кейин у бирданига кенгайиб, баландлиги 10 метр, узунлиги 16 метрга етадиган залга айланади. Зал ичидаги сукунатни фақат кўршапалакларнинг чийиллашигина бузиб туради. У ердан бир оз юргач, 2 метр баландликда одам зўрға эмаклаб кирса бўладиган тирқишга кўзингиз тушади. Тирқишдан эмаклаб ўтишингиз билан акс садо қаердадир йўқолиб кетадиган киши ақлини лол қолдирувчи улкан залга чиқасиз. Қўлингиздаги кучли фонарь нури шипда қаерлардадир йўқолиб кетади.

Абадий сукунатни ер остидан келаётгандай шалдираб турган сув товуши бузади. 22 метрча юрилгач муздек сувли ер ости дарёси учрайди. У абадий қоронфилик ичидә қаергадир шошилиб оқади. Дарё қирғоғида диаметри 6 метргача етадиган улкан гипс бўлаклари бор. Дарё ўзани бўйлаб ғор ичига юрсангиз ҳар қадамда улкан харсанглар учраб, юришингизга ҳалақит беради. Юқоридан ғор шипидан чакиллаб совуқ сув томчилари томиб турибди. Дарё чап қирғоғидаги ғор полининг ва деворининг бир қисмини майдада гулларга ўхшаб кетувчи сталагмитлар қоплаган. Мингларча, майдада гулсимон сталагмитлар бир-бирига қўшилиб кетган ва бир неча квадрат метр майдонда наққош табиат йўнган, такрорланмас гўзал безаклар ҳосил бўлган. Бу жонсиз гулзордан ўтганингиздан кейин 90 метрча дарё бўйлаб юрилса, сув отилиб чиқаётган тирқишига дуч келинади. Сув сатҳи билан тирқиши шипи орасида 20 сантиметрча ма-софа бўлиб, у ердан фонаръ ёруғида горнинг давом этган узун йўлаги, кўринади, лекин сув сатҳи баланд бўлгани учун ўтиш қийин. Эҳтимол ёзнинг иссиқ пайтида сув сатҳи пасайиб, бу ердан ўтиш имконияти туғифлар. Бойқобил ғори ўзининг чексиз йўлакларини ўрганувчи жасур сайёҳларни кутмоқда.

СУРАТЛИ ҒОР

Минг йиллик азамат чинори-ю, тиниқ булоқлари билан машҳур бўлган гўзал Сайраб посёлкасидан ўтиб, катта Ўзбек тракти билан 40 километрдан ошиқ йўл босгач, Гулдахна ва Нондахна деб аталган дарааларни кесиб ўтилади. Олдимизда ўзининг тарихий суратлари билан машҳур бўлган Зараўтсой пайдо бўлади.

1939 йилда Кўҳитангтоғда кезиб юрган овчи ва табиатшунос И. Ф. Ломаев маҳаллий аҳолидан Зараўтсойдаги ғорларда қизил бўёқда ишланган ғалати расмлар борлигини эшитади ва қизиқиб бориб кўради. Расмлар гўзаллигига маҳлиё бўлган сайёҳ иккинчи марта шу-

йилиёқ Зараўтсойга тарихчи Г. В. Парфеновни олиб келади. Парфенов Зараўтсой камаридағи суратларни мұкаммал ўрганди. Унинг ҳисобича, бу ердаги суратлар палеолит давриники, кейинчалик бошқа тарихчи А. П. Формазов бу ерда 200 та суратларни санайды ва уларнинг бирмунча мураккаб ишланганини кўриб, улар инсониятнинг палеолитдан бирмунча ёшроқ даври — мезолитда солинган деб ҳисоблайди.

Зараўтсойга кирсангиз икки тарафда оқактошлардан ташкил топған баланд қоялар қад кўтарган. Сўқмоқ-нинг ўнг тарафидаги сойдан 15 метрча баландликда, тик ёнбағирга жойлашган икки токчасимон ғорга кўзингиз тушади. Суратлари машҳур Зараптамар ғори шу. Тик ёнбағирдан кўтарилсангиз ғорларга чиқасиз. Улардан каттасининг эни 4,8 м, баландлиги 3,5 м ва чуқурулиги 3,2 метрга teng. Ғор ичкарисидаги тик тўғри девор ва шипда қандайdir қизғиш доғлар, тўғри чизиқлар кўзга ташланади, лекин уларнинг нималигини ажратиб олиш анча қийин. Агар уларга сув пуркасангиз, худди жодуллангандек, моҳирона чизилган суратлар намоён бўла бошлайди. Чакқон чопиб бораётган ҳўқизлар сурати шунчалик усталик билан чизилганки, керилган бақувват кўкраклари олға ташланган, оёқлари бу чопишнинг қанчалик тезлигини кўз олдингизга келтиради. Овчиларнинг елкаларида ҳайвон терисидан ёпингичлар. Қўлларида ёй ва яна қандайdir қуроллар бор. Улар калтакка ҳам, австралия бумеренгига ҳам, шақилдоққа ҳам ўхшаб кетади. Итлар, ҳашаротлар кўринишига ўхшаб кетувчи суратлар ҳам бор. Эҳтимол, ов вақти сурати чизилгандир. Бундан ташқари қандайdir тушуниб бўлмас тўғри чизиқлар, геометрик шакл бор. Иккинчи ғорда ҳам шунга ўхшаш суратлар кўп.

Яна шу сўқмоқ билан пастга тушсангиз, бир оз юргандан кейин чап тарафдаги кичик ғорга кўзингиз тушади. Лекин бу ғор тўғрисида шу вақтгача адабиётларда эслатилмаган. Ғор ичида қизил охра билан солинган

шакллар ва кўпроқ ёзувлар мавжуд бўлиб, қўйироқда тўқ ранг билан араб алифбосида қатор жумлалар кетган. Юқоридаги оч қизил рангдаги ҳарфлар эса қадимий ҳинд ҳарфлари бўлиб, худди шундай ҳарфларни форшунос Л. Дядюченко Фарғона водийсидаги Чилустун горида топган, кейинчалик у ёзувлар СССР Фанлар Академиясининг Ленинграддаги Осиё ҳалқлар институтида ўқиб чиқилиб, санскрит тили — девонагари шакли деб топилганди. Лекин у Фарғона водийси, -бу ер эса Сурхон водийси — Зараўтсой. Бу ёзувларни ким ёзган. Ҳинд сайёҳими ёки фоний дунёдан воз кечиб, бу ерларга келиб қолган дарвешми? Дарвоқе Ҳиндистонда юзлаб форда жойлашган ибодатхоналар мавжуд бўлиб, у ерда минглаб дарвешлар ўз умрларини тоат-ибодат билан ўтказганлар. Эҳтимол, улардан бири ёки бир гурухи бир неча асрлар илгари тоғлар ошиб, бу хушманзара жойларга етиб келишгану, ўз умрларини шу жойларда ўтказгандир. Ҳар ҳолда Зараўтсой асрлар давомида инсоният авлодлари яшаб, ўзидан сўнг ўчмас из қолдирган тарихнинг буюк қўриқхонасиdir.

ИБТИДОИЙ ОДАМ МАҚОНИДА

Катта Узбек тракти бўйлаб юриб борар экансиз Шўроб посёлкасига етишингизга бир неча километр қолганда чап томонингизда Мачай деб ёзиб қўйилган йўл кўрсатгич бор. Ҳа, бу йўл кўрсатгич номи оламга машҳур ибтидоий одам макони олдидаги қишлоқقا йўл кўрсатиб туради. Мачай қишлоғига кираверишда ингичка тор сойга кўзингиз тушади. Бу бир вақтлар ибтидоий одам яшаб, ов қилган жой Заўталашсойдир. Ҳозир ҳам сой тагида тез-тез ёввойи чўчқа, тоғ какликлари, эчки изларини учратса бўлади. Заўталашсойда жуда кўплаб форлар бор бўлиб, энг машҳури Тешиктош горидир. Бу форда академик А. П. Окладников 1939 йилда турли хилдаги ибтидоий одам қурол-яроғлари ва 9 яшар бола

калла суюғини топган. Бу гор кенг бўлиб, баландлиги 7 м, узунлиги 21 метргача етиб боради. Форда археологлар қазув ишлари олиб боришганда ибтидоий одам ишлов бергаң тош бўлаклари топилган ва бу тош қуроллар нуклес деб номланган. Қуроллар билан бир қаторда йўлбарс, суғур суюклари, сибир эчкисининг шоҳи топилган. Аллақачон Ўрта Осиё территориясидан йўқолиб кетган ёвойи от қолдиқлари эса бир вақтлардаги бу ер фаунасининг бирмунча бойлигидан далолат беради. Суяқ қатламларининг қуи қисмида калла суюғи, айниқса, яхши сақланган одам скелети топилди ва унинг асосида 200 минг йиллар илгари тарихчилар тарафидан мустъер деб аталган даврдаги неандерталь одам ташки қиёфаси қайта ишланди. Неандерталь одам типи кейинчалик ҳозирги замон одамига айланганди. Бу топилмани ер шарининг бошқа қисмларида топилган неандерталь одам қолдиқлари билан таққослаш шуни кўрсатадики, узоқ даврларда яшаган бу турдаги одамлар жуда кенг тарқалган ва бир-биридан деярли фарқ қилмаган.

АВЛИЕ ФОРИ

Дарбанддан кейинги узоқ давом этадиган кўтарилишдан сўнг йўл тепаликка чиқади. Чап тарафда чўзилиб кетган тик ёнбағирли Кетмончопти тизмаси, рўпрада эса Бойсун ҳавзасига тик тушувчи йўл бўлиб, ундан бутун ҳавза кафтдагидек аниқ кўриниб туради. Анча узоқроқда кўм-кўк орол шаклида Бойсун посёлкаси кўринади. Уни қизғиш рангли тепаликлар ҳалқадек ўраб олган бўлиб, уларнинг ёнбағирларини мевали боғлар, кенг пахтазорлар эгаллаган. Пастга қараб юрсангиз ўнг тарафда чуқур жар ва ўнг ёнбағирда нураш натижасида қумтошлардан ҳосил бўлган хилма-хил шаклдаги тепачалар учрайди. Уларнинг бири кичик қасрга, бири шоҳсупага, бири тик қояга ўхшаб кетади.

Бу жойлар төг олди тепаликлари бўліб, йигирма километрлар юрганингиздан кейин бир баланд тепаликка чиқасиз. Олдингизда Шеробод-Сариқамши тизмасига кирувчи баланд тепаликлардан бири учрайди. Унинг ўртасини номаълум сой суви кесиб ўтган ва натижада бу жой девордаги улкан кемтиктай очилиб қолган. Бу кемтикнинг чап тарафида сой сувидан бир неча метр юқорида кичик бир уйча кўриниб, ундан юқорироқда олдига оқ латталардан олабайроқ тақилган фор оғзи қорайиб кўринади. Уйчада сон-саноқсиз обдасталар, бир неча қозон, лаган ва қошиқлар тартиб билан териб қўйилган. Айтишларича, бу ерга келган зиёратчилар ўзлари билан олиб келишган молни Авлиё ота номи билан аталган Тангимуш отага сўйиб, назр қилишгач, уни шу ерда пиширишаркан.

Фор оғзи сой юзидан 20 метрча баландликда жойлашган бўлиб, олдида төг осилиб туради. Кириш қисми учбурчак шаклида бўлиб, баландлиги ва кенглиги 1,4 метр. У шу ҳолда 2 метрча давом этиб, баландлиги 80 сантиметргача, эни 70 сантиметргача пасаяди. Шундан кейин фор баландлиги 8 метргача етадиган улкан залга айланади ва 70 метргача давом этади. Форнинг поли қуруқ лой билан қопланган бўлиб, ҳар хил жойларда яхлит оҳактош қатламлари чиқиб туради. Шиндан ҳам оғир оҳактош бўлаклари осилиб туради. Залнинг охирида фор торайиб, кичик бир туйнукка айланади ва ундан эмаклаб ўтишгина мумкин бўлади. Бу туйнукдан ўтсангиз фор кенгайиб, доира шаклидаги икки залга чиқасиз. Бу залнинг диаметри 10 метрлар атарифидадир. Ундан кейин бир неча метрга чўзилувчи туйнук келади. Туйнукдан ўтилгач узунлиги 20 метр, эни 9 м ва баландлиги 2 м бўлган учинчи залга ўтилади ва шу ерда тамом бўлади. Бу зал деворларида ойнага ўхшаб ялтировчи гипс қатламлари мавжуддир. Форнинг умумий узунлиги эса 107 метр атрофида. Форда одам яшаганини билдирувчи изларни топишга бўлган барча

уринишлар беҳуда кетған. Тангимуш ота горининг ички қисмларида доимий ҳарорат, намлик, микроиқлимдаги айрим хусусиятлар баъзи касалликларга ижобий таъсир этиши оқибатида беморлар тузалади, шунинг учун фор «Авлиё фор» номини олган бўлиши мумкин. Фордан келгусида больнеология санаторийси сифатида фойдаланиш мумкин.

ХЎЖА ГУРГУР ОТА ФОРИ

Дугоба қишлоғидан ўтиб катта баландлик устига чиққанингизда узоқ Бойсунтоғи гуруҳига кирувчи Хўжа Гургур ота тизмасига кўзингиз тушади. Тик ёнбағри жануби-шарққа қараган бу тоғда афсонавий Хўжа Гургур ота фори жойлашган. Фор муқаддас ҳисобланиб, у ерга борган ҳар бир зиёратчи тошлардан қабрсимон тепачалар ясади. Форга чиқиш анча машаққатли бўлиб, тоғ йўлларидан 25 километргача юришга тўғри келади. Фор оғзи 3325 м абсолют баландликда жойлашган бўлиб, учбурчак шаклга эга, баландлиги 1,5 м, кенглиги 4 м га етади. Фор ичи кириш қисмидан кескин кенгайиб кетиб, баъзи жойларда баландлиги 8 метрдан ошиб кетади. Фор шипида ва дёворларида майдада стаљкитлар мавжуд бўлиб, уларнинг узунлиги 2—3 сантиметрдан ошмайди. 107 метр ичкари кирсангиз суви-нинг ҳарорати 1,5 даражага пасайган кўл учрайди. Фор ичидағи ҳаво ҳарорати эса 9 даражагача пасайган. Шуниси қизиқки, энг сўнгги маълумотлардан бири Ю. Холмўминовга тегишли бўлиб, кўл ўрнида булоқ қайнаб чиқиб, фор ичкарисига йўл очиқ бўлган экан. Фор яна 600 метрча давом этиб, бир неча тармоқларга бўлингач, тамом бўларкан. Хўжа Гургур ота горини комплекс ўрганиш ўз кузатувчиларини кутмоқда ва келгусида фордан саёҳат объекти сифатида фойдаланиш мумкин.

БУРИ УЯСИДА

Сурхонтоғ шарқий ёнбағри билан келиб, Қозонгузар сойидан 40 метрларча баландликка кўтаришсангиз кенглиги 2,5 м, баландлиги 1 м келадиган фор бор. Фор йўлаги шимолдан жанубга чўзилиб кетган. Ичкарига кирилган сари у анча тиклашиб боради. Ерда ётган ҳайвоннинг сарғайиб кетган тиши, қўй қовурғаси, йирик қорамол тиши, от туёғи қолдиқлари эътиборингизни тортади. Йўлак 91 метрга етганда одам сифиб бўлмайдиган тор тирқишга айланади. Ён тарафларда ҳам бир неча шундай тор тирқиш мавжуд.

У ердан озгина орқага қайтсангиз шарқ тарафга кетган 30 см кенгликдаги ёриқ бор. Ундан ўтилгандаги фор шимолдан жанубга биринчи фор йўлагига ёндош ҳолда чўзилиб ётади. Бу форнинг номи Дўлтабўрихона деб аталиб, унинг ичи бўрилар уяси деб таърифланади.

ШИФОБАХШ ФОР

Кейинги вақтларда форларнинг янги бир хусусияти—шифобахшлиги ер юзидағи кўпгина мамлакат олимларининг дийққатини жалб этмоқда. Ҳақиқатдан ҳам баъзи форлардаги бир хил мўътадил ҳарорат, намлик, фойдали мoddаларнинг мавжудлиги касалларга ижобий таъсир кўрсатади. Форлардан шифобахш маскан сифатида одамлар азалдан фойдаланиб келади. Масалан, Сицилия оролидаги Кронио тоғининг этагида жойлашган форда С. Колоджаро буғли ҳаммоми жойлашган бўлиб, форнинг табиий мўътадил буғли атмосфераси 41 даражада атрофидадир. Бу форда ревматизм, нафас олиш йўллари касалликлари даволанади. Аниқланишича, фор деворларидан томаётган иссиқ сувдан бундан икки минг йиллар олдин ҳам фойдаланилган. Олмониядаги Клутерт форида кўқсов муваффақиятли даволанмоқда. Венгриядаги

Товас гори эътиборга молик. Унда сувнинг ҳарорати 28—30 даражада иссиқ бўлган кўл бор. Кўл сувида темир, оғир металлар, олтингугурт ва ҳаво таркибида радий эманацияси бўлиб, у нафас олиш йўлларига ва юрак касалликларига ижобий таъсир кўрсатади. Болгариядаги Рябишко ғорида санатория қурилган. Болгар олимларининг фикрича, ғорнинг мўътадил иқлими нафас қисишиш касаллигини даволайди.

Жануби-ғарбий Ҳисор территорииясида ҳам шифобахш ғорлар бор. Улар ҳақида қадимдан сон-саноқсиз афсоналар бўлиб, шундай шифобахш ғорлардан бири Хўжаипок ғоридир. У Сурхондарё вилояти, Шўрчи ноҳиясидаги Холханжар дарёси ўрта оқимида, дengiz сатҳидан 1110 метр баландликда жойлашган. Фор жуда кўркам жойдан ўрин олиб, унинг атрофини Ҳисор тоғининг қорли чўққилари ва ям-яшил арчазор ўраб туради. Дарадан оқиб чиқаётган дарё кичик шаршаралар ҳосил қилиб, тошдан-тошга урилиб оқади.

Фор бир томонга қия тушган қоядаги оҳак тошларининг узоқ даврлар мобайнида эришидан ҳосил бўлган. Кириш қисмининг баландлиги 3,5 м, кенглиги етти метр. Узунлиги 240 метр атрофидадир. Бу ер ости «қасри» З қисмдан иборат. Биринчиси 63 метр бўлиб, энг катта қисм ҳисобланади. Иккинчи ва учинчи қисмларига ўтиш анча қийин, лекин тор йўлкалардан эмаклаб ўтиш мумкин. Ғорнинг манзараси жуда гўзал бўлиб, шидан узунлиги бир метргача етадиган сталактитлар осилиб ётади. Улардан шўр сув томчилари чакиллаб томиб туради. Ғорнинг таги жуда нам ва лой, айрим ерларида кўлмаклар учрайди.

Ғорнинг кириш қисмидан 30 м ичкарида оҳактошли ер остидан ранги оппоқ, кучли олтингугурт ҳидига эга бўлган сув отилиб чиқади. Фор оғзига яқинлашгач, булоқ оқими яна тошлар ичига кириб кетиб, 10—15 метрдан кейин ер юзига чиқади ва сой сувига қўшилади. Сув ва фор ҳавосининг ҳарорати 14 даражада атрофидадир.

Ана шұ водород сульфидли сув ғорнинг шифобахш ва афсонавийлигига сабаб бўлган.

Водород сульфидли сув тери касалликлари ва бошқа бир қанча касалликларни даволашда кенг қўлланилади. Чунончи, бундай сувлар бор жойларда санаторийлар мавжуд бўлиб, булар Мацести, Пятигорск, Ессентуки ва ҳоказолардир. Хўжаипок ғоридан чиқаётган сув ўз таркиби билан юқорида айтилган машҳур шифохоналар сувига ўхшаб кетади. Шунинг учун ҳам маҳаллий аҳоли ғордан чиқаётган сувнинг шифобахшлигини илгаридан билган ва даволаниш мақсадида узоқ вақтлардан буён фойдаланиб келган. Бироқ ҳозирга қадар табиатнинг қимматли инъоми бўлмиш Хўжаипок ғорининг бойликларидан етарлича фойдаланилмаётир. Фор сувининг физикавий ва кимёвий хоссалари ҳар томонлама ўрганилган эмас. Унинг сув таркиби ҳақида маълумотлар кам. Ғорнинг иқлими, ҳаво ҳарорати, намлиги чуқур таҳлилга муҳтоҷ. Хўжаипок ғорининг табиий-географик шароити комплекс таҳлил қилинса, унинг бойлигидан ҳалқ хўжалигида ҳар томонлама фойдаланишнинг аниқ режаларини тузиш имконияти туғилади. Шунда табиат яратган ер ости оромгоҳини инсон учун хизмат қилдириш мумкин бўлади.

ГОРЛАРДАГИ МУМИЁ

Мумиё! Сарғимтири, қўнғир тусли, ўзига хос ҳидли мўъжизали дори. У кўпинча чиқиши қийин бўлган ба-ланда ғорларда учраб, ўзига хос сумалак ёки тош қаватлари орасида юпқа қатлам шаклида учрайди. Асрлар давомида инсонлар бу «дорилар дориси»нинг мўъжизакор кучига ишониб келишган ва ишонадилар. Асрлардан асрларга ўтиб келаётган овчилар афсоналарида унинг мўъжизакор кучи, яъни майиб ва ярадор бўлган ёввойи ҳайвонларнинг ғорларга кириб, бу дорини ялаб ётиши ва тезда тузалиб кетиши ҳикоя қилинади.

Шифокор А. Ш. Шокиров ва геолог Н. П. Петровнинг таъкидлашларича қадимий Ўрта Осиё, Яқин ва Ўрта Шарқ, Ҳиндистон тиббиётида ҳар хил касалликларни, айниқса, синган суюкларни тузатишда мумиё кўп қўлланилган. Бу ҳақда мутафаккирлар Абу Али ибн Сино, Беруний ҳам ёзиг қолдиришган. Беруний X аср охири ва XI аср бошларида ёк, халқ табиблари тажрибасига суюнган ҳолда, мумиё ёввойи асал ва ўсимликлар ширасидан ташкил топганини ва улар кўпгина тоғлардаги горларда учрайди деб ёзганди. Берунийнинг кўрсатишича, Ҳиндистонда мумиёга ўхшаш шифобахшлик хусусиятига эга бўлган шаладжа деган модда мавжуд бўлган ва унинг номининг келиб чиқиши-«шаладжа» деб аталувчи, Ҳинд океанида яшаган балиқ номидан чиққан. Бу балиқ ёфи қуёш нури таъсирида эриб, қип-қизил асал тусиға кирган ва синган суюкларни даволашда кўп қўлланилган. У яна ўз фикрини давом эттириб, ўша даврда «шаладжа» дейишганда фақатгина офтобда эриган балиқ ёғинигина эмас, балки органик келиб чиқишига эга бўлган ва кўп касалликларни даволашда қўлланилган моддани ҳам тушунишганини таърифлаб, қуйидагиларни ёзган: «Тоғ эчклиари тоққа чиқиб, бир-биридан кейин бир чуқурчага бўшанишган, бу жойдаги сийдик қуёшдан қораяди ва қуюқлаша бошлайди ва ёғлиқ елимга ўхшаб қолади. Мана шу нарса шаладжадир».

Кейинги йилларда халқ таърифидаги шифобахш мумиёга бўлган қизиқиш кучайди. Тоғларга мумиё топиб келиш учун маҳсус экспедициялар уюштирилди. Унинг шифобахшлик хусусияти клиникаларда, илмий текшириш институтларида ўрганилди. Лекин шунга қарамасдан унинг келиб чиқиши ҳақида бир фикрга келинган эмас. Баъзи бир мутахассислар у нефть сингари тош ёриқларидан чиқиб ётади деб ҳисоблашса, баъзи бирорвлар Беруний фикрини қувватлаб, мумиё органик келиб чиқишига эга ва у ҳайвон экскрементларидан ташкил топади деган фояни илгари сурадилар.

Жануби-ғарбий Ҳисор тоғ тармоқларидан бири ҳисобланган Ғовурдок тоғида Н. П. Петров 1947—1948 йилларда ёк мумиёсімөн қора моддалар топған эди. Лекин ўша вақтларда мумиә масаласи ҳали мұхим бўлмагани учун унга эътибор берилмаган.

Кейинги йилларда бу территорияда ўтказилган ғоршунослик текширишлари натижасида иккита ғорда мумиё топилади.

Мумиёни биринчи марта Саримас тоғининг жанубий ёнбағрида — абсолют баландликда жойлашган Давкамар ғоридан топилди. 1315 м ғорга кираверишда шипдан қулаб тушған диаметри 1,5 м ва 5 м гача етадиган 2 та оҳактош бўлаклари бўлиб, мумиё харсангтошларнинг орасидан сизиб оқиб чиққан эди. Тошларнинг устки қисмидә эса ҳайвон экскрементларидан ташкил топған қалин қатлам бўлган. Диққат билан текширилганда бу қатламнинг қаватлардан ташкил топғанлиги аниқланди. Энг қўйи қатлам бевосита тош устки қисмига тегиб турган энг қадимий қават бўлиб, ҳайвон экскрементлари жуда қаттиқлашиб, жипслашиб кетган, қорамтири қўнғир тусга кирган ва ўзига хос специфик ҳидга эга. Юқори қаваглари эса бирмунча ғоваклашиб боради ва энг юқориси ҳайвонларнинг янги ахлатларидан ташкил топған.

Мумиё тошларнинг жанубий қуёшга қараган қисмидаги майдада майдада ёриқлардан оқиб чиқади ва ёриқлар атрофидаги тош сатҳини бир неча миллиметрдан 0,5 см гача қалинликда бўлган қоплама шаклида ўраб ётади. Баъзи бир жойларда мумиё қоплами сумалаксимон шаклга кирган ва осилиб туради.

Бу барча далиллар Давкамар ғоридаги мумиёнинг органик келиб чиққанидан далолат беради. Ғорнинг салқин қисмий қадимий давлардан буён ҳайвонларнинг севиб дам оладиган жойи ҳисобланган. Эҳтимол, уй ҳайвонлари билан бир қаторда ҳозир ҳам учраб турадиган ёввойи тоғ эчкилари ҳам дам олишган. Уларнинг бу жойда кўп тўпланиш сабабларидан бири ғорнинг жазирама

иссиқ ёки қаҳратон совуқдан сақланишигина әмас, бал-ки баланд тош устига ётиб дам олаётганда, пастдан тоқ-қа чиқадиган йўллар кўриниб турганлиги ва овчи ёки йиртқич ҳайвонларни кузатиб туриш учун қулайлиги-дир. Вақтлар ўтиши билан бу ерда ҳайвон ахлатлари-дан қалин қатлам вужудга келиб ачийди, таркибидаги бактериялар уни қайта ишлайди ва натижада табиий биостимуляторларга бой экстракт пайдо бўлади. Ёмғир сувлари уларни ювиб, ҳарсанг ёриқлари ичига олиб кетади. Улар қуюқлашиб, ёзинг иссиқ кунлари эрийди ва юмшоқлашиб тошнинг пастки қисмидаги ёриқлардан сизиб чиқади-да, майда сумалаклар шаклида қотиб қолади.

Агар Давкамар горидаги мумиёнинг органик келиб чиқиши тушунарли бўлса, 1620 м баландликда жойлашган Кўҳитангтоғда Мумиё горидаги мумиёнинг келиб чиқиши мунозаралидир. Горнинг оғзи жануби-шарққа қараган. Мумиё горнинг шипида юпқа қатлам шаклида жойлашган. Баъзи бир чукур жойларда эса, унинг қатлами бирмунча қалинлашади. Мумиёси сувда эрувчан ёпишқоқ. Ранги қорамтир-қўнғир. Фор шипида ва полида ҳеч қанақа органик қолдиқлар изи топилмайди. Айни бир вақтда мумиё қатламининг фор шипида мавжуд бўлган бир неча ёриқлар билан ҳам алоқаси йўқ.

ФОРЛАРДАГИ ҲАҚИҚ

Карст жараёнида ҳосил бўлган ғорлардаги қимматли ҳақиқ тошининг ҳосил бўлиши ҳам эътиборга молик. Ҳақиқ тоши айрим ғорларнинг деворларида сталактит, сталагмитлар шаклида ёки фор полида яхлит ҳолатда учрайди.

Ҳақиқ тоши инсоният тарафидан биринчи маротаба бронза билан қўшиб, ҳар хил хўжалик ва саноат маҳсулотлари яратган қимматли минераллардан бири ҳисобланади. Ўзининг жилвадор ташқи кўриниши ва зийнат-

лаш хусусиятлари билан ҳозирги вақтда ҳам биноларнинг меъморлик безакларида ва хилма-хил ёдгорлик маҳсулотлари ишлаб чиқаришда кўп қўлланилади.

Инсонияти пайдо бўлиш даврида эса ҳақиқ муқаддас тош сифатида муҳим роль йўнаган. Тарихий ҳужжатлардаги маълумотларга қараганда, Қадимий Мисрда ҳақиқ тошидан коҳинлар учун хилма-хил бе зангичлар ва мўқаддас мойлар сақланадиган идишлар ясалган.

Жуда кўп давлатларда муҳим биноларнинг (мачит, черков, қаср ва мақбараалар) безатилишида ҳақиқ тоши кенг қўлланилган ва улардан бошқа қимматбаҳо тошлар билан бирга гўзал паннолар; девор қадама нақшлари яратилган. Қадимий Самарқанд шаҳридаги 15 асрда бунёд этилган Темурийлар даҳнаси ҳисобланған Гўр-Амир мақбараасидаги буюк астроном Улуғбек қабри устига ҳақиқ тошидан ёдгорлик қўйилган ва унинг ички қисми деворлари денгиз тўлқинлари рангидаги ҳақиқ тоши билан қопланган.

Джон Роскин Венециядаги муқаддас Мария черковидаги ҳақиқдан ишланган безакларни таърифлар экан «ҳақиқ тоши—дунёning мўъжизасидан бири»,— деганди.

Ҳақиқ тошидан ясалган хилма-хил ноёб буюмлар дунёning кўпчилик музейларида сақланмоқда. Қадимий маълумотларга қараганда ҳақиқ тошининг бой ғамламалари Миср, Мексика, Аргентина, Шимолий Америка (Калифорния), Италия, Жазоир ва СССР территориясида — Арманистонда маълум бўлган. Арманистон ҳақиқ тоши бошқа безаш тошлари билан Москва метрополитенининг Кіев, Динамо станцияларини безашда қўлланилган.

Ўрта Осиёда ҳақиқ тоши илгаритдан кенг қўлланилган бўлса ҳам унинг ғамламалари топилмаганди. Фақаттина Гўри-Амир ва бошқа мақбараалардаги ҳақиқ безакларига қараб, бу территорияда бир вақtlар ҳақиқ қазиб олинган деб тахмин қилинарди.

Асримизнинг олтмишинчи йилларида геологлар Ҳошимўйиқ горига тушиш йўлида ҳақиқ ғамламаси борлигини аниқлашган. Аммо у қазиб олингудек бўлса, табиатнинг бу нодир ёдгорлиги—Ҳошимўйиқ гори ўзининг гўзал қиёфасини йўқотар эди. Кейинчалик Ҳошимўйиқ горидан юқоридаги Қопқўтон горида ва бошқа шу атрофдаги бир неча форларда ҳақиқ ғамламаси борлиги аниқланди. Бу эса Ҳошимўйиқ горини-сақлаб қолиш имконини берди.

Кейинги йилларда олиб борилган форшунослик изланишлари натижасида жануби-ғарбий Ҳисор тоғларидағи бирмунча форларда ҳам ҳақиқ ғамламаси мавжудлиги маълум бўлди. Булардан бири 1973 йил Кўҳитангтогда топилган ва 1251 абсолют баландликда жойлашган Ажинакамар горидаги ҳақиқ ғамламасидир. Ҳақиқ тоши бу жойда сариқ тусли бўлиб, ичида тўқ рангли йўллари бор. У енгил йўнилади, силлиқланади ва зийнатловчи безак сифатида ишлатилиши мумкин. Бундан ташқари Тўполнондарё ирмоқларидан бири бўлган Кундаижаус сойи ўнг қирғоғи билан Подахона қишлоғидан 25 км төғ сўқмоқларидан юриб боргандга учрайдиган 500 м узунликдаги Мозоринав горининг деворларида ҳам ҳақиқ ғамламалари мавжуд. Геологик изланишлар натижасида Амир Темур Кўрагоний гори ичидаги ҳам ҳақиқ ғамламалари мавжудлиги аниқланди.

ФОРЛАРНИ ЎРГАНИШНИНГ ИЛМИЙ ҲАМДА ХАЛҚ ХУЖАЛИГИ ВА САИЕХЛИКДАГИ АҲАМИЯТИ

Форларни ўрганишнинг илмий аҳамияти фоят каттадир. Юқорида таърифлаганимиздек археологлар форларда тош асри ва ундан кейинги даврларда яшаган одамларнинг қуролларини топишади. Ботаниклар эса фортагидаги қатламларни ўрганиши натижасида ундаги қадимий гулханлардаги дараҳт қолдиқлари, ўсимликлар уруғларини топиб, фор атрофидаги ўсимликларнинг ўз-

тариш тарихини ўрганишади. Зоологлар ҳайвонлар сүягига қараб, қадимий одамлар қандай ҳайвонларни сақлаганини билишади. Фор атрофида яшаб, йўқ бўлиб кетган ҳайвонлар тўғрисида фақат улардан қолган қолдиқларгина эмас, балки фор деворидаги қадимий одамлар чизган расмлар ҳам маълумот беради. Табиатшунос биологлар форнинг ичига кириб борар экан, унинг кириш қисмida кўзлари тўлиқ ривожланган, бирмунча ичкарида ярим кўр ва яна ҳам ичкарида қоронгулик қўйнида кўр бўлиб қолган мавжудотларни ўрганишади. Форлар унчалик узоқ бўлмаган масофада биологларга организмларни қоронгуликка мослаша билишини кўрсатувчи табиий лаборатория бўлиб хизмат қилади. Ҳолбуки, бунинг экспериментал ҳолатда сунъий ташкил қилиниши учун анча вақт талаб қилинади. Шунинг асосида биологиянинг янги тармоғи фор биологияси ажралиб туради ва у биоспелеология деб аталади.

Фор ичида топилган инсон сүяклари ва скелети қолдиқлари антропологларга бу ерда яшаб ўтган қадимий одамларнинг ташқи қиёфасини қайта тиклашга имкон беради. Академик Герасимов мана шу тарзда Тешиктош форида топилган калла сүягига қараб, ҳозирги Ўзбекистон территориясида яшаган 9 яшар неандерталь бола ташқи қиёфасини қайта тиклади.

Санъат тарихи ҳам форлардан бошланган. Биз юқорида таърифланган Зараўткамар деворидаги расмлар галереясига қарап эканмиз, узоқ авлод-аждодларимиз қандай яшаганини, ҳаёт тарзларини тўлиқроқ тушумиз ва улар санъатига таҳсинлар ўқиймиз.

Карст ҳодисаси кенг ривожланган районларда кимёвий элементлар ер ости миграциясини ўрганишда геохимикларга бой материаллар беради. Гидрогоеологлар эса бевосита ер ости сувлари ҳаракатини форлардан туриб кузатиши мумкин. Геологлар эса фор деворларида, у пайдо бўлгандан кейин ҳосил бўлган ёриқларни ўрганиши натижасида шу жой неотектоникасини ўрганиш-

ди. Фор ичидаги қаватлар ўша жойнинг кўтарилиши ёки чўкаётганлиги ҳақида далолат беради. Карст шахталарига тушиб бориш жараёнида маҳсус қудуқларсиз ҳам шу жойнинг геологик кесимини, ундаги қаватларнинг қандай ўзгараётганини кузатиш мумкин. Форларнинг режаси муҳандислик геологияси бўйича мутахассисларга ҳам қизиқ маълумотлар беради. Минералогияда янги бўлим — фор минералогияси бўлими пайдо бўлган. Бундан ташқари фақат форларга хос бўлган эндемик минераллар ҳам мавжуд.

Жануби-ғарбий Ҳисор тоғларидаги форлар ҳозирги вақтда маҳаллий аҳоли томонидан халқ хўжалигида муваффақиятли фойдаланилмоқда. Саримас тоғи этагида жойлашган Чоҳак ғори қиши кунлари ёзлик ўтовларни сақлаб қўювчи омбор вазифасини ўтамоқда. Бундан ташқари унинг бир қисми ўраб олиниб, қўйхонага айлантирилган. Тешиккамар, Тангиғор, Арк форлари чорва молларининг ёз саратонида ва қиши чилласида дам оладиган жойи бўлиб ҳисобланади. Хўжа Қадаҳ ғори ёғоч материаллари сақланадиган омборга айлантирилган. Лекин афсуски, баъзи форлар ва карст шакллари нотўғри фойдаланилмоқда. Чоҳак ғори ёнидаги улкан карст воронкасига бир неча йиллардан бўён ҳар хил касалликлар натижасида нобуд бўлган чорва моллари ташланмоқда. У воронкадан бир неча юз метр пастроқда Шерободдарё тармоқларидан бири бўлган Шўроб дарёси оқиб ўтади. Натижада ер ости сувларига воронка орқали тушган ҳайвон қолдиқлари сизиб ўтиб, Шўроб дарёсига ўтиши ва анча узоқ масофаларга касаллик тарқатиши мумкин.

Ўзбекистон тоғларидаги форлар ва улардаги хом ашёлардан халқ хўжалигининг турли тармоқларида, айниқса, саёҳат объекти ва форшунослик мақсадида фойдаланиш мумкин.

Жанубий Ўзбекистон майдонидаги форлар ўзининг хилма-хиллиги туфайли беш даражали мураккабликка

Эга. Бу ердаги узунлиги 980 метрга етувчи Каптархонағори ва унинг ер ости дарёсидан келажакда саёҳат объекти сифатида фойдаланиш керак. Бойқобил горидан ҳам унинг тор лабиринтлари ва ер ости дарёси мураккаблигига кўра келажакда разрядли форшунослар тайёрлаш учун ўқув базаси сифатида фойдаланиш мумкин. Бошқа форларнинг деярли ҳаммаси сайёҳлар ва форшуносларга ер ости қасрлари сирлари ҳақида сўзлаб берувчи саёҳат обьектлари бўлиб хизмат қила олади.

МУНДАРИЖА

Кириш

I. Олтин водий сайргоҳлари

Етти тепалик устида

Оҳалик

Омонқўтон

Ургут

Ер ости сув омбори

Тоғлар қабристонида

Афсоналар изидан

Фан тоғларида

Тоғ кўллари

Искандаркўл

Ойқор

Бахмал

Қуруқликдаги орол

Қўксарой

Саҳро медальони

Тим

II. Жанубий Узбекистон ер ости қасрлари

Форлар қандай пайдо бўлади?

Бир томчи сув изидан

Искандар Зулқарнайн зиёрат қилган фор

Гипсли форда

Дарёли фор

Амир Темур гори

Ажинакамар гори

Бойқобил гори

Суратли фор

Ибтидойи одам маконида

Авлиё фори

Хўжа Гургур ота ғори	98
Бўри уясида	99
Шифобахш ғор	99
Ғорлардаги ҳақиқ	101
Ғорлардаги мумиё	104
Ғорларни ўрганишнинг илмий ҳамда ҳалқ хўжалиги ва сай- ёхликдаги аҳамияти	106

1c.50t.

